

stolas beati jam dicti apostoli Pauli ad Ephesios atque ad Philippenses, non tam ex majorum tractatibus, quam ex diversorum tractatum sententiis, veluti mendicus non habens propriam segetem, sed post terga metentium ex aliorum segete congregat sibi victimum, ne biennis tempore fame periclitetur: ita et ego ex aliorum dictis, has brevi stylo comprehendendi Epistolas. Quam expositionem si aptam ad legendum judicaverit serenitas vestra, ad auctorem referite Christum: quia hoc ipsum, ut praefatus sum, donante Domino vestrum est. Si vero reprehensioni patuerit propter sermonis rusticitatem, remota fallacia quae rectam fidem offendit, hujusmodi homines a nobis non pertimescendos ille admonuit, de quo loquimur, et quem tenemus in manibus, qui regnum Dei non in sermone, sed in virtute esse perdocuit, ac semetipsum verbo potius quam scientia imperium esse scripsit. Funestum atque detestabile Pelagi dogma, qui ingratus divinae gratiae exstitit praedicator per celestis gratiae gratissimum preconem beatissimum Augustinum de hac epistola, quantum potui, funditus abdicavi.

Sed et illorum qui ex hac ad Ephesios Epistola fulciri moliti sunt haeretem suam, ubi ait, *Sicut elegit nos ante mundi constitutionem, animas hominum ante mundi principium fuisse et coeteras Deo creatori senserunt; sive etiam in Epistola ad Philipenses Deum Patrem potiorem Filio crederunt. Hæc omnia, velut mortale præcipitum aut lethale*

A virus, catholicis auribus denuntio fugienda: quorum idcirco reticeo vocabula, ne derogare videar, predecessores potius, quam dicere veritatem.

Epistolam sane Apostoli ad Galatas in qua anno praeterito, in quantum valui, studiosissime laboravi, nihil in ea nuper auxi: sed ita, ut antea a me comprehensa est, huic vero operi juxta ordinem suum in capite sociavi.

De ceteris vero epistolis, licet plurima penes me teneantur excerpta, multa tamen adhuc supersunt perquirenda. Sed quia me anno praesenti, prepeditibus peccatis meis, graviter obligatus, et nimis anxietatibus deditus, mihi vivere non libet, neque Scripturas perscrutari licet. Unde obsecro B clementiam vestram, ut non mihi sitis molestus exactor: quia si me adjuverit pietas divina, ego ad reddendum devotus sum debitor. Omnipotens Dominus, qui est Rex regum et Dominus dominorum, vos dominum meum inimicorum omnium superare insidias facial; concessoque premio sincerrimæ charitatis, ad profectum et ornatum totius Ecclesie, ita vivere concedat, ut finito mortalis vita termino, liberum a peccati conscientia suo sancto astare faciat thoro. *Explicit.*

INCIPIT TRACTATUS.

Ephesii sunt Asiani. Hi accepto verbo veritatis persistierunt in fide, hos collaudat Apostolus scribens eis a Roma de carcere, etc.

CLAUDII EPISCOPI ENARRATIO IN EPISTOLAM D. PAULI AD GALATAS.

(Biblioth. max. Patrum, tom. XIV.)

AUCTORIS

EPISTOLA DEDICATORIA.

Domino piissimo et in Christo summo mihi honore singulariter excolendo Dructeranno abbatii Claudius peccator.

Tres, ni fallor, et eo amplius jam pertransiunt tempore anni, quod me adhuc in Aluenni cespitis arvo, in palatio pii principis domini Ludovici tunc regis, modo imperatoris, detentum socordia sensus mei tua servida dilectione adorsus excitare, ut aliquem fructuosum laborem in Epistolis magistri gentium assumerem apostoli Pauli. Sed quia laboribus et turbibibus mundi depressus hactenus parere iunctioni tue nequivi, modo largiente Deo in isto Quadragesimo tempore epistolam beati jam dicti apostoli Pauli ad Galatas ex tractatibus beatorum Augustini et Hieronymi Patrum permixtis procuravi ordinare sententias. In quibus tractatibus cuni ad congruentem expositionem multa deesse cernerem, veri me

C ad alios libros praefati jam Patris Augustini et exinde eam, quæ in illis decretat tractatibus, explore studui expositionem. Nonnulla etiam, ut mihi visum est, infra illorum locutionem, mea studui conjungere verba, quæ utramque expositionem absque scissione conjungerent, et legentis exercerent sensum, et fastidium facerent evitare. Hanc interim quasi manubias quasdam tuæ ovans dirigere studeo sanctitati: ut quoties eam manu tenueris et legeris, mei menor esse digneris: et in unum conjungat immensa ubique præsens Christi charitas, quos spatia terrarum dissociant. De ceteris vero epistolis, jam multa in manibus nostris tenentur excerpta, ad quas, si Dominus voluerit, et vitam atque salutem concesserit, orantibus vobis pro nobis, ad expositionem illarum D quantocius potuero accedere procurabo. Pius et misericors Deus et reverendam mihi beatitudinem tuam, ad profectum et ornatum Ecclesie suæ, et annis multiplicare dignetur, et meritis. Vale in Domino vir Dei, et memento mei.

ARGUMENTUM

EPISTOLÆ D. PAULI AD GALATAS.

Galatæ sunt Græci. Galatia dicta a priscis Gallorum gentibus, a quibus existit occupata. Nam Galli in auxilium regis Bithyniæ vocati, regnum cum eo post peractam victoriam diviserunt : sieque deinde Græcis admisi, primum Gallogræci, nunc ex antiquo Gallorum nomine Galatæ dicuntur, et eorum regio Galatia nuncupatur. Hi verbum veritatis primum ab Apostolo acceperunt, sed post discessum ejus tentati sunt a falsis apostolis, ut in legem et circumcisionem verterentur. Hos Apostolus revocat ad fidem veritatis, scribens eis ab Epheso. Hoc vel maxime argumento Galatæ erant a pseudoapostolis persuasi atque seducti, quod Paulum, per quem vero Evangelio crediderant, non esse apostolum audiebant : videlicet, quia neque de duodecim electus, neque Christum, ut Petrus et ceteri, aliquando sequutas fuisset. Quam derogationem necesse habebat veris rationibus, ac auctoritate sancti Spiritus refutare, per ordinem probans non se ab hominibus, neque per hominem missum, sed per eum qui ipsum et ceteros in ordinem apostolatus elegit.

ITEM ALIUD ARGUMENTUM.

Causa propter quam scribit Apostolus ad Galatas, haec est, ut intelligent gratiam Dei id secum agere, ut sub lege jam non sint. Cum enim prædicata eis esset Evangelii gratia, non desuerunt quidam ex circumcisione, quamvis Christiani nomine, nondum tamen tenentes ipsum gratia beneficium, et adhuc volentes esse sub oneribus legis, quam Dominus Deus imposuerat, non justitiae servientibus, sed peccato : justam scilicet legem injustis hominibus dandæ, ad demonstranda peccata eorum, non auferenda. Non enim aufert peccata nisi gratia fidei quæ per dilectionem operatur. Sub hac ergo gratia jam Galatas constitutos illi volebant constituere sub oneribus legis, asseverantes nihil eis prodesse Evangelium, nisi circumcidenterunt, et ceteras carnales Judaici ritus observationes subirent. Et ideo Paulum apostolum suspectum habere cœperant, a quo illis Evangelium prædicatum erat, tanquam non tenentem disciplinam ceterorum apostolorum, qui gentes cogebant judaizare. Cesserat enim talium hominum scandalis apostolus Petrus, et in simulationem eorum ductus erat, tanquam et ipse hoc sentiret, nihil prodesse gentibus Evangelium, nisi onera legis implerent. A qua simulatione idem apostolus Paulus eum revocavit, sicut in hac ipsa Epistola docet. Talis quidem quæstio est et in Epistola ad Romanos : verum, non videtur aliquid interesse, quod ibi contentionem ipsam dirimit, litemque comprimit, quæ inter eos qui ex Judeis et eos qui ex gentibus crederant orta erat : cum illi tanquam ex meritis operam legis sibi redditum Evangelii præmium arbitrarentur, quod præmium incircumcisio, tanquam imeritis, nollebant dari ; illi contra Judeis se præferre gestirent, tanquam intersectoribus Domini. In hac

A vero Epistola ad eos scribit qui jam commoti erant auctoritate illorum qui ex Judeis erant et ad observationes legis cogebant. Cooperant enim eis credere, tanquam Paulus apostolus non vera prædictasset, quod eos circumcidi noluisset : et ideo sic coepit : *Miror quod sic tam cito transferimini, ab eo qui vos vocavit in gloriam Christi, in aliud Evangelium.* Hoc ergo exordio cause questionem breviter insinuavit : quanquam et ipsa salutatione (cum dicit se apostolum *non ab hominibus, neque per hominem*, quod in nulla alia Epistola dixisse invenitur) satis ostendit, et illos qui talia persuadebant non esse a Deo, sed ab hominibus : et ceteris apostolis, quantum ad auctoritatem testimonii evangelici pertinet, imparem se haberi non oportere. Quandoqnidem non ab hominibus, neque per hominem, sed per Jesum Christum, et Deum Patrem, se apostolum noverit. Singula igitur ab ipso Epistolæ vestibulo, permittente Domino et adjuvante studium nostrum, sic consideranda et tractanda suscepimus.

IN CAPUT PRIMUM EXEGESIS.

Paulus apostolus. Quod nomen suum apostolus Paulus in omnibus pene Epistolis præponit in titulo, auctoritas est. Ut enim judices sæculi hujus, quo nobiliores esse videantur, ex regibus quibus servivunt, et ex dignitate, qua intumescunt, vocabula sortinnunt ; ita et Apostolus grandem inter Christianos sibi vindicans dignitatem, apostolum se Christi titulo prænotavit, ut ex ipsa lecturos nominis autoritate terreret, judicans omnes qui in Christo crederent, debere sibi esse subjectos. Apostolus autem, hoc est missus, Hebræorum proprie vocabulum est, quod Silas quoque sonat : cui a mittendo missive nomen impositum est. Aliunt Hebræi inter ipsos quoque prophetas et sanctos viros esse quosdam, qui et prophete et apostoli sint ; alios vero qui tantum prophetæ. Denique Moysen cui dicitur : *Et ego mittam te ad Pharaonem ; et ipse respondeat : Provide alium, quem mittas (Exod. iii), et Isaiam, cui loquitur Deus : Quem mittam, et quis ibit ad populum istum (Isa. vi) ? esse et apostolos et prophetas.* Unde et nos possumus intelligere, Joannem quoque Baptistam et prophetam et apostolum appellandum. Si quidem ait Scriptura : *Fuit homo missus a Deo, cui nomen erat Joannes (Joan. i).* Et in Epistola ad Hebreos propterea Paulum solita consuetudine nec nomen suum, nec Apostoli vocabulum præposuisse, quia de Christo erat dicturus : Habentes ergo principem sacerdotum et apostolum confessionis nostræ Jesum (Hebr. iv) : nec fuisse congruum ut ubi Christus apostolus dicendus erat, ibi etiam Paulus apostolus poneretur. Quatuor autem genera apostolorum sunt : unum, quod neque ab hominibus, neque per hominem, sed per Jesum Christum et Deum Patrem ; aliud, quod a Deo quidem est, sed per hominem ; tertium, quod ab homine, et non a Deo ; quartum, quod neque a Deo, neque per hominem, sed a semelipso. De primo genere potest esse Isaias et ceteri prophetæ, et ipse apostolus Paulus, qui

*neque ab hominibus, neque per hominem, sed a Deo Patre et Christo missus est. De secundo, Jesus filius Nave, qui a Deo quidem est apostolus constitutus, sed per hominem Moysen. Tertium genus est, cum hominum favore et studio aliquis ordinatur, ut nunc videamus plurimos non Dei iudicio, sed redempto favore vulgi, in sacerdotium subrogati. Quartum est pseudoprophetarum et pseudoapostolorum, de quibus Apostolus, istiusmodi, inquit, *pseudoapostoli, operarii iniquitatis, transfigurantes se in apostolos Christi* (II Cor. xi), qui dicunt, Hæc dicit Dominus, et Dominus non misit eos.*

Non ab hominibus, neque per hominem. Non superbe, ut quidam putant, sed necessarie, neque ab hominibus, neque per hominem, se apostolum esse proponit, sed per Jesum Christum, et Deum Patrem, ut eos qui Paulum extra duodecim apostolos ventilabant, et nescio unde subito prorupisse, vel a majoribus ordinatum, hac auctoritate confunderet. Protest autem et oblique in Petrum et in ceteros dictum accipi, quod non ab apostolis ei sit traditum Evangelium, sed ab ipso Iesu Christo, qui et illos apostolos elegerat. Hoc autem totum ideo preparatur, ut nemo sibi contra legis onera pro Evangelii gratia disputanti posset opponere. Sed Petrus hoc dixit, sed apostoli hoc statuerunt, sed precessores tui aliud decreverunt: quod quidem in sequentibus, nunc quasi occulto sermone præcludens, manifestius facit, dum ab eis qui videntur esse aliquid, nihil in se collatum refert: et ipsi Petro in faciem restitisse se scribit, nulla dicens necessitate compulsum, ut hypocriti cederet Iudaorum. Quod si temerarium quibusdam videtur, eum contra apostolos, quamvis occulite, locutum, qui Hierosolymann idcirco perrexit ut cum eis conserret Evangelium, ne forte in vacuum curreret aut cucurisset. Sequitur:

Sed per Jesum Christum, et Deum Patrem, qui suscitavit eum a mortuis. Quia enim et Filii et Patris una est operatio: et ut scias quia Deus est Christus, a quo ille est factus apostolus, diligenter adverte quod ante nominaverit Filium quam Patrem, contra calumnias Arianorum. Illud vero quod addidit, qui suscitavit eum a mortuis, secundum hoc creditur suscitus, secundum quod mori potuit, sola scilicet carne.

Et qui mecum sunt omnes fratres, Ecclesiis Galatiae. In aliis Epistolis Sosthenes et Silvanus, interdum et Timotheus in exordio præponuntur. In hac tantum, quia necessaria erat auctoritas plurinorum, omnium fratrum nomen assumitur, qui et ipsi forsitan ex circumcisione erant, et a Galatis non contemptui ducebantur. Plurimum quippe facit ad populum corrigendum multorum in una re sententia atque consensus. Postquam enim auctoritatem suam commendavit, hos addit, ut omnes communis adversus eos ostenderet, quamvis sufficeret auctoritas ejus, nec posset refutari. Tamen ut grave factum illorum ostendat, quo a prima fide desliterant, multos secum accensos ad errorem illorum arguentum de-

A signat. Facile enim poterit quis intelligere errare se, si se a multis videat reprehendi. Quod autem ait, *Ecclesiis Galatæ*, et hoc notandum, quia hic tantum generaliter, non ad unam Ecclesiam unius urbis, sed ad totius provinciæ scribebat Ecclesias. Et Ecclesias vocat, quas postea errore arguit depravatas. Ex quo noscendum duplice Ecclesiam posse dici, et eam quæ non habeat maculam aut rugam, et vere corpus Christi sit; et eam quæ in Christi nomine absque plenis perfectisque virtutibus congregetur.

Gratia vobis et pax a Deo Patre, et Domino Iesu Christo. Gratia Dei est, qua nobis donantur peccata, ut reconciliemur Deo. Pax autem, qua reconciliamur Deo, non ut in ceteris epistolis, Dei Patris et Domini nostri Iesu Christi, gratiam ponit, et pacem, per quas absque operum merito et peccata nobis concessa sunt pristina, et p:x indulta post veniam: sed prudenter jam causam agit adversum eos qui fuerant a lege preventi, et putabant se posse ex operibus justificari, ut scirent se salvos gratia, et in eo perseverare debere quod cooperant.

Qui dedit semel ipsum pro peccatis nostris, ut nos eriperet de praesenti sæculo maligno. Neque Filius se dedit pro peccatis nostris absque voluntate Patris, neque Pater tradidit Filium sine Filii voluntate. Sed hæc est voluntas Filii, voluntatem Patris implere, ut ipse loquitur in Psalmo: Ut facherem voluntatem tuam, Deus meus volui (Psal. xxxix). Aperte ostendit nihil prodesse legem, quando Christum dicit obtulisse se, ut pro nobis pateretur, ut nos justificaret, quos lex reos tenebat, ut eruti a lege per fidem Christi, jam non peccatores essemus, sed justificati secunda nativitate Filii Dei appellati. Sæculum praesens malignum propter malignos homines qui in illo sunt, intelligendum est, sicut dicimus malignam domum propter malignos inhabitantes in ea, non tamen sæculum ipsum quod die et nocte, annis currit et mensibus, appellari malum, sed ea que in sæculo flunt. Quomodo sufficere dicitur diei malitia sua (Math. vi). Et dies Jacob parvi scribuntur et mali (Gen. xlvi); non quod spatium temporis, in quo vixit Jacob malefici fuerit, sed quod ea, quæ sustinuit, per varia eum exercuerunt temperamenta.

Secundum voluntatem Dei et Patris nostrr, cui est gloria. Quanto igitur magis homines non debent arroganter ad scipios referre, si quid operantur boni, quando et ipse Dei Filius in Evangelio non gloriam suam se querere dixit, neque voluntatem suam venisse facere, sed voluntatem ejus qui cum misit (Joan. viii). Quam voluntatem gloriamque Patris nunc commemoravit Apostolus, ut ipse quoque Domini exemplo, a quo missus est, non se querere gloriam suam significaret, nec facere voluntatem suam in prædicatione Evangelii, sicut paulo post dicit: Si hominibus placerem, Christi servus non essem. Ut firmum sit et plenum auctoritate, quod dicit, quia Christus nos liberavit, addidit, quia istud cum Patris fecerit voluntate.

In sacula saeculorum. In infinitis beneficiis insinuata gloria debetur.

Amen. Prologum suum Hebræo sermone concludit, Amen. Septuaginta transtulerunt, γένοτο, fiat; Aquila, πεπετωμένος. Nos vero vere sive fideliter interpretari possumus: quod etiam in Evangelio a Salvatore semper assumitur, sua per Aimen verba confirmante.

Miror quod tam cito transferimini, ab eo qui vos vocavit in gloriam Christi, in aliud Evangelium, quod non est aliud. Enumeratis beneficiis mirari se dicit Apostolus quod ab Evangelii libertate potuerint solis verbis retrali in legis servitatem, a quo nullis tormentis debuerint separari. Evangelium enim si aliud est præter id quod sive per se, sive per aliquem Dominus dedit, jam nec Evangelium dici potest. Vigilanter autem cum dixisset, Transferimini ab eo qui vos vocavit in gloriam Christi, quam volebant illi evacuare, quasi frustra venerit Christus, si adhuc tenenda erat circumcisio carnis, atque hujusmodi legis opera tantum valebant, ut per illam homines salvi fierent, addidit:

Nisi sunt aliqui qui vos conturbant, et volunt convertere Evangelium Christi. Volunt, inquit, Evangelium Christi mutare, convertere, turbare: sed non valent, quia hujus naturæ est ut non possit aliud esse quam quod verum est. Non quemadmodum istos conturbant, ita etiam convertere possunt Evangelium Christi, quia manet firmissimum: sed tamen convertere volunt, quia ab spiritualibus ad carnalia revocant intentionem credentium. Illis enim ad ista conversis, manet Evangelium non conversum. Et ideo cum dixisset conturbantes vos, non dixit et converentes, sed volentes, inquit, convertere Evangelium Christi.

Sed licet nos, aut angelus de caelo evangelizet vobis, præterquam quod evangelizavimus vobis, anathema sit. Veritas propter seipsum diligenda est, non propter hominem, aut propter angelum, per quem annuntiatur. Qui enim propter annuntiatores eam diligit, potest et mendacia diligere, si qua forte ipsi sua protulerint. Propterea autem sibi, qui aliud in Iudea facere, aliud docere in gentibus criminabatur; et angelo, quem majorem etiam præcessoribus suis apostolis esse contestabatur, anathema denuntiavit, ut non magna Petri et Joannis putaretur auctoritas, cum nec sibi liceret, cui eos ante docuerat, nec angelo aliter prædicare, quam semel didicerant. Sic itaque et angelum nominatum posuit, alias vero absque nomine. Si quis, inquit, vobis evangelizaverit, ut in generali vocabulo nec præcessoribus faciat injuriam, et tamen nomina eorum latenter ostenderet. Nemo miretur Apostolum, qui seritatem morum mansuetabat, sic esse commotum. Pro Galatarum enim salute indignatur adversus inimicos disciplinæ Christianæ. Indignatio enim hæc ostendit, non leve peccatum esse, post acceptam fidem converti ad legem. Nam tam firmum et verum Evangelium, quod eis prædicaverat, asserit, ut etiam

A seipso, id est apostolos (si immutati forte aliter prædicarent) non audiri doceret: quorum utique fama, quod essent apostoli Christi, peragraverat omnem locum: aut si forte diabolus angelum Dei singulis, ut facile possit audiri, de celis appareret contra hæc prædicens, sciretur esse contrarius, et abominatione haberetur. Si ergo apostolos Christi, quorum tam præclara opinio in signis et prodigiis erat faciendis, et angelum de celo, quem possit spiritualis ratio commendare, aliter docentes, quam ab apostolo Paulo docti erant, anathematizari præcipit, quanto magis quos nullum testimonium ad seducendum potest commendare? Ideo autem iterat contestationem, ut confirmet eos in prima traditione. Iterata enim lex sollicitiores reddit negligentes.

B Sicut enim prædiximus, et nunc iterum dico: Si quis vobis evangelizaverit præterquam quod accepistis, anathema sit. Aut præsens hoc prædixerat, aut quia iteraverit quod dixit, propterea voluit dicere, sicut prædiximus; tamen ipsa iteratio saluberrime intentionem movet ad firmitatem retinendi eam, quæ sic commendatur, fidem. Potest et hyperbolice dictum accipi: non quod aut apostolus, aut angelus, aliter potuerint prædicare, quam semel dixerint: sed etiam, si hoc posset fieri, ut et Apostolus et angeli mutarentur, tamen non esse ab eo, quod semel acceptum fuerat, recedendum. Facit autem hoc, non contra solos Galatas, sed et contra omnes hereticos, qui traditiones apostolicas mutare conantur.

*C Modo enim hominibus suadeo, an Deo? an quæro hominibus placere? Si adhuc hominibus placerem, Christi servus non essem. Nemo Deo suadet, quia manifesta sunt illi omnia, sed hominibus. Ille bene suadet, qui non se illis placere vult, sed ipsam, quam suadet, veritatem. Qui enim placet hominibus, non ab ipsis suam gloriam querens, sed Dei, ut salviant, non jam hominibus, sed Deo placet. Aut certe jam cum et Deo placet, simul et hominibus, non utique hominibus placet. Aliud est enim plaoere hominibus, aliud et Deo et hominibus (II Cor. v). Non putemus ab Apostolo nos doceri, ut exemplo suo hominum judicia contemnamus, qui in alio loco dixit: *Scieutes ergo timorem Domini hominibus suademus, Deo autem manifesti sumus.* Et illud: *Sine offensione estote, Iudeis et gentibus, et Ecclesiæ Dei, sicut ego omnibus per omnia placebo, non querens quod mihi utile est, sed quod multis, ut salviant (I Cor. x).* Si enim fieri potest ut pariter et Deo et hominibus placeamus, placendum est et hominibus. Sin autem aliter non placeamus hominibus, nisi Deo displiceamus, Deo magis quam hominibus placere debemus. Alioqui et ipse infert cur omnibus per omnia placat. Non querens, inquiens, quod mihi utile est, sed quod multis, ut salventur. Qui autem ex ea charitate quæ non querit quæ sua sunt, sed quæ aliena, placet hominibus, ut salventur, utique Deo primum placet, cui salus hominum clara est. Habet autem et verbum, quod hic specialiter additum est, modo, vel placendum esse pro tempore*

hominibus, vel displicendum, ut qui modo non placet propter Evangelii veritatem, placuerit quoniam ob salutem plurimorum. Placuerat Paulus aliquando Judæis, cum, æmulator existens paternarum traditionum, sine querela in lege versatus est, et tantum habuit in majorum cæremoniis ardoris et fidei, ut in Stephani nece particeps fuerit, et Damascum perrexit ad eos, qui a lege desciverant, vinclendos (*Act. viii, ix.*). Sed postquam in vas electioinis de persecutore translatus est, et cœpit prædicare fidem, quam quondam expugnaverat, cœpit pariter displicere Judæis, quibus anté placuerat. Illoc est ergo quod ait: Nunquid quæro Judæis placere, quibus displicendo, Deo placui? Si enim illis placarem, adhuc Christi serrus non essem. Assererem quippe legem, et Evangelii gratiam destruerem: nunc autem propterea ne in simulationem quidem observandæ legis adducor, quia non quoero et Deo placere pariter et Judæis, quibus quicunque placet, Deo displaceat.

*Notum enim vobis facio, fratres, Evangelium quod evangelizatum est a me, quia non est secundum hominem: neque enim ego ab homine accepi illud, neque didici, sed per revelationem Jesu Christi. Nunc principium epistolæ aperit. Ipsum enim sensum vult manifestare, quia non ea quæ docebat, ab homine didicerat, ut forte dubitaretur de his quæ docebat, neque secundum humanum judicium apta erat ejus predication, ut indigna divina auctoritate videretur, sed a Dei Filio dicit se didicisse per revelationem, cum jam post resurrectionem esset in cœlis, sicut supra memoravit, et ea quæ didicit convenire voluntati majestatique ejus a quo se didicisse testatur. Evangelium quod secundum hominem est, mendacium est: Omnis enim homo mendax (*Psal. cxvi; Rom. iii*); quia quidquid veritatis invenitur in homine, non est ab homine, sed a Deo per hominem. Ideo jam quod secundum hominem est, nec Evangelium dicendum est, quale illi asserebant qui in servitatem ex libertate attrahebant eos quos Deus ex servitute in libertatem vocabat. Inter accipere autem et discere hoc interest quod accipit Evangelium, cui primum insinuat, et qui ad fidem ejus adducitur, ut credat vera esse quæ scripta sunt; discit autem is qui ea quæ in illo per anigmata et parabolæ figurata sunt, explanata et disserta cognoscit, et cognoscit non homine revelante, sed Christo. Potest, sicut in principio diximus, cum exponeremus, *Paulus apostolus non ab hominibus, neque per hominem, ita et in presenti loco oblique in Petrum accipi, et in cæteros præcessores ejus, quod nullius pro lege auctoritate moveatur, qui Christum solum Evangelii habeat præceptorem.* Porro revelationem illam significat, cum Damascum vadens in itinere Christi vocem audivit: *Saule, quid me persequeris (*Act. ix.*)?* Et cecatus oculis verum lumen mundi intuitus est.*

Audistis enim conversationem meam aliquando in Judaismo, quoniam supra modum persequebat Ecclesiam Dei, et expugnabat illam, et proficiebat in

*Judaismo supra multos coetaneos in genere meo, abundantius æmulator existens paternaram mearum traditionum. Propositum suum, quo prius juxta carnem vigebat repugnans Ecclesiæ, breviter memorat: sed, ut famulus Christi esset, hunc se reliquisse: magis enim se devotum quam illos, in vindicanda lege fuisse designat. Non tamen propter hominum favorem, sed hoc putans utile apud Deum. Per ignorantiam enim cum humanitati placeret, Deo se servire putabat, liberam habens conscientiam. Nesciebat enim jam tempus asserendæ legis non esse. Quapropter doctrinam secutus patrum Judæorum, aut in errore, aut in malevolentia constitutorum, omni industria et servore mentis id agebat, ut cæteris cœqualibus sibi æmulatione legis præstantior B videretur: sic insaniens contra disciplinam Christi, ut nulli hominum parceret, fidei fœdera assecuto; sed cum revelatione Dei labore hunc inanem esse didicisse, et magis contrarium, destituisse ab eo, et se fidei gratiæ destinasse, ut profectus ei esset apud Deum. Si ergo hic, qui Israelita est, et qui dignitate doctoris fultus erat apud Judæos, eruditus a Gamalièle viro prudentissimo, locum halens cum optimis vita hominibus reliquit legem: quanto magis ii qui extra legem erant, legi se subjecere non debuerant? Et si hic gaudet exisse se de sub jugo servitutis, quid est ut hi libertatem suam obligaverint vineulis legis? Plurimum prodest Galatis ista narratio, quomodo Paulus vastator quondam Ecclesiæ et Judaismi acerrimus defensor, ad Christi fidem repente conversus sit. Et hoc eo tempore, quo crucifixus primum annuntiabatur in mundo, quo novum dogma, et a gentibus, et a Judæis, totius orbis finibus pellebatur. Dicere enim poterant, Si ille, qui a parva ætate Pharisæorum institutus est disciplinis, qui onnes coetaneos suos in Judaica traditione superabat, nunc defendit Ecclesiam, quam quondam validissime persequebatur, et magis Christi gratiam et novitatem vult habere cum invidia omnium quam venustatem legis cum laude multorum, quid nos facere oportet, qui ex gentilitate esse cœpimus Christiani? Pulchre vero adjunxit: *Supra modum persequebat Ecclesiam Dei*, ut hinc quoque admiratio nasceretur, quod non unus quicanque de his qui leviter persequebantur Ecclesiam, sed ille qui ceteros in B persecutione vincebat, conversus ad fidem sit: et prudenter dum aliud narrat, interserit, non tam Dei se servisse legi quam paternis, id est, Pharisæorum traditionibus, qui docent doctrinas, mandata hominum, et rejiciunt legem Dei, ut statuant traditiones suas. Quam elegans autem observatio pondusque verborum.*

Audistis, inquit, conversationem meam aliquando in Judaismo. Conversationem, non per gratiam: ut ostendat non potuisse se inde humano consilio, nisi divina revelatione et misericordia, separari. Aliquanto, non modo. In Judaismo, non in lege Dei. Quoniam supramodum persequebat Ecclesiam Dei, et devastabat illam. Non persequebat ut cæteri,

sed supramodum. Nec sufficiebat, quamvis vche-
mens persecutio, sed quasi quidam grassator Eccle-
siam et prædo vastabam. Nec ait Ecclesiam Christi,
ut tunc putabat, quam ducebat contemptui, quam
persequebatur : sed, ut nunc credit, Ecclesiam Dei :
vel ipsum Christum Deum esse significans, vel
eiusdem Dei esse Ecclesiam, qui quondam legis doc-
tor fuit.

*Et proficiebam, inquit, in Judaismo supra multos
coetaneos in genere meo, abundantius emulator
existens paternarum mearum traditionum.* Rursum
prosectum, non legis Dei, sed Judaismi vocat : nec
super omnes, sed super plurimos ; nec super senos,
sed super coetaneos, ut et studium suum referret
in lege, et jactantiam declinaret. Paternas autem
traditiones, non Domini mandata commemorans, et
Pharisæum ex Phariseis indicavit, et habuisse qui-
dem zelum Dei, sed non secundum scientiam. Usque
hodie autem, qui Judaico sensu Scripturas intelli-
gunt, persequuntur Ecclesiam Christi, et depopu-
lantur illam, non studio legis Dei, sed traditionibus
hominum depravati.

*Cum autem placuit ei, qui me segregavit de utero
matris mee, et vocavit per gratiam suam, ut revelaret
Filiū suū in me, ut evangelizem illum in gentibus.*
Segregatur quodammodo de ventre matris, quisquis
a carnalium parentum consuetudine cœca separa-
tur. Vel etiam in præscientia ab utero segregavit,
quando voluit et fecit quod sciebat esse futurum.
Potest et non inconvenienter uterus matris suæ in-
telligi Synagoga.

Continuo non acquieci carni et sanguini. Acquie-
scit autem carni et sanguini, quisquis carnalibus
propinquis et consanguineis suis carnaliter suaden-
tibus assentitur.

*Neque veni Hierosolymam ad antecessores meos
apostolos.* Si de apostolis dixerat, *Continuo non ac-
quieci carni et sanguini,* quid necesse fuerat id ipsum
iterare dicendo, *Neque veni Hierosolymam ad ante-
cessores meos apostolos,* ut aliquid ab illis discerem?
Iste itaque sensus tenendus est quem supra expo-
suimus.

*Sed abii in Arabiam, et iterum reversus sum Da-
mascum.* Si de Damasco abiit in Arabiam, ut do-
ceret quod fuerat ei revelatum, non sibi videtur his-
toriae ordo convenire, referente Luca in Actibus
apostolorum (*Cap. ix*) quod cum Paulus post fidem
Christi per dies multos Evangelium Damasci loque-
retur audenter, factæ fuerint ei insidiæ, et in sporta
per murum nocte dimissus sit, et venit Jerusalem
tentans se jungere discipulis, a quibus cum vitare-
tur, et timerent ad eum accedere, a Barnaba ad
apostolos illum esse perductum, et ibi narrasse quo-
modo Deum viderit in itinere, et Damasci fiducialiter
egerit in nomine Jesu. *Erat,* inquit, *cum illis
intrans et exiens in Jerusalem, et fiducialiter agens in
nomine Domini. Loquebatur quoque, et disputabat
cum Graecis.* Illi autem querebant occidere eum.
Quod cum cognovissent fratres, deduxerunt eum Cœ-

A saream, et dimiserunt Tarsum. Hic autem dicit sa-
primum esse in Arabiam, et iterum reversum Da-
mascum. Post triennium venisse Hierosolymam, vi-
disse Petrum, et cum eo manuisse diebus quinde-
cim. Nec, præter Jacobum fratrem Domini, alterum
apostolum vidisse, quæ ut vera credantur (dubia
quippe videri absentibus poterant) sub testatione
confirmat dicens : *Quæ autem dico robis, ecce coram
Deo, quia non mentior.* Possumus igitur aestimare
esse quidem Paulum secundum Lucæ historiam
Hierosolymam, non quasi ad antecessores apostolos,
ut aliquid ab illis disceret, sed ut persecutionis im-
petum declinaret, qui sibi Damasci propter evange-
lium Christi fuerat concitatus, et sic venisse Hiero-
solymam quasi ad quamcunque aliam civitatem.

B Unde eum statim propter insidias recessisse, et ve-
nissee in Arabiam sive Damascum. Atque inde post
triennium ad videndum Petrum Hierosolymam re-
vertisse. Vel certe statim ut baptizatus sit, et ac-
cepito cibo confortatus, fuisse eum cum discipulis
qui erant Damasci per dies aliquot (*Act. ix*). Et
stupentibus cunctis in synagogis Judæorum prædi-
casce continuo quod Jesus esset Filius Dei, et tunc
isse in Arabiam, et de Arabia Damascum revertisse,
et ibi fecisse triennium : quos dies multos Scriptura
testatur, dicens : *Cum implerentur autem dies multi,
consilium fecerunt Iudei, ut eum interficerent.* Note
autem factæ sunt Saulo insidiæ eorum, et custodie-
bant portas nocte ac die, ut eum interficerent. Acci-
pientes ergo discipuli ejus nocte per murum dimi-

C serunt eum, subnivitentes in sporta. Cum autem ve-

nisset Hierosolymam, tentabat se jungere discipulis.
Lucain vero idcirco de Arabia præteriisse, quia for-
sit nihil dignum apostolatu in Arabia perpetrarat,
et ea potius compendiosa narratione dixisse quæ
digna Christi Evangelio videbantur. Nec hoc segni-
tiae apostoli deputandum, si frustra in Arabia fuerit,
sed quod aliqua dispensatio, et Dei præceptum fue-
rit, ut faceret. Nam et postea legimus in *Actis apo-*
stolorum, Paulum cum Sila egressum prohibitum
esse a Spiritu sancto verbum in Asia loqui. Aliter :
*Sed abii in Arabiam, et iterum reversus sum Da-
mascum.* Quid mihi prodest ista relatio, si legam quod
Paulus post revelationem Christi statim ierit in Ara-
biā, et de Arabia Damascum fuerit reversus,
nesciam autem quid ibi gesserit, quidve utilitatis
habuerit : Itus ac reditus? Dat occasionem altioris
intelligentiae in hac eadem epistola ipse Apostolus
de Abraham et Sara, et Agar disputans. *Quæ quidem
sunt, inquit, per allegoriam dicta.* *Hæc enim sunt duo
Testamenta : unum quidem in monte Sina in servitu-
tem generans, quæ est Agar.* Sina enim mons est in
Arabia, qui conjunctus est ei, quæ nunc est Jerusalem
(*Gal. iv*). Et docet Vetus Testamentum, hoc est, an-
cillæ filium, in Arabia, quæ interpretatur humiliis et
occiduo constitutum. Statim itaque ut creditit
Paulus ad legem et prophetas, et Veteris Testamenti
jam in occiduo, positi sacramenta conversus, ques-
vit in eis Christum, quem jussus fuerat in gentibus

prædicare : et reperto illo, non est ibi diutius commoratus, sed reversus Damascum, hoc est, ad sanguinem et ad passionem Christi. Et inde prophética lectione firmatus, pergit Hierosolymam, locum visionis et pacis. Non tam disciturus aliquid ab apostolis, quam cum eis Evangelium, quod docuerat, collaturus.

Deinde post annos tres veni Hierosolymam videre Petrum. Si cum evangelizasset Paulus in Arabia, postea vidi Petrum : non ideo ut per ipsum Petrum disceret Evangelium, qui tribus jam annis docuerat, sed ut fraternalm charitatem etiam corporali notitia cumularet. Quod si cui non videtur, cum superiori sensu jungat hæc omnia : quod nihil sibi apostoli contulerint, quod jesus sit ire Hierosolymam, ad hoc esse ut videret apostolum : tum intelligeret, eo Paulum non ivisse discendi studio, qui et ipse eundem prædicationis halteret auctorem, sed honoris priori apostolo deferendi.

Et mansit apud eum diebus quindecim. Propterea quindecim ponit dies, ut ostendat, non fuisse grande tempus quo potuerit aliquid a Petro discere : ut ad illum sensum, a quo coepit, cuncta referat, se non ab homine doctum esse, sed a Deo.

Alium autem apostolum vidi neminem, nisi Jacobum fratrem Domini. Jacobum vidit Hierosolymæ, quia ibi erat constitutus ab apostolis episcopus. Fratrem Domini consobrinum ejus debemus intelligere. Negat se itaque præter hos quemquam apostolorum vidiisse, nec occulta contradictio nasceretur. Etiam si a Petro non es doctus, alios habuisti apostolos præceptores. Non vidit autem eos, non quo contemptui duceret, sed quia illi ad Evangelium prædicandum toto fuerant orbe dispersi.

Quæ autem scribo vobis, ecce coram Deo, quia non mentior. Quod ad commendationem ejus pertinet locutus, testem Deum dat, quia ita se habent, quæ dicturus est, ne forte videretur compositum, cum personæ ejus non conveniat aliquid singere : sed cum se commendat, hos vult proficere. Commendatio enim hæc istis proficit, ut sciant ea, quæ ab hoc dicuntur, esse verissima : qui dicit, *ecce coram Deo, non mentior.* Jurat utique ; et quid sanctius hac juratione ? Sed non est contra præceptum Domini ista juratio, in quo ait : *Sit sermo vester, est, est, non, non.* Quod autem amplius est, a malo est (*Math. v.*) ; quantum ergo in ipso est, non jurat Apostolus : non enim appetit jurationem cupiditate aut delectatione jurandi, quod ex malo est, sed infirmitas et incredulitas hoc exigit eorum qui aliter non moventur ad fidem. Hoc autem non solum de his quæ nunc scribit ad Galatas, potest accipi : sed et generaliter de omnibus Epistolis, quia nou sunt falsa quæ scribat, et cor ejus verbaque non discrepent.

Deinde veni in partes Syriæ et Ciliciæ. Post Hierosolymæ visionem venit ad Syriam, quæ nobis dicitur excelsa atque sublimis, et inde transiit ad Ciliciam, quam in fide Christi cupiebat assumere, evangelizans eis vocationem penitentiae Cilicia

A quippe interpretatur assumptio, sive vocatio lamentabilis.

Eram autem ignotus facie Ecclesiis Judææ, quæ in Christo sunt. Animadvertisendum non in sola Hierosolyma Judæos in Christo credidisse, nec tam paucos fuisse, ut Ecclesiis gentium miserentur, sed etiam multos, ut ex illis Ecclesiæ fierent

Tantum autem auditum habebant, quod qui persequebatur nos aliquando, nunc evangelizat fidem, quam aliquando expugnabat, et in me glorificabant Deum. Hoc dicit quia cum Judaismum defenderet, contra fidem, sicut et ii a quibus Galatæ fuerant eversi, a Deo electus est, et doctus dissimulare a Judaismo, et novam legem prædicare, ita ut gauderent in eo ex Judæis credentes, quos pridem persecutus, Deo agentes gratias, qui de persecutore fecit defensorem, ut perinde scirent Galatæ circumventos se, ut sub nomine Christi Judæos se profiterentur, circumcidentes carnem præputii sui, cum Christo lex aliud impleret, quam Judaismus. Illic enim circumcisio carnis est, hic cordis; illinc sub elementis servitur neomeniis et sabbato; hic soli Deo in spiritu, quia corde creditur. Illic conditio est causa peccati, hic libertas ex remissione peccatorum : multa itaque distantia est.

IN CAPUT II.

Dehinc post annos quatuordecim rursum ascendi Hierosolymam, cum Barnaba assumpto et Tito. Ascendit igitur post quatuordecim annos Hierosolymam, et qui prius ad videndum tantum perrexisserat Petrum, et diebus quindecim manserat apud eum, nunc se dicit ideo perrexisse, ut conferret cum apostolis Evangelium assumpto Barnaba circumcisio, et Tito ex gentibus habente præputium, ut sub ore duorum vel trium testium staret omne verbum (*Deut. xvii.*)

Ascendi autem secundum revelationem. Ne moveret eos, quare vel tunc ascenderit, quo tandem non ascenderat : quapropter si ex revelatione ascendit, tunc proderat ut ascenderet : quoniam multo tempore fama ejus crebrescebat apud omnes Judæos, facie autem non videbatur. Perambulabat enim fundare et roborare Ecclesiæ solita constantia inter gentes. A Judæis autem causa legis mala illi siebat opinio, quasi discordaret a prædicatione cæterorum apostolorum : et hic siebat multis scrupulis, ita ut et gentes possent perturbari, ne in aliud ducerentur ab eo, quam tradebant apostoli, qui cum Domino fuerant. Nam ipsa occasione subversi sunt Galatæ a Judæis dicentibus quia aliud traderet Paulus quam Petrus. Hinc factum est ut, admonitus revelatione Domini, ascenderet Hierosolymam cum testibus prædicationis suæ, id est, Barnaba et Tito, uno ex Judæo, et altero ex gentili : ut si quod de eo haberent scandalum, horum testimonio tolleretur, aperiens illis sensum prædicationis suæ, cum apostolis vero secreto contulit, ut scirent non illum discordare a regula Evangelica, hoc est, ne putarent in vacuum currere, aut cucurrisse, sicut aestimabant

aliquanti ex Iudeis credentibus. Nec enim aliquid ab eis discere poterat, qui a Deo fuerat instructus : sed propter concordiam et pacem Dei notum factum est, ut tolleretur scrupulus aut suspicio fratribus, aut coapostolis; et ut gentibus prodesset cognoscentibus, quia concordabat Evangelium ejus cum apostolis.

Et contuli cum eis Evangelium, quod prædico in gentibus. Aliud est autem conferre, aliud discere. Inter conferentes æqualitas est : inter docentem et discentem minor est ille qui discit. In principio fidei in transiū apostolos vidit. Post annos, ut ipse ait, decem et septem plene cum eis loquitur et se humiliat, et ne forte in vacuum curreret, aut cucurisset, inquirit duplē ob causam, quo et humilitas ostenderetur Pauli, qui doctor in toto orbe gentium ad præcessores apostolos cucurisset, et Galate disserent, non reprobasse Evangelium ejus eos quœ qui in Iudea Ecclesiis præsidebant. Simul autem et illud docet, quod pro Christi fide et Evangelii libertate ad eos ipsos qui de eo plura falso cognoverant, quod legem infringeret, Moysen destrueret, circumcisionem penitus auferret, ausus sit ducere Titum, hominem incircumcisum ; et inter tantam multitudinem Iudeorum, et inimicos suos, qui quasi ob zelum legis sanguinem ejus haurire cupiebant, nec ipse tamen, nec Titus aliquo sint terrore superati necessitati cedere. Quæ potuit habere veniam, vel pro loco, vel pro auctoritate majorum, vel pro numero Ecclesiarum quæ ex Iudeis in Christo credebant ; vel pro tempore, ne tantam simul invidiam sustinerent. Totum autem quod ait, illud est, ut doceat se nunquam de persecutore apud eos ipsos quos prius persecutus fuerat potuisse existere gloriosum, nisi prædicatio ejus eorum quoque qui ante eum male noverant, esset judicio comprobata, et ad propositum occulte redit, tam breve tempus se in Iudea fecisse confirmans, ut etiam vultu credentibus esset ignotus, ex quo ostendit non Petrum, non Jacobum, non Joannem se habuisse doctores, sed Christum, qui sibi Evangelium revelasset. Simul autem notandum quod supra dicit, Ecclesiam expugnasse, hic fidem; homines, hic rem ; ut nec opportunius inferretur, ibi evangelizat fidem, quam aliquando expugnabat. De Ecclesia enim similiter sonare non poterat.

Seorsum autem his qui videbantur, ne forte in vacuum currerem aut cucurisset. Quod seorsum exposuit Evangelium eis qui eminebant in Ecclesia, cum jam illud exposuisset coram omnibus, non ideo factum est, quod aliqua falsa dixerat, ut seorsum potioribus vera diceret, sed aliqua tacuerat, quæ adhuc parvuli portare non poterant : qualibus se a Corinthios lac dicit dedisse, non escam (*I Cor. iii*). Falsum enim dicere nihil licet. Potest autem hoc, quod ait : *Contuli cum eis Evangelium, quod prædico in gentibus, seorsum autem his qui videbantur, ne forte in vacuum currerem aut cucurisset*, et sic intelligi : quod absconde cumi apostolis gentium evan-

A gelice libertatis et legis abolitæ vetustatem contulerit, propter multitudinem credentium Iudeorum, qui needum poterant Christum ad impletionem et finem legis audire, qui et absente Paulo Hierosolymæ jacaverant, frustra eum currere, aut cucurrisse, qui putaret legem veterem non sequendam. Non quo Paulus timuerit, ne per decem et septem annos salsum in gentibus Evangelium prædicasset ; sed ut ostenderet præcessoribus suis, non se in vacuum currere, aut cucurrisse, sicut putaverant ignorantes.

Sed neque Titus, qui mecum erat, cum esset ex gentibus ; compulsus est circumcidisti : propter subintroductos autem fratres falsos, qui subintroierunt explorare libertatem nostram, quam habemus in Christo Jesu, ut nos in serritatem redigerent : quibus ad horam cessimus subjectioni, ut veritas Evangelii permaneat apud vos. Si Titus, cum esset ex gentibus, nullo potuit terrore compelli, ut circumcidetur Hierosolymis, Iudeorum metropoli civitate, in qua tanta Paulus blasphemiae in Moysen flagrabat invidia, ut postea pene a Judæis interfactus sit, quando a tribuno liberatus, et Romam vinetus ad Cæsarem mittitur. Quid est, ut vos circumcidamini, cum Titus ab apostolis, qui videbantur aliquid esse, non est compulsus circumcidisti, sed susceptus est incircumcisus : hoc in toto sermonis sui contextu agit, ut doceat se Hebreum ex Hebreis, omnia quondam legis opera servantem, Circumcisum octava die, secundum legem Pharisæum : Nihilominus tamen ob Christi gratiam universa contempnere. Nam cumisset Hierosolymam, et falsi fratres, qui ex circumcisione crediderant, eum vellent impellere ut circumcideteret Titum : nec Titum, nec se cessasse violentia, quoniam custodirent Evangelii veritatem. Quod si dicit se necessitate superatum, ut circumcidetur Titum, quomodo Galatas revocat a circumcisione, a qua nec Titum, qui secum fuerat ex gentibus Hierosolymis potuit excusare ? Itaque aut iuxta Græcos codices est legendum, *Quibus neque ad horam cessimus subjectioni, ut consequenter possit intelligi, ut veritas Evangelii permaneat apud vos.* Aut si Latini exemplaris alicui fieri placet, secundum superiorum sensum accipere debemus, ut ad horam cessione non circumcidendi Titum, sed eundi Hierosolymam fuerit. Quod scilicet idcirco subjectioni cesserint Paulus et Barnabas eundi Hierosolymam, seditione ob legem Antiochiae concitata, ut per epistolam apostolorum sua sententia firmaretur, et maneret apud Galatas Evangelii veritas, quæ non esset in littera, sed in Spiritu ; non in carnali sensu, sed in intelligentia spirituali : nec in manifesto Judaismo, sed in occulto. Quidam post quatuordecim annos eum Hierosolymam ascendisse, tunc dicunt, quando in Actibus apostolorum de questionibus observandæ vel prætermittendæ legis intercedentes, Antiochiae orta dissensio est, et placuit ire Hierosolymam, et sententiam majorum prestolari : quando ipse quoque Paulus et Barnabas missi sunt : et hoc esse quod

D C

B

C

D

in codicibus legatur Latinis, quibus ad horam cessimus subjectioni, ut veritas Evangelii perseveraret apud eos. Quod scilicet propterea Paulus et Barnabas, de re manifesta, quasi dubia, se mitti passi sunt Hierosolymam, ut majorum quoque judicio Evangelii gratia confirmata credentibus probaretur, et nulli resideret ultra dubitatio circumcisionis omissae, cum apostolorum esset litteris imperatum, jngum legis ab iis qui in Christum ex gentibus cederant auferendum. Scendum vero quod, autem, conjunctio, quæ in praesenti loco ponitur, propter subintroductos autem falsos fratres superflua sit; etsi legatur, non habeat quod ei respondeat, illamque concludat. Sed hunc esse ordinem lectionis et sensus: Sed neque Titus, qui merum erat, cum esset ex gentibus, compulsus est circumcidendi, statimque subjungat quæ causa fuerit ut ad circumcisionem impelleretur invitus: propter subintroductos autem falsos fratres, qui subintroierunt explorare libertatem nostram, quam habemus in Christo Iesu, ut nos in servitutem redigerent. Id est, illi qui subintroierunt explorare libertatem nostram, vehementer observabant et cupiebant circumcidendi Titum, ut jam circumcisionem, etiam ipsius Pauli attestatione et consensione, tanquam saluti necessariam, predicarent: et sic eos in servitutem redigerent, id est, sub onera legis servilia revocarent: quibus se nec ad horam, id est, nec ad tempus cessisse dicit subjectio, ut veritas Evangelii permaneret apud gentes, qui cum minis, terrore, multitudine vellent nos a libertate Christi in legis traducere servitutem, nec ad tempus quidem eis cessimus ut circumcidemus Titum: maxime cum et aliqua ob Ecclesiasticam pacem potuerit nos necessitas excusare: Et hoc totum fecimus ut vobis nulla fieret occasio ab Evangelii gratia recedendi. Si igitur Hierosolymis inter tantos Iudeos, imminentibus hinc inde falsis fratribus, et his qui majores erant, aliqua ex parte cohibentibus, nulla potuimus vi ac ratione compelli ut observaremus circumcisionem, quam sciebamus esse finitam, vos ex gentibus, vos in Galatia, vos, quibus vis nulla inferri potest, ultra a gratia receudentes ad legis jam abolitæ transcendetis vetustatem.

A Ab his autem, qui videbantur esse aliquid, quales aliquando fuerint, nihil mea interest. Deus personam hominis non accipit. Licet, inquit, Petrum et Joannem Dominus secundi apostolos habuerit, et transfiguratum eum in monte viderint, et super ipsos Ecclesiæ sit positum fundamentum, nihil mea interest, quia non adversum eos loquor qui eo tempore Dominum sequebantur, sed adversus eos qui nunc legem propoxunt gratiae. Nec detraho præcessoribus, nec in aliqua parte accuso majores: sed hoc dico, quia Deus personam hominis non accipit, id est, sine personarum acceptione ad salutem vocavit, non reputans illis delicta eorum. Et ideo absentibus illis, qui priores facti erant apostoli, Paulus a Domino perfectus est, ut quanto cum eis contulit, nihil esset

A quod perfectioni ejus adderent, sed potius viderent eundem Dominum Jesum Christum, qui sine personarum acceptione salvos facit, hoc dedisse Paulo, ut ministraret gentibus, quod etiam Petro dederat, ut ministraret Iudeis. Non ergo iuventi sunt in aliquo dissentire ab illo, ut cum ille se perfectum Evangelium, accepisse diceret, illi negarent, et aliquid vellent, tanquam imperfecto, addere: sed e contrario pro reprehensoribus imperfectionis approbatores perfectionis fuerunt: et dederunt dextras societas, id est, consenserunt in societatem, et paruerunt voluntati Domini, consentientes, ut Paulus et Barnabas irent ad gentes: ipsi autem in circumcisione, quæ præputio, id est gentibus contraria videtur.

B Mihi autem qui videbantur, nihil contulerunt. Nihil se dicit ab apostolis assocutum, sed a Deo: quia qui imperitis sensum tribuit disciplinae Christianæ, ipse et mihi, inquit cum essem legi peritus dignatus est impartire sensum rationis hujusmodi. Quonodo ergo fieri poterat, ut hic ab his disceret, quem peritum inveniens peritiorem fecit gratia Christi? Ipse superioris cum illis contulit, et multa ad eos retulit, quæ in gentibus perpetrarat. Illi nihil contulerunt ei, sed tantummodo, quæ ab eo dicta sunt, comprobantes, dextras dedere cōsortii, et unum suum Paulique Evangelium firmaverunt.

Sed contra, cum vidissent, quod creditum est mihi Evangelium præputii, sicut et Petro circumcisionis.

C Totum autem, quod dicit, hoc est, unum atque idem mihi Evangelium præputii et Petro circumcisionis eredit. Me misit ad gentes, i lumen posuit in Iudea. Nec gentes poterant adulta jam ætate non pro futuro circumcisionis dolore cruciari, et abstinere se ab escis, quibus semper assueverant, et quas Deus creaverat ad utendum. Nec hi, qui ex Iudeis crediderant, et circumcisi erant, et ex consuetudine, quasi secunda natura, putabant se ceteris gentibus plus habere, facile contemnere poterant ea, in quibus gloriabantur. Providentia utique Dei aliis apostolorum circumcisionis datus est, qui legis umbris videtur acquiescere, aliis in præputio constitutus, qui Evangelii gratiam non putaret esse servitium, sed liberam fidem, ne sub aliqua occasione impedimentum fidei nasceretur, et propter circumcisionem sive præputium, non crederetur in Christo.

D Qui enim operatus est Petro in Apostolatum circumcisionis, operatus est et mihi inter gentes. Id est, non illi sum inferior, quia ab uno sumus ambo in unum ministerium ordinati. Ex quo perspicimus propterea dextras datas Paulo et Barnabæ a Petro, Jacobo, et Joanne, ne in observatione varia diversum Christi Evangelium putaretur: sed et circumcisionorum, et habentium præputium esset una communio, ne gentes legis onere et difficultate deterritte a Christi fide, et credulitate discederent. Occulto oritur hic questione. Quid igitur? Petrus si invenis et ex gentibus, non eos adducet ad fidem? Aut Paulus, si ex circumcisione aliquos reperisset, non eos ad Christi

baptismum provocabat? Quae ita solvitur: Ut dicimus, principale singulis in Iudeos et gentes fuisse mandatum, ut qui defendebant legem, haberent quem sequerentur: qui legis gratiam præferebant, non decesset eis doctor et prævius. In commune vero hoc eos habuisse propositi, ut Christo ex cunctis gentibus Ecclesiam congregarent. Legimus enim et a sancto Petro gentilem baptizatum fuisse Cornelium, et a Paulo in synagogis Iudeorum Christum sæpissime prædicatum, sed tamen plena auctoritas Petro in Iudaismi prædicatione data dignoscitur, et Pauli perfecta auctoritas in prædicatione gentium invenitur. Unde et magistrum se gentium vocat in fide et veritate. Unusquisque enim pro viribus suis et dispensationem sortitus est. Difficilis enim fuit, eos qui longe a Deo erant, ad fidem attrahere et suadere, quain proximos. Petrum solum nominat, et sibi comparat: quia primatum ipse accepit ad fundandam Ecclesiam: se quoque pari modo electum, et primatum habeat in fundandis gentium Ecclesiis.

Et cum cognovissent gratiam qua data mihi, Petrus, et Jacobus, et Joannes, qui videbantur columnæ esse, dextras dederunt mihi, et Barnabæ societatis, ut nos in gentes, ipsi autem in circumcisionem.

Ab apostolis, qui clariores inter ceteros erant, quos et firmitatis causa columnas appellant, quique cum Domino semper in secretis fuerant, gloriam ejus digni in monte respicere: ab his itaque probatum dicit donum, quod accepit a Deo, ut dignus esset habere primatum in prædicatione gentium, sicut et habebat Petrus in prædicatione circumcisionis. Et sicut dat Petro socios viros egregios, inter apostolos, ita et sibi jungit Barnabam, qui divino iudicio ei adjunctus est: gratiam tamen sibi soli primus vindicat concessam a Deo, sicut et soli Petro concessa est inter apostolos, ita ut apostoli circumcisionis dextras porrigerent apostolis gentium, ad concordiam societatis demonstrandam: ut utriusque scientes perfectionis spiritum in dispensationem Evangelii se a Domino consecutos, in nullo se invicem egere ostenderent. Columnæ igitur sunt Ecclesie apostoli (Matth. xxvii), et maxime Petrus, et Jacobus, et Joannes. E quibus duo cum Domino ascendere merentur in montem, quorum unus in Apocalypsi Salvatorem introduxit loquentem: *Qui vicerit, faciam eum columnam in templo Dei mei* (Apoc. iii), docens omnes credentes, qui adversarium vicerint posse columnas Ecclesie fieri. Ad Timotheum vero Paulus scribens ait: *Ut scias, quomodo oporteat te in domo Dei conversari, que est Ecclesia Dei vivi, columna autem et firmamentum veritatis* (I Tim. vii). His et ceteris instruimur, tali apostolos omnesque credentes, quam ipsam quoque Ecclesiam columnam in Scripturis appellari, et nihil interesse de corpore quid dicatur an membris, cum et corpus dividatur in membra, et membra sint corporis. Dederunt itaque Petrus, Jacobus et Joannes, qui videbantur columnæ esse, dextras Paulo et Barnabæ societatis. Sed Tito, qui

A cum eis erat, dextras non dederunt. Necdum quippe ad eam mensuram pervenerat, ut possent ei Christi mercimonia ex æquo cum majoribus credi, et evundem teneret negotiatiovis locum, quem Barnabas tenebat, et Paulus. Idecirco igitur hæc, quæ inter se et apostolos facta sunt, manifestat, ut sciant Galatæ, quia quod ab eo acceperant, hoc verum est, et probatum.

*Ut nos in gentibus, ipsi autem in circumcisionem, tantum, ut pauperum essentur memoris, quod etiam sollicitus fui hoc ipsum facere. Sancti pauperes, quorum præcipue ab apostolis Paulo et Barnabæ cura mandatur, ii sunt, qui ex Iudeis credentes pretia possessionum suarum ad pedes apostolorum deferebant gentibus largienda: vel qui a contributis, B cognatis, et parentibus suis quasi desertores legis, et in crucifixum hominem credentes, detestationi et piaculo ducebantur. In borum ministerio sanctus apostolus Paulus quanto labore sudaverit; epistolæ ejus testes sunt, scribentes ad Corinthios, ad Thessalonicenses, et ad omnes gentium Ecclesias, ut præpararent munus hoc per se, vel per alios qui eis placuerint, Hierosolymam deferendum. Unde nunc confidenter dicit, quod etiam sollicitus fui facere hoc ipsum. Communis cura erat omnis apostolis de pauperibus sanctis, qui erant in Iudea, qui rerum suarum venditarum pretia ad pedes apostolorum posuerant. Si ergo ad gentes Paulus et Barnabas missi sunt, ut Ecclesie gentium, que hoc non fecerant, ministrarent, participantes in orationibus ipsorum, C qui hoc fecerant, sicut ad Romanos dicit: *Nunc autem pergam Jerusalæministrare sanctis. Placuit enim Macedonia et Achaiae communionem aliquam facere in pauperes sanctos, qui sunt in Jerusalem. Placuit enim illis, et debitores eorum sunt. Si enim in spiritualibus eorum communicarerunt gentes, debent et carnalibus ministrare eis* (Rom. xv).*

Cum autem venisset Petrus Antiochiam, in faciem ei restiti, quia reprehensibilis erat. Prius enim, quam venirent quidam ab Jacobo, cum gentibus edebat. Cum autem venissent, subtrahebat et segregabat se timens eos, qui ex circumcisione erant, et simulationi ejus consenserunt ceteris Iudei, ita ut Barnabas duceretur ab eis in illam simulationem. Petrus autem cum venisset Antiochiam, objurgatus est a Paulo, non quia servabat consuetudinem Iudeorum, in qua natus atque nutritus erat, quanquam apud gentes tam non servaret, sed objurgatus est, quia gentibus eam volebat imponere, cum vidisset quosdam venisse ab Jacobo, id est, a Iudea. Nam Ecclesie Hieros lymane Jacobus præfuit. Timens ergo eos, qui adhuc putabant in illis observationibus salutem esse constitutam, segregabat se a gentibus, et simulationi ejus consenserunt ceteri Iudei apponenda gentibus illa onera servitutis. Unde et Paulus hac eadem arte, qua ille se simulabat, ei restitit in faciem: et loquitur coram omnibus, non tam ut Petrum arguat, quam ut ii, quorum causa Petrus se simulaverat, corrigatur. Quod in ipsis objurgatione verbi satis

apparet. Non enim ait, Si tu cum Judaeus sis, gentiliter, et non Judaice vivis, quomodo geates cogis judaizare? Indissolubili argomento constringit Petrum, immo per Petrum eos qui pugnabant inter se. Si, inquit, o Petre, tu natura Judaeus, circumcisus a parva aetate, et universa legis praecepta custodiens, nunc ob gratiam Christi scis ea nihil per se habere utilitatis, sed exemplaria esse et imagines futurorum, et cum his qui ex gentibus sunt cibum capis, nequamquam ut ante superstitiose, sed libere et indifferenter victimas, quomodo eos qui ex gentibus crediderunt, nunc recedens ab eis, et quasi a contaminatis te separans et secernens, compellis judaizare? Hoc totum idcirco ait, non tam ut Petrum arguat, sicut jam dixi, quam ut ii, quoruū causa Petrus se simulaverat, corrigitur. Si enim immundi sunt, a quibus recedis, idcirco recedis, quia non habent circumcisio nem: compellis eos ergo circumcidisti, et Judaeos fieri, cum tu ipse natus Judaeus, gentiliter vixeris. Et latenter ostendit causam quare adversum eum disputaverit: quia scilicet gentes simulatione sua judaizare compelleret, dum eum cupiant aemulari. Quod autem hoc ei coram omnibus dixit, necessitas coegerit, ut omnes illius objurgatione sanarentur. Non enim utile erat errorem, qui palam noceret, in secreto emendare; huc accedit, quod infirmitas et charitas Petri, cui ter a Domino dictum est, *Amas me? Pasc oves meas*, objurgationem talem posterioris pastoris pro salute gregis libentissime sustinet. Sed dicet aliquis: Quare Paulus in facie restiterit Petro, et eum reprehensibilem indicavit, cum et ipse factus sit Judaeus? Compatiendo enim id fecit, non mentiendo. Fit enim quisque tanquam cui vult subvenire, quando tanta misericordia succurrerit alteri, quanta subveniri sibi vellet, si esset ipse in eadem miseria constitutus. Itaque fit tanquam ille, non quia fallit eum, sed quia se cogitat sicut illum. Unde illud est Apostoli: *Fratres, si preoccupatus fuerit homo in aliquo delicto, ros qui spiritales estis, instruite hujusmodi in spiritu mansuetudinis, considerans te ipsum, ne et tu tenteris*. Nam si propterea, quia dixit, factus sum Judaeus tanquam Judaeus, et iis, qui sub lege erant, tanquam sub lege essem, illo putandus mendaciter suscepisse legis veteris sacramentum, quando caput totundit in Chencris, et facto calvito oblationem obtulit in Jerusalem, et Timotheum circumcidit, et nudipedalia exercuit, quae utique manifestissime de ceremoniis Judaeorum sunt: debuit et gentium idolatriam eodem modo mentiendo suspicere, qui dixit, etiam his qui sine lege erant, tanquam sine lege se factum, ut eos lucrificaret, quod utique non fecit. Non enim alii cubi sacrificavit idolis, aut adoravit illa figmenta, annon potius libere, tanquam martyr Christi, detestanda et vitanda monstravit? Id autem, quod ipse Paulus apostolus fecit, ut quasdam observationes legitimas Judaica consuetudine retiundo, et agendo, in se, non se inimicum legi prophetisque monstraret, absit ut mendaciter cum fecisse credamus.

A De hac quippe re satis est ejus nota sententia, qua fuerat constitutum, nec Judaeos, qui tunc in Christum crederant, prohibentes esse a paternis traditionibus, nec ad eas gentiles, cum Christiani fierent, esse cogendos: ut illa sacramenta, quae divinitus praecepta esse constaret, non tanquam sacrilega fugerentur: nec tamen putarentur sic necessariajam Novo Testamento revelato, tanquam sine his, quicunque converterentur ad Deum, salvi esse non possent. Erant autem qui hoc putabant, atque predicabant, quamvis jam recepto Christi Evangelio, et eis simulate consenserant Petrus et Barnabas. Ideoque cogebant gentes judaizare. Id erat enim cogere, sic ea necessaria praedicare, tanquam et recepto Evangelio nulla sine illis salus esset in Christo. Hoc error quorundam putabat, hoc timor Petri simulabat, hoc libertas Pauli redarguebat. Galatarum infirmitas compulit eum narrare, quod nec ipsi Petro pepercit veritatem Evangelii non libere defendant, sicut ad profectum Corinthiorum manifestavat visionem, quam annis quatuordecim occultaverat: hoc autem totum agit, ut ostendat, se nunquam circumcisionis suisse fautorem, sicut de illo pseudeoapostoli jactabant. Sunt vero nonnulli, qui non Petrum apostolorum principem, sed quemdam alium eo nomine, qui a Paulo est reprehensus, accipiunt: qui si Pauli apostoli studiosius verba legissent, ista non dicerent. Dicturus etenim Paulus, cum venisset Petrus Antiochianus, in faciem ei restiti: ut de quo Petro loqueretur, ostenderet, in ipso suae narrationis initio premisit dicens: *Creditum est mihi Evangelium praeputii, sicut Petro circumcisionis*. Qui enim operatus est Petro in apostolatum circumcisionis, operatus est et mihi inter gentes. Patet ergo de quo Petro Paulus loquitur, quem et apostolum nominat, et praefuisse Evangelio circumcisionis narrat. Et fuerunt quidam, qui secundum Petri Epistolam, in qua Epistole Pauli laudata sunt, ejus dicere non fuisse. Sed si ejusdem Epistole verba pensare voluissem, longe aliter sentire poterant. In ea quippe scriptum est: *Voce delapsa ad eum hujuscemodi a magnifica gloria: Hic est filius meus dilectus, in quo mihi complacui*. Atque subjungit: *Et hanc vocem nos audivimus, cum essemus cum ipso in monte sancto* (II Petr. 1).

Legant itaque Evangelium, et proutus agnoscent, quia cum vox ista de celo venit, Petrus apostolus in monte cum Domino stetit. Ipse ergo hanc Epistolam scripsit: qui hanc vocem in monte cum Domino audivit: *Nos natura Judaei, et non ex gentibus peccatores*. Peccatorum autem nomen gentilium imposuerunt Iudei, iam vetusta qualam superbia, tanquam ipsi justi essent, videndo stipulam in oculo alieno, et non trabem in suo. Secundum eorum morem locutus Apostolus ait: *Nos natura Judaei, et non ex gentibus peccatores*; id est, quos appellant peccatores, cum sint et ipsi peccatores: *Nos ergo, inquit, natura Judaei, cum gentiles essemus, non quia ipsi peccatores appellant, tamen et nos peccatores*.

in Christo Jesu crederimus, ut justificemur per fidem Christi. Non autem quererentur justificari, nisi essent peccatores.

Scientes autem, quod non justificatur homo ex operibus legis, nisi per fidem Jesu Christi, et nos in Christo Jesu credidimus, ut justificemur ex fide Christi, et non ex operibus legis. Credimus in Christum, ut quod lex nobis non dederat, fides tribueret, quam habemus in Christo. Quod si recentes a lege in qua salvati non potuimus, transcendimus ad fidem, in qua non carnis queritur circumcisio, sed cordis pura devotio, et nunc a gentibus recedendo hoc agimus, ut quicunque non est circumcisus, immundus sit. Ergo fides in Christum, in qua nos putamus ante salvati, peccati est ministra quam justitiae, quae auferit circumcisio, quam qui non habuerit, immundus est, sed absit, ut, quod semel destruxi, et novi mihi non profuisse, rursum vindicem. Semel a lege discedens, legi sum mortuus; ut in Christo viverem, Crucique ejus affixus, et in novum renatus hominem, fide magis quam carne subsisterem, et cum Christo egrederer e mundo, quod semel adoratus sum, teneo, non mihi gratis Christus est mortuus, in quem frusta credidi, si potui absque fide ejus in veteri lege salvati.

Propter quod ex operibus legis non justificabitur omnis caro. Justificabatur quondam ex lege non omnis caro, sed tantum ii homines, qui in Palæstina provincia erant. Nunc autem ex fide Jesu Christi justificatur omnis caro, dum Ecclesiæ ejus in toto orbe fundantur. Potest autem et per opera legis non inconvenienter circumcisio, sabbatum, dies festi, baptismata, festa temporum, azyma panum, et cetera, quæ in sacramento, non propter justitiam, sed occupandi populi gratia, et ad domandam duritiam sunt data, intelligi.

Quod si querentes justificari in Christo, inventi sumus et ipsi peccatores. Non autem quererentur justificari, nisi essent peccatores. An forte, quia in Christo voluerunt justificari, peccaverunt? Quia si jam justi erant, aliud querendo utique peccaverunt. Sed ita est, inquit, ergo Christus peccati minister est. Quod utique non possunt dicere, quia et ipsi qui nolebant nisi circumcisionis gentibus tradere Evangelium, in Christum crediderant, et ideo quod dicit, absit, non solus, sed cum ipsis dicit. Destruxit autem superbiam gloriantem de operibus legis, quæ destrui et deboret et posset, ne gratia fiduci videretur non necessaria, si opera legis, etiam sine illa, justificare crederentur: et ideo prævaricator est, si rursus illa ædificat, dicens, quod opera legis etiam sine gratia justificant, ut Christus peccati minister inveniatur.

Nunquid Christus peccati minister est? Absit. Si enim gentes fide sola non salvati, nec nos, quia ex operibus legis nemo justificabitur. Ergo adhuc et nos peccatores sumus, et Christus peccati minister est, tanquam non valens peccata donare: sicut et

A lex, quæ per Moysen data est, quæ tantum peccata ostendit, non abstulit.

Si enim quæ destruci, hæc iterum ædifico, prævaricatorem me constituo. Quid ergo? Quia fidem Christi oppugnabas antea, quam nunc ædificas, prævaricatorem te constituis? Sed illam non destruxi, quia destrui non potest. Hanc autem superbiam vere destruxerat, constanterque destruebat, quia destrui poterat. Et ideo non ille prævaricator est, qui rem veram conaretur destruere, et posteaquam veram esse, ac destrui non posse cognosceret, tenuit eam, ut in ea ædificetur. Sed ille prævaricator est, qui cum destruxerit rem falsam, quia destrui potest, eam rursus ædificat.

Ego enim per legem legi mortuus sum, ut Deo vivam. Mortuum autem se legi dicit, ut jam sub lege non esset, sed tamen per legem, sive quia Iudeus erat, et tanquam pædagogum legem acceperat, sicut postea manifestat. Hoc autem agitur per pædagogum, ut non sit necessarius pædagogus, sicut per ubera nutritur infans, ut Jam uberibus non indigeat: et per navem pervenitur ad patriam, ut Jam navis opus non sit. Sive per legem spiritualiter intellectam legi mortuus est, ne sub ea carnaliter viveret, ut per eamdem legem spiritualiter intellectam moreretur carnalibus observationibus legis. Bene autem adjungit, ut Deo ritam. Deo quippe vivit, qui sub Deo est, legi autem, qui sub lege est. Sub lege autem vivit, quantum quisque peccator est, id est, in quantum a vetere homine non est mutatus.

Christo confixus sum cruci. Quia dixerat, se per legem legi mortuum, quomodo mortuus fuerit, ostendit. Christo confixus sum cruci, id est, omnibus peccatis mortuus sum, propter quæ lex data est, et ideo lex mihi minime necessaria est.

Viro autem jam non ego: vivit vero in me Christus. Non vivit ille, qui quondam vivebat in lege, quia persecutus Ecclesiam. Vivit autem in eo Christus, sapientia, fortitudo, sermo, pax, gaudium, ceteraque virtutes; quas qui non habet, non potest dicere; Vivit in me Christus. Quis ergo audiat Christo legem imponere, qui vivit in Paulo? Non enim audit quis dicere Christum non recte vivere, ut ei coercendo lex imponenda sit. Hoc autem totum sub sua persona adversum Petrum de Petro disputat.

Quod autem nunc vivo in carne, in fide, inquit, vivo filii Dei. Aliud est in carne esse, aliud in carne vivere. Qui enim in carne sunt, Deo placere non possunt (Rom. viii). Unde ad bene viventes dicitur: *Vos igitur in carne non estis, sed in spiritu.* Quod vero sabbatidit, in fide vivo filii Dei, ita intelligendum est, ut etiam sic Christus vivat in credente, habitando in interiori homini per fidem, ut postea per speciem impletum eum, cum absorptum fuerit mortale a vita: quoniam futura vita promissa est Christianis. Ideoque qui nunc in hac vita auxilio Dei munitus vivit, in fide vite promissa vivit. Hic enim in imaginem illius contemplatur, quasi pignus habens

vita futurae Ut autem ostenderet, quod vivit in illo Christus, et quod in carne vivens, in fide vivit Filius Dei, non meriti sui esse, sed per gratiam Dei, quae Christi amore nobis quæsita est, addidit :

Qui dilexit me et tradidit seipsum pro me. Pro quo utique, nisi pro peccatore, ut eum justificaret? Et dicit hoc qui Iudeus natus, et educatus erat, et abundantius simulator exstiterat paternarum suarum traditionum. Ergo etsi pro talibus se tradidit Christus etiam ipsi peccatores erant. Non ergo meritis justitiae suæ datum dicam, qui non opus erat dari justis. *Non enim veni vocare justos*, ait Dominus, *sed peccatores* (*Math. ix*). Ad hoc utique ne sint peccatores. Ad Romanos Apostolus de Deo loquitur, quod proprio *Filio suo non pepercit, sed pro nobis omnibus cum tradiderit* (*Rom. viii*). Non vero ait, quod se ipse tradiderit Christus, sed pater tradidit, ut salvaret perditum mundum : Christus se ipsum tradidit, ut Patris suamque faceret voluntatem. Judas autem, et sacerdotes, et seniores populi, et Pilatus vitam morti nescii tradiderunt. Itaque cum ipse quoque pro nostra salute tradiderit, beatus multumque felix erit, qui vivente in se Christo, per singulas cogitationes et opera potest dicere, in fide vivo Filii Dei, qui dilexit me, et tradidit seipsum pro me.

Non abjicio gratiam Dei. Ut dicam per legem esse justitiam. Ille autem abjicit gratiam Dei, qui post Evangelium vivit in lego, et post baptismum sordidatur peccatis.

Si enim per legem justitia, ergo Christus gratis mortuus est. Id est, sine causa mortuus est, quando per legem, id est, per opera legis, quibus Iudei continebant, posset esse justitia in hominibus. Gratias autem mortuum Christum nec illi dicunt, quos resellit, quoniam Christianos se volunt haberi. Non ergo recte per illa legis opera Christianos justificari suadebant. Idcirco enim Christus mortuus est, ut ea prestaret quæ lex non poterat : ac per hoc non gratis mortuus est. Mors enim ejus justificatio peccatorum est. Hucusque contra Petrum : nunc ad Galatas revertitur, quibus recte dicit.

IN CAPUT III :

O insensati Galatae, quis vos fascinavit non obediere veritati? Dupliciter hic locus intelligi potest : vel ideo insensatos Galatas appellatos, a majoribus ad minora venientes, quod incœperant spiritu, et carne consummabantur ; vel ob id, quod unaquæque provincia suas habeat proprietates, vel unaquæque gens vel bonum, vel malum habere asseratur, quod alia non habet. Nos istas aëlitudines declinantes, superiora sectabimur : aut stultitiae eos argui dicentes, per quam spiritum legis, et litteram dijudicare non possint : aut vitio gentis corripi, quod incoliles sunt et recordes, et ad sapientiam tardiores. Quod autem sequitur, *Quis vos fascinari?* dicunt fascinus propriæ infantibus nocere, et astatim

A parvukæ, et his qui necedum firmo vestigio figant gradum. Unde et quidam de gentilibus :

Nescio quis teneros oculus mibi fasciat agnos.

Hoc utrumque verum sit, necne, novit Deus, viderit lector : quia potest fieri, ut et demones huic peccato serviant, et quoscunque in Dei opere vel cœpisse, vel profecisse cognoverint, eos a bonis operibus avertant. Nunc illud in causa est, quod ex opinione vulgi sumptum putamus exemplum, ut quomodo tenera ætas nocere dicitur fascino : sic etiam Galatae in Christi fide nuper nati et nutriti lacte, et non solido cibo, veluti quodam fascinati sint toxicæ, et non stomacho a fide nauseante, Spiritus sancti cibum evomuerint. Irascentis enim cum miraculo verba sunt : quia sic fuerunt depravati, B ut nec se agnoscerent circumventos. Omnis enim qui fascinatur, transit a bono ad malum : sicut et hinc de libertate et securitate ad servitium et sollicitudinem transierunt.

Ante quorum oculos Jesus Christus proscriptus est, et in robis crucifixus. Nobis enim recte proscriptus est Christus de cuius patibulo et passione, alapis et flagellis omnis prophetarum predicit chorus, ut crucem ipsius non de Evangelio tantum, in quo crucifixus resertur, sed multo antequam descendere dignaretur ad terras, et hominem, qui est crucifixus, assumeret, noverimus. Nec parva laus Galatarum est, quod ita crediderint in crucifixum, ut eis fuerit ante proscriptus, quod scilicet lecitantes prophetas, et omnia vetoris legis sacramenta noscentes, via et ordine venerint ad credendum.

Hoc solum volo a vobis discere, ex operibus legis spiritum accepistis, an ex auditu fidei? Respondetur utique, ex auditu fidei. Ab Apostolo enim prædicta est eis fides : in qua prædicatione utique adventum, et præsentiam sancti Spiritus senserant. Sicut illo tempore in novitate invitationis ad fidem etiam sensibilibus miraculis præsentia sancti Spiritus apparebat, sicut in Actibus Apostolorum legitur. Hoc autem factum erat apud Galatas, antequam isti ad eos pervertendos et circumcidendos venissent. Iste ergo sensus est : Si in illis operibus legis esset salus vestra, non vobis Spiritus sanctus, nisi circumeisis daretur. Deinde intalit :

Sic stulti estis, ut cum spiritu corporis, nunc carne consummatamini? Hoc est, quod superius in exordio dixerat : Nisi aliqui sint, qui conturbant vos, et volunt convertere Evangelium Christi. Conturbatio enim ordinis contraria est. Ordo est autem a carnalibus ad spiritualia surgere, non ab spiritualibus ad carnalia cadere, sicut istis acciderat : Cum Iudei non aliter spiritum accipient, nisi per fidem ; vos e contrario putatis vobis spiritum non sufficere, nisi et legi subdamini. Et hoc est Evangelii conversio retrorsum, quod, quia bonum non est, non est Evangelium cum hoc annuntiatur.

Tanquam passi estis sine causa, si tamen sine causa.

Multa jam pro fide toleraverant, non timore tanquam sub lege positi, sed magis in ipsis passionibus charitate timorem vicerant: Quoniam *charitas Dei diffusa erat in cordibus eorum per Spiritum sanctum* (*Rom. v.*), quem acceperant: Sine causa ergo, inquit, tanta passi estis, qui ex charitate, quæ in vobis tanta sustinuit, ad timorem relabi vultis; si tamen sine causa tanta passi estis. Hic si tamen noui dubitantis est, sed confirmantis. Ut est illud: Si tamen justum est apud Deum retribuere his, qui nos tribulant, tribulationem, et vobis, qui tribulamini, requiem nobiscum (*II Thess. i.*). Quod enim sine causa factum dicitur, superfluum est. Superfluum autem, nec protest, nec nocet. Hoc vero videntum est, ne ad perniciem valeat. Non enim hoc est non surgere, quod est cadere: quamvis isti nondum cecidissent, sed jam inclinarentur, ut caderent. Nam utique adhuc in eis Spiritus sanctus operatur, sicut consequenter dicit:

Qui ergo tribuit vobis spiritum, et operatur virtutes in vobis, ex operibus legis, an ex auditu fidei? Tribuit, hoc est, administrat, præsentis temporis est legendum, ut ostendatur per singulas horas atque momenta semper dignis Spiritum sanctum ministriari. Et quanto quis in Dei opere et amore proficerit, tanto magis sancti Spiritus in se habere virtutes, quas auditus fidei, et non legis opera consummavit. Non quo legis opera contempnenda sint, et absque eis simplex fides appetenda, sed ipsa opera fidei Christi adornentur. Scita est enim sapientis viri illa sententia, non fidem vivere ex justitia, sed justum ex fide (*Habac. ii.*). Simul ostenditur *Golatas*, acceptio post fidem sancto Spiritu, dona hauiisse virtutum, id est, prophetiam, generalingnarum, merborum curationes, et cetera, quæ ad *Corinthios* in donis spiritualibus ennumerantur: et tamen post tanta, quia forsitan gratiam discernendarum spirituum non habeant, a falsis doctoribus irretiti sunt.

Sicut Abraham creditit Deo, et reputatum est illi ad justitiam. Hoc enim maxime in eo Victoriosum est, quod antequam circumcidetur, deputata est fides gentium ad justitiam. Et ob hoc resertar re-clissime, quod ei dictum est: *Quia benedicentur in te omnes gentes* (*Gen. xxii.*). Imitatione utique fidei ejus, qua justificatus est etiam ante sacramentum circumcisionis, quod ad fidei signaculum accepit, et ante servitutem legis, quæ multo post data est tempore. Recte talis reputatur fides ad justitiam, qui legis opera supergressus, Deum non metu, sed dilectione promeruit.

Cognoscitis ergo, quia qui ex fide sunt, hi sunt filii Abraham. Verum est quia credentes filii sunt Abraham, Quia si Abraham ex fide justificatus est primus, quotquot post hunc credunt. Filii ejus sunt, sive ex Judæis, sive ex gentibus. Plenius de hoc in epistola ad Romanos disputabat, quod fides reputata sit Abraham, et ceteris, quicunque hac mente erediderint, quia incircumcisus credidit Abraham,

A qui exsultavit, ut videret diem Domini, et vidit, et letatus est. Unde et ad insidies Judæos dicitur: Si filii essetis Abraham, opera Abrahæ faceretis.

Providens autem scriptura, quia ex fide justificat gentes Deus, prænuntiari Abrahæ. Quia benedicentur in te omnes gentes. Igitur qui ex fide sunt, benedicentur cum fidei Abrahæ.

Non quo ipsa scriptura, atramentum videlicet et membrane, quæ insensibiles sunt, possint futura prænoscere, sed quo *Spiritus sanctus*, et sensus qui in litteris latet, multis post secula reuelata prædixerint. Porro exemplum, quod de Genesi sumptum est, ita in proprio volumine continetur. Et benedicentur in semine tuo omnes gentes terre. Quod

B Apostolus super Christo interpretans ait: *Non est scriptum in seminibus, quasi in multis, sed quasi in uno, et semini tuo, qui est Christus.* Itaque nonnunquam vel detraxerunt verba, vel addiderunt. Nulli vero dubium, quod in Isaac, et in Jacob, sive in duodecim patriarchis, et ceteris qui de Abraham stirpe descendunt, non fuerint benedictæ universæ nationes: sed in Christo Iesu per omnes gentes laudabant Deum, et benedicuntur novum nomen super terras.

Quicunque enim ex operibus legis sunt, sub malodictio sunt, scriptum est enim: Maledictus omnis qui non permanerit in omnibus quæ scripta sunt in libro legis hujus, ut faciat ea.

Sub timore vult intelligi, non in libertate, ut scilicet corporali præsentique vindicta vindicaretur in eos qui non permanerent in omnibus quæ scripta sunt in libro legis, ut facerent ea. Huc quoque accederet, ut in ipsa corporum pena etiam maledicti ignominiam formidarent. Ille autem justificatur apud Deum, qui cum gratis colit non scilicet cupiditate appetendi aliquid ab ipso præter ipsum aut timore amittendi. In ipso enim solo vera nostra beatitudo atque perfectio est. Et quoniam invisibilis est oculis carnis, fide colitur, quandiu in hac carne vivimus, sicut supra dixit: *Quod carnem nunc viro in carne, in fide viro Filiū Dei, et ipsa est justitia, quo pertinet quod dictum est, quia justus ex fide vivit.* Hinc etenim ostendere voluit, quod in lege nemo justificatur, quia scriptum est, justum ex fide vivere. Quia in re intelligendum est in lege, quod nunc ait, in operibus legis dictum esse: et hoc istis, qui in circumcisione carnis, et talibus observationibus continentur, in quibus qui vivit, ita in lege est, ut sub lege vivat, sed legem, ut dictum est, pro ipsis operibus legis nunc posuit, quod de posterioribus manifestatur. Ait enim: *Lex autem non est ex fide, sed qui fecerit ea, viret in illis.* Non ait, qui fecerit eam, vivet in ea, ut intelligas legem in hoc loco pro ipsis operibus positam, qui autem vivebant in his operibus, timebant utique, ne si non ea fecissent, lapidationem, vel crux, vel aliquid hujus modi patarentur. Ergo qui fecerit ea, inquit, vivet in illis, id est, habebit

præmium, ne in ista morte puniatur. Non ergo apud Deum, cuius ex fide, si quis in hac vita vixerit, cum hinc excesserit, tunc eum magis habebit presentissimum præmium. Non utique ex fide vivit, quisquis presentia, quæ videntur, vel cupit, vel timet : quia fides Dei ad invisibilia pertinet, quæ post dabuntur. Nam est ista quædam in operibus legis justitia, quando sine suo præmio reicta non est, ut qui fecerit, vivat in eis. Unde ad Romanos dicit : *Si enim Abraham ex operibus justificatus est, habet gloriam, sed apud Deum (Rom. iv).* Aliud est ergo non justificari, aliud non justificari apud Deum. Qui omnino non justificatur, nec illa servat, quæ temporale habent præmium, nec illa quæ æternum. Qui autem in operibus legis justificatur, non apud Deum justificatur, quia temporalem inde exspectat, visibilemque mercedem. Sed tamen est etiam ista, ut dixi, quædam, ut sic dicam, terrena carnalisque justitia. Nam et ipse Apostolus eam justitiam vocat, cum alibi dicit : *Secundum justitiam, quæ in lege est conversatus qui fuerim sine querela (Phil. iii).* Propterea Dominus noster Jesus Christus jam libertatem datus credentibus, quasdam earum observationum non servavit ad literam. Unde etiam cum sabbato esurientes discipuli spicas evulssissent, respondit indignantibus, *Dominum esse filium hominis etiam sabbati (Math. xii).* Itaque illa carnaliter non observando carnali conflagravit invidia, et suscepit quidem poenam propositam illis, qui eam non observassent, sed ut credentes in se talis poenæ tiratore omnino liberaret, ad quod refertur, quod nunc consequenter adjunxit :

Christus nos redemit de maledicto legis, factus pro nobis maledictum : quia scriptum est : Maledictus omnis qui pendet in ligno. Mors hominis ex poena peccati est, unde et ipsa peccatum dicitur. Non quia peccat homo dum moritur ; sed quia ex peccato factum est, ut moriatur : sicut alio modo dicitur : Lingua proprie caro, quæ intra dentes sub palato moveatur ; et alio modo dicitur lingua, quod per linguam fit ; secundum quem modum dicitur lingua Graeca, azia Latina. Et manus alio modo dicitur ipsum propriæ corporis membrum, quod movemus ad operandum ; et alio modo manus dicitur scriptura, quod fit per manum. Dicimus enim : Prolata est manus ejus ; lecta est adversus eum manus ejus ; habeo manum tuam : manus utique propriæ membrum est hominis. Non autem opinor illam scripturam membrum esse hominis, et tamen dicitur manus, eo quod manu facta sit. Sic et peccatum non tantum ipsum opus malum, quod poena dignum est, sed etiam ipsa mors, quæ propter peccata est, peccatum appellatum est. Illud itaque peccatum, quo reus esset mortis, non commisit Christus. Illud autem alterum, id est, mortem, quæ peccato inficta est humanæ naturæ, suscepit pro nobis. Hoc suspendit in ligno, hoc maledictum est per Moysen. Ibi mors damnata est, ne regnaret, et maledicta est, ut periret. Quapropter per Christi tale peccatum damnum est et nostrum

A peccatum, ut nos liberaremur : ne regnante peccato nos damnati remaneremus. Quid ergo miratur Faustus, maledictum esse peccatum, maledictam esse mortem, maledictam esse mortalitatem carnis sine peccato Christi ? Ex peccato tamen hominis etiam in Christo factum. Ex Adam quippe corpus assumpsit, quia ex Adam descendit virgo Maria, quæ peperit Christum. Dixerat autem Deus in paradyso : *Qua die tetigeritis, morte moriemini (Gen. ii).* Hoc est maledictum, quod peperit in ligno. Ille negat Iesum maledictum, qui negat et mortuum ; qui autem confitetur et mortuum, et negare non potest mortem de peccato esse, et ob hoc etiam ipsum peccatum vocavit : audiat Apostolum dicentem : *Quoniam vetus noster homo simul cum illo crucifixus est, et intelligat quem maledictum Moyses dixerit, ideoque securus Apostolus ait de Christo : Factus est pro nobis maledictum, sicut non timuit dicere, pro omnibus mortuus est. Hoc est enim, mortuus est, quod maledictus : quoniam mors ipsa ex maledicto est, et maledictum est omne peccatum, sive ipsum, quod fit, ut sequatur supplicium, sive ipsum supplicium, quod alio modo vocatur peccatum, quia fit ex peccato. Suscepit autem Christus sine reatu supplicium nostrum, ut inde solveret reatum nostrum, et finiret etiam supplicium nostrum. Ex ingenio meo ista dixerim, si non Apostolus toties hoc inculcat, ut et dormientes excitet, et calumniantes confundat. Misit, inquit, Deus Filium suum in similitudinem carnis peccati (Rom. viii).* C quia non de traduce mortalitatis in Maria per masculum venerat, sed tamen quia de peccato est mors. Illa autem caro, quamvis ex virgine, tamen mortalis fuit : et eo ipso, quo mortalis erat, similitudinem habebat carnis peccati. Hoc appellat etiam peccatum, consequenter dicens : *Ut de peccato damnaret peccatum in carne. Item alio loco. Eum, inquit, qui non noverat peccatum, peccatum pro nobis fecit, ut nos simus justitia Dei in ipso (II Cor. ii).* Cur ergo timeret Moyses dicere maledictum, quod Paulus non timuit dicere peccatum ? Plane hoc propheta ei prævidere debuit, et prædicere paratus ab hereticis cum Apostolo reprehendi. Quisquis enim reprehenderit prophetam dixisse maledictum, cogitur reprehendere Apostolum dixisse peccatum. Nam utique maledictum comes peccati est. Nec ideo major invidia est, quod addiderit Deo, ut diceret, *Maledictus Deo omnis, qui pepererit in ligno.* Nisi enim Deus odisset peccatum, et mortem nostram, non ad eam suspiciendam atque delendam Filium suum mitteret. Quid ergo mirum, si maledictum est Deo, quod odit Deus ? Tanto enim libentius nobis donat immortalitatem, quæ futura est Christo veniente, quanto misericordius odit mortem nostram, quæ in ligno peperit Christo moriente. Quod autem additum est, omnis, ut diceretur, *Maledictus omnis qui pepererit in ligno*, non sane Moyses minus prævidit etiam justos in cruce futuros, sed bene prævidit hereticos veram mortem Domini negaturos, et ideo volentes ab hoc maledicto Christum

sejungere, ut a mortis etiam veritate sejungere. Si enim vera illa mors non erat, nullum maledictum Christo crucifixo pependit in ligno : quia nec vere crucifixus est, sed contra longe futuros hereticos quam de longe clamat Moyses : Sine causa tergiversamini, o quibus displicet veritas mortis Christi, maledictus omnis qui pependit in ligno. Non ille, aut ille, sed omnis omnino, etiam et Filius Dei, etiam prorsus. Nam hoc est, quod non vultis, inde satagitatis, inde sedecitis. Displicet enim vobis maledictus pro nobis, quia displicet mortuus pro nobis. Tunc enim extra maledictum illius Adam, si extra illius mortem. Cum vero ex homine et pro homine mortem suscepit, ex illo et pro illo et maledictum, quod mortem comittatur, suscipere non dignatus est, etiam ille prorsus, etiam ille Filius Dei, semper vivus in sua justitia, mortuus autem propter delicta nostra, in carne suscepta ex poena nostra, ac per hoc additum est, omnis, ne Christus ad veram mortem non pertinere diceretur, si a maledicto, quod morti conjunctum est, insipienti honoriscentia separaretur. Qui autem ex veritate evangelica fidelis est, intelligit jam non esse contumeliam Christi ex ore Moysi. Cum eum dixit maledictum, non ex divinitate maiestatis suae, sed ex conditione poenae nostrae, ex quo in ligno suspensus est. Quare non est laus Christi ex ore Manichaeorum, cum eum negant carnem habuisse mortalem, in qua veram mortem pateretur. Quia ex illo propheticō maledicto laus intelligitur humilitatis : ex isto hereticō quasi honore crimen objicitur falsitatis. Si ergo negas maledictum, negas et mortuum. Si negas mortuum, non jam contra Moysen, sed contra apostolos dimicas. Si autem confiteris mortuum, confitere suscepisse poenam peccati nostri sine peccato nostro. Jam vero ubi audiis poenam peccati, aut ex benedictione crede venientem, aut ex maledictione. Si ex benedictione venit poena peccati, opta esse semper in poena peccati. Si autem optas inde liberari, crede per divinæ sententiae justitiam ex maledictione venisse. Confite ergo maledictum suscepisse pro bonis, quem confiteris mortuum esse pro nobis. Nec aliud significare voluisse Moysen, cum diceret : *Maledictus omnis, qui in ligno pependet, nisi mortalis omnis, et moriens omnis, qui in ligno penderit.* Poterat enim dicere, maledictus omnis qui mortalis, aut maledictus omnis moriens. Sed hoc est quod asserit prophetia. Quia sciebat Christi mortem in cruce pensuram, et futuros hereticos, qui dicerent : Peperit quidem in ligno, sed specie quadam, non ut vere moreretur. Clamando ergo maledictus, nihil aliud clamavit, nisi quia vere mortuus, sciens mortem hominis peccatoris, quam sine peccato ipse suscepit, de illo maledicto venientem, quo dictum est : *Si tetigeritis, morte moriemini.*

Ut adoptionem spiritus accipiamus per fidem. Id est, ut quod non timetur in carne, sed quod spiritu diligitur, creditur annuntietur.

Fratres, secundum hominem dico, tamen hominis

A *confirmatum testamentum nemo spernit aut superordinat.* Cum enim testator mutet testamentum, non confirmat mutum mutat. Testatoris enim morte confirmatur. Quod autem mors testatoris valet ad confirmandum testamentum ejus, quia consilium jam mutare non potest, hoc incomutabilitas promissionis Dei valet ad confirmandam hereditatem Abrahæ, cuius fides deputata est ad justitiam.

B *Abrahæ dictæ sunt promissiones, et semini.* Non dicit, et seminibus, quasi in multis, sed quasi in uno, et semini tuo, qui est Christus. Semen Abraham, cui dictæ sunt promissiones, Christum dicit Apostolus, hoc est, omnes Christianos fidem imitantes Abrahæ. Quos ad singularitatem redigit commendando, quod non dictum est et seminibus, sed semini tuo. Quia una est fides, et non possunt simul justificari, qui vivunt ex operibus carnaliter, cum his qui vivunt ex fide spiritualiter. Vincibiliter autem quod infert, lex non nata erat, nec posset post tot annos ita dari, ut antiquas Abrahæ promissiones irritas faceret. Si enim lex justificat, non est justificatus Abraham, qui multum ante legem fuit. Quod quia dicere non possunt, coguntur fateri non legis operibus justificari hominem, sed fide. Simul etiam nos cogit intelligere, omnes antiquos patres, qui justificati sunt, ex ipsa fide justicatos. Quod enim nos ex parte præteritum, id est, primum adventum Domini, ex parte futurum, id est, secundum adventum Domini, credeamus salvi edificemur, hoc totum illud est, utrumque adventum futurum credebant revelante sibi Spiritu sancto, ut salvi fierent. Unde est etiam illud : *Abraham concupivit diem meum videre, et vidit, et gavissus est (Joan. viii).*

C D *Hoc autem dico testamentum confirmatum a Deo,* quæ post quadragesimus et trintia annos facta est lex, non irritum facit, ad evanescendam promissionem. Primum propter imperitos ipsos annos minutiatis atque subtiliter discutiamus. Et post quid exinde sentendum sit, exponemus. Igitur Abraham, cum septuaginta quinque esset annorum, divinum accepit oraculum, ut egrederetur de terra sua : qui post viginti quinque annos genuit Isaac, qui erat annes vite sue centesimus. Qui Isaac anno vite sue sexagesimo genuit Jacob, et Esau. Hi sunt anni a prima Abrahæ promissione octoginta quinque. Domique Jacob anno vite sue nonagesimo primo genuit Joseph, et anno vite sue centesimo tricesimo, qui erat annes vite Joseph tricesimus nonus, descendit in Aegyptum. Hi sunt anni a prima promissione Abrahæ ducenti quindecim. Manseruntque illi Israel in Aegypto, post introitum Jacob, annis ducentis quindecim. Post mortem vero Joseph annos centum quadraginta quatuor. Inter mortem Joseph et nativitatem Moysi fuerunt anni sexaginta, quia octoginta annorum erat Moyses, quando apparuit ei Deus, et misit eum ad Pharaonem. Si quis ista dubitat, vel calculandi et inveniendi summam annorum non habet scientiam, sumat annos ab introitu Jacob in Aegyptum, et inveniet usque ad mortem

Joseph annos septuaginta unum. His adde sexaginta quatuor, fiunt centum triginta quinque, quia sexagesimo quarto anno post mortem Joseph invenitur natus esse Moyses. His adde octoginta annos vitæ Moysi, quia tot annorum erat, quando missus est ad Pharaonem. Hos adde ad centum triginta quinque superiores annos, et fiunt ducenti quindecim. A prima igitur promissione Abrahæ usque ad introitum Jacob in Ægyptum fuerunt anni ducenti quindecim. Et inde usque ad transitum maris Rubri, anni ducenti quindecim. Fiunt in summa quadringenti triginta. Et hoc est, quod ait Apostolus hoc loco. Non autem dico testamentum confirmatum a Deo, quæ facta est post quadringentos et triginta annos. Sed dicet aliquis : Quoniodo potest fieri, ut tam paucos filii Israel in terra Ægypti steterint annos, cum Scriptura libri Geneseos narret, quod dixerit Deus ad Abraham : *Sciō prænoscens, quia peregrinum erit semen tuum in terra non sua, et subiicient eos servituti, et efficiēt annis quadringentis* (Gen. xv)? Non itaque, quod ait, in servitutem redigens eos, ad quadringentos annos referendum est, tanquam per tot annos habuerint in servitute, sed referendi sunt quadringenti anni ad id, quod dictum est, peregrinum erit semen tuum in terra non sua. Quia sive in terra Chanaan, sive in Ægypto peregrinum erat illud semen, antequam hereditatem sumerent in terra, ex promissione Dei, quod factum est, posteaquam ex Ægypto liberati sunt, ut per speciem locutionis, quam grammatici hyperbaton vocant, dictum esse intelligatur. Et est sensus vel ordo verborum : Sciendo scias, quia peregrinum erit semen tuum in terra non sua quadringentis annis. Illud autem interpositum intelligatur, et in servitutem redigent eos, et nocebunt illis, ita ut ad quadringentos annos ista interpositio non pertineat. In extrema enim parte annorum summæ hujus, hoc est, post mortem Joseph factum est, ut in Ægypto populus Dei duram perageret servitutem. Sequitur quæstio satis necessaria. Si enim fides justificat, et priores sancti, qui apud Deum justificati sunt, per ipsam justificati sunt, quid opus erat legem dari? Simplex autem sensus, qui hoc loco texitur, hanc vim habet, ut doceret Apostolus, non posse per legem, quæ postea data est, reprobationes, quæ ante factæ sunt ad Abraham, destrui, et posteriora prioribus præjudicare. Cum reprobationes ad Abraham ante quadringentos et triginta annos date sint, quod benedicerentur in illo universæ nationes : legis autem observatio, quod qui fecisset eam, viveret in ea, post quadringentos et triginta annos Moysi data sit in monte Sinai. E contrario hic dici poterat : Quid ergo necesse fuerit, legem post tantum tempus reprobationis dari, cum ex data lege suspicio destructio sponsonis potuerit oboriri : et manente reprobatione, non profutura lex data sit; quam prævidens Apostolus quæstionem, in sequentibus ipse sibi proponit, et explicat, dicens :

Quid igitur lex? propter transgressiones posita est, donec veniret semen, cui promissum erat: ordinata

*A per angelos in manu mediatoris: mediator autem unius non est, Deus autem unus est. Quia manente reprobatione quæ facta fuerat ad Abraham, lex postea data per Moysen frustra videbatur illata, cur data sit, explicat: propter transgressiones, inquit. Post offensam enim in eremo populi, post adoratum vitulum, et murmur in Dominum, lex transgressiones prohibitura successit. Superbienti ergo populo lex posita est, ut quoniam gratiam charitatis nisi humiliatus accipere non posset: et sine hac gratia nullo modo precepta legis impleret, transgressione humiliaretur, ut quereret gratiam, nec se suis meritis salvum fieri, quod superbum est, opinaretur, ut esset non sua potestate et viribus justus, sed in manu mediatoris justificantis impium. Per angelos autem ministrata est omnis dispensatio Veteris Testamenti, agente in eis Spiritu sancto, et ipso Verbo veritatis nondum incarnato, sed nunquam ab aliqua veridica administratione recedente: quia per angelos dispensata est illa dispensatio legis, cum aliquando suam, aliquando Dei personam, sicut prophetarum etiam nos est, agerent. Perque illam legem morbos ostendentem, non auferentem etiam prævaricationis crimen contrita superbia est. Disposita est per angelos, sed in potestate mediatoris, ut ipse liberaret a peccatis per transgressionem legis coactos confiteri, opus sibi esse gratia et misericordia Domini, ut sibi peccata dimitterentur, et in nova vita per eum, qui pro se sanguinem fudisset, reconciliarentur Deo. In istis enim erat per transgressionem legis confringenda superbia, qui gloriantes de patre Abraham, quasi naturalem se jactabant habere justitiam, et merita sua in circumcisione ceteris gentibus tanto perniciosius, quanto arroganter præferebant. Gentes autem facillime etiam sine hujusmodi legis transgressione humiliarentur. Homines enim nullam ex parentibus originem justitiae se trahere prævidentes, simulacrorum etiam servos invenit evangelica gratia. Non enim sicut istis dici poterat, non fuisse illam justitiam parentum eorum in colendis idolis, quam esse arbitrantur: ita etiam Iudeis dici poterat, falsam fuisse justitiam patris Abraham. Itaque illis dicitur: *Facite ergo fructum dignum pœnitentiarum, et ne dixeritis vobis, patrem habemus Abraham. Potens est enim Deus, de lapidibus istis suscitare filios Abraham* (Luc. iii). Istis autem dicitur: *Propter quoniam memores estis, quod vos aliquando gentes in carne, qui dicimini præputium ab ea, quæ dicitur circumcisio in carne manufacta, qui eratis illo tempore sine Christo, alienati a societate Israel, et peregrini testemtorum, promissionis spem non habentes, et sine Deo in hoc mundo* (Ephes. ii). Denique illic infideles de oliva sua fracti, hic autem fideles de oleastro in oliva illorum inserti esse monstrantur. Illorum ergo erat de legis transgressione attlerenda superbia, sicut ad Romanos, cum Scripturarum verbis peccata eorum exaggerasset: *Scitis autem, inquit, quoniam quæcumque lex dicit, his qui in lege sunt, loquitur, ut omne os obstruantur, et reus fiat omnis mundus**

Deo (Rom. iii). Judæi scilicet de transgressione legis, A et gentes de impietate sine lege. Unde et iterum ait : Conclusus enim Deus omnia in credulitate, ut omnibus misereatur (Rom. xiii).

Lex ergo adversus promissa Dei? Absit. Non ergo lex data est, ut peccatum auferret, sed ut sub peccato omnia concluderet. Lex enim ostendebat esse peccatum, quod illi per consuetudinem cœcati possent putare justitiam, ut hoc modo humiliati cognoscerent non in sua manu esse salutem suam, sed in manu mediatoris. Absit utique, quia non est lex iniuncta promissionis, quippe cum confirmet eam. Nam primus Moyses dixit : Prophetam vobis suscitat Deus de fratribus vestris (Deut. xviii; Act. xiii). Hoc dictum de Christo Petrus apostolus probat in Actibus apostolorum.

Si enim data esset lex, quæ posset vivificare, vere ex lege esset justitia. Sed conclusit Scriptura omnia sub peccato, ut promissio ex fide Jesu Christi daretur credentibus. Prius autem quam veniret fides, sub lege custodiebamur, conclusi in eam fidem, quæ revelanda erat. Sicut mediator Dei et hominum inter dantem et accipientem legem medius fuit, sic lex ipsa, quæ post re-promissionem data est, inter re-promissionem et completionem ejus media subrepigit. Quæ non idcirco arbitranda est promissionem excludere, quia postea subsecuta eam, quæ prius fuit videtur abolerre : sed ex eo, quod non potuit vivificare, nec id tribuere, quod re-promissio prima pollicita est, manifestum est in custodiâ eam re-promissionis, non in subversionem datam. Si enim data esset lex quæ posset præstare vitam, et id quod re-promissio spandlerat exhibere, vere promissio per legem putaretur exclusa. Nunc autem propter transgressiones, ut supra diximus, posita, magis eos arguit peccatores, quibus post re-promissionem in custodiâ, et, ut ita dicam, in carcerem data est : ut quia per arbitrii libertatem noluerunt innocentes exspectare promissum, legalibus vinculis præpediti, et in servitutem mandatorum redacti, custodirentur in adventum futuræ in Christo fidei, quæ finem re-promissionis afferret. Justitiam hanc dicit, quæ apud Deum reputatur justitia, id est, fidei, quia et lex habuit justitiam, sed ad præsens, non quæ justificaret apud Deum, remittere enim peccata non potuit, ut de peccatoribus faceret justos; sed ad hoc data est, ut terrore esset provocans homines ad bonam vitam, irreverentes puniens. Ideoque non est data lex, quæ posset vivificare, sed condemnare. Nec vero æstimandum, Scripturam auctorem esse peccati, quia omnia sub peccato conclusisse dicatur, cum mandatum, quod ex ore præcipitur, ostendat potius, arguatur peccatum, quam sit causa peccati. Quomodo et judex non est auctor sceleris, nequam hominesvinciendo, sed concludit eos, et nocentes sententiae suaæ auctoritate pronuntiat, ut debitores poenæ indulgentia, postea, si voluerit, principalis absolvat. Quod autem dicit, Priusquam veniret fides, sub lege custodiebamur, conclusi in eam fidem, quæ revelanda

*erat, ac si aperte dicat : Jam nos reatus legis non obligat, jam per gratiam liberatos. Nanque antequam spiritalem gratiam humiliati reciperemus, nihil nisi mortificabat nos littera, jubens quod non poteramus implere. Unde dicit : *Littera enim occidit : spiritus autem vivificat* (I Cor. iii). Conclusio enim eorum erat tantum timor unius Dei, et quod prævaricatores ipsius legis inventi sunt, non ad perniciem, sed ad utilitatem valuit eis, qui crediderunt. Cognitio enim majoris ægritudinis, et desiderari medicum vehementius fecit, et diligi ardenter. Cui enim plurimum dimittitur, plurimum diligit.*

Itaque lex pædagogus noster fuit in Christo Jesu, ut ex fide justificemur. At ubi venit fides, jam non sub pædagogo sumus. Omnes enim Filii Dei estis per fidem, quæ est in Christo Jesu. Pædagogus Græcum est. Pædagogus, pedissequus. Pædagogum eruditorem, vel nutritorem puerorum dicimus. Pædagogus dicitur qui parvulis assignatur, ab eo quod pueros agat, id est, ducat, et lascivientem refrenat ætatem, ut prona in vitia corda teneantur, dum tenera studiis eruditur infantia, et ad majores philosophiæ, ac regendæ reipublicæ disciplinas metu poenæ coercita præparetur. Non tamen pædagogus magister et pater est, nec hæreditatem et scientiam pædagogiis qui eruditur, exspectat, sed alienum custodit filium pædagogus ab eo, postquam ille ad legitimum capienda hæreditatis tempus advenerit, recessurus. Denique et nomen pædagogi hoc ipsum sonat, et est compositum ab eo, quod pueros agat, id est, doceat. Itaque et Moysi lex populo lascivienti, ad instar pædagogi severioris apposita est ut custodiret eos, et futuræ fidei præpararet, quæ postquam venit, et credidimus in Christum, jam non sumus sub pædagogo. Tutor a nobis curatorque discedunt, et legitimum ætatis tempus ineuntes vere Dei filii nominamur : cui nos generat, non lex abolita, sed mater fides, quæ est in Christo Jesu. Quod si quis post consummatum ætatis sue tempus, quando jam hæres, et liber, et filius appellatur, voluerit esse sub pædagogo, sciat se non posse legibus parvuli vivere. Ubi enim nunc compleri potest illud, Ter in anno apparebit omne masculinum tuum in conspectu Domini Dei tui (Exod. xxxiv), subversa Jerusalem, et templo usque ad cineres dissipato? Ubi salutares et D pro peccato hostiae? Ubi similatum decoctio, holocaustorum oblatio, æternus ignis, altari omnino destruto (Lev. iv, v et vi)? Noxiis vero que poterit poena discerni, Scriptura dicente : Auferetis malum de medio vestrum (Deut. xiii), servientibus Judeis, et Romanis regnantibus? Atque ita fit, ut nec sub patre, nec sub pædagogo vivant, dum et lex impleri non potest post successionem fidei, et fides, dum pædagoga lex aperitur, non tenetur.

Quicunque enim in Christo baptizati estis, Christum induistis. Quod autem Christus sit indumentum fidelium, non solum de præsenti loco, verum etiam de alio comprobatur, Paulo eodem cohortante : Induite vos Dominum Jesum Christum (Rom. xiii), dum

immutantur, Christum induunt, quando hoc appellantur, quod credunt. Si igitur, qui in Christo baptizati sunt, Christum induerunt, manifestum est eos, qui non sunt induiti Christum, non fuisse baptizatos in Christo. Quod autem filios Dei dicit esse omnes per fidem, qua induerunt Christum, quicunque in ipso baptizati sunt, ad hoc valet, ne gentes de se desperarent, quia non custodiebantur sub paedagogo, et ideo se filios non putarent, sed per fidem induendo Christum, omnes filii flunt, non natura sicut unicus filius, qui etiam sapientia Dei est: neque potentia et singularitate susceptionis, ad habendam naturaliter, et agendam personam sapientiae, sicut ipse mediator unum cum ipsa suscipiente sapientia sine interpositione alicujus mediatoris effectus, sed filii flunt participatione sapientiae, id est, præparante atque præstante mediatoris fide, quam fidei gratiam nunc indumentum vocat, ut Christum induunt, qui in eum crediderunt, et ideo filii Dei, fratresque ejus mediatoris effecti sunt.

Non est Iudeus, neque Græcus, non est servus, neque liber, non est masculus, neque femina. Omnes enim vos unum estis in Christo Jesu. Nec Iudeus idcirco melior est, quia circumcisus est, nec gentilis ideo deterior, quia præputium habet, sed pro qualitate fidei, vel Judeus, vel Græcus melior, sive deterior. Servus quoque et liber non conditione separantur, sed fide, quia potest et servus libero esse melior, et liber servum in fidei qualitate prævertere. Masculus similiter et femina fortitudine et imbecillitate corporum separantur. Cæterum fides pro mentis devotione censetur: et sæpe venit, ut et mulier viro causa salutis fiat, et mulierem vir in religione præcedat. Cum autem ita se res habeat, et tota diversitas generis, conditionis, et corporum Christi baptismate, et indumento illius auferatur. Omnes unum sumus in Christo Jesu, ut quomodo Pater et Filius in se unum sunt, ita et nos in ipsis unum sumus. Etsi hoc facit fides, per quam in hac vita juste ambulatur, quanto perfectius, atque cumulatus id species ipsa factura est, cum videbimus facie ad faciem? Nam nunc quamvis primitias spiritus habentes, qui vita est propter injustitiam fidei, tamen quia adhuc mortuum est corpus propter peccatum, differentia ista, vel gentium, vel conditionis, vel sexus, jam quidem ablata est ab unitate fidei, sed manet in conversatione mortali, ejusque ordinem in hujus vitæ itinere servandum esse, et apostoli præcipiunt, qui etiam regulas saluberrimas tradunt, quemadmodum secum vivant, et pro differentia gentis, Iudei et Græci; et pro differentia conditionis, domini et servi; et pro differentia sexus, viri et uxoris, vel si qua talia cætera occurrent: et ipse prior Dominus, qui ait: *Reddite Cæsari quæ Cæsar is sunt, et Deo quæ Dei sunt* (Matth. xxii). Alia sunt enim, quæ servamus in unitate fidei sine ulla distantia, et alia in ordine vitæ hujus, tanquam in via, ne nomen Dei et doctrina Salvatoris nostri blasphemetur, et hoc non solum propter iram, ut effugiamus offensiones

A hominum, sed etiam propter conscientiam, ut non simulate quasi ad oculos hominum ita faciamus, sed pura dilectionis conscientia propter Deum, qui omnes homines vult salvos fieri, et ad agnitionem veritatis venire. Illud autem quod ait, *Omnes vos unum estis in Christo Jesu.* Et addidit: *Si autem vos unum estis in Christo Jesu: ergo Abrahæ semen estis.* Hic ostendit unum semen Christum, non tantum mediatorem intelligendum esse, verum etiam Ecclesiam, cuius ille corporis caput est, ut omnes in Christo unum sint, et capiant secundum promissionem hæreditatem per fidem, in qua inclusus erat, id est, in cuius adventum tanquam sub paedagogo custodiebatur populus usque ad ætatis opportunitatem, qua in libertatem vocandi erant, qui in eodem populo secundum propositionem vocati sunt, id est, qui in illa area frumentum inventi sunt.

Si autem vos Christi, ergo Abrahæ semen estis secundum promissionem hæredes. Quare promissiones ad Abraham et semen ejus factæ sunt, quod est Christus Jesus. Consequenter hi, qui Christi filii, id est, semen ejus sunt, semen quoque dicuntur Abraham, cuius sunt semen ex semine. Verum quotiescumque Dominus noster Jesus semen Abrahæ nominatur, corporaliter sentiendum est, quod ex ejus stirpe generetur. Quoties autem nos, qui Salvatoris sermone suscepto credidimus in eum, et nobilitatem generis Abrahæ, ad quem est promissio facta, suscepimus, spiritualiter semen fidei et prædicationis accipere debemus. Deinde etiam hoc considerandum, quod quando de Domino loquitur, ad Abraham autem dictæ sunt promissiones et semini ejus, hoc est, in Christo Jesu, re-promissiones pluraliter ponat. Quando vero de his, qui per Christum semen sunt Abrahæ, singulariter re-promissio nuncupetur, ut in presenti loco: *Ergo Abrahæ semen estis secundum promissionem hæredes*, decens quippe erat, ut quod in Christo uno pluraliter dicebatur, id in multis hominibus singulariter poneretur.

IN CAPUT QUARTUM.

Dico autem, quanto tempore hæres parvulus est, nihil differt a servo, cum sit dominus omnium; sed sub tutoribus et actoribus est, usque ad præfinitum tempus a patre. Recte hi sub tutoribus et actoribus esse dicuntur, qui habentes spiritum timoris, secundum meruerunt spiritum libertatis et adoptionis accipere. Aetas enim infantiae ad peccata formidat, paedagogum inebuit, non confidit esse se liberari. Licit per naturam dominus sit, et secundum utramque intelligentiam qua tutores et actores vel prophetas vel angelos diximus, parvulus iste tam diu sub actoribus est, donec legitimum perfecti viri tempus impleverit. Legitimum autem tempus secundum Romanorum legem viginti quinque annorum spatio terminatur. Ita ad humani generis perfectiorem Christi reputabatur adventus. Statim ut ille venierit, et omnes in virum perfectum creverimus, paedagogus a nobis tutorque discedunt: tunc auctoritate Domini, et hæreditatis possessione perfue-

mur, in qua prius nati, quodammodo putabamur alieni.

Ita et nos cum essemus parvuli, sub elementis hujus mundi eramus servientes. Aliqui elementa mundi legem interpretantur Moysi, et eloquia prophetarum, quod per haec quasi initia et exordia litterarum, Dei timorem, qui sapientiae principium est, suscipimus. Denique ad eos qui jam deberent esse perfecti, et veritate neglecta adhuc disciplinarum principiis inhærebant, scribit in Epistola ad Hebreos Apostolus : *Etenim cum deberetis esse magistri propter tempus, rursum necesse habetis, ut doceamini quæ sint elementa principii sermonum Dei* (*Hebr. v.*) Potest igitur, ut dicimus, Moysi lex, et propheta pro elementis accipi litterarum, quod per eas syllabæ juntantur et nomina, et non tam sui quam alterius rei utilitate discantur : ut possimus orationem legere contextam, in qua sensus magis, et ordo verborum, quam litterarum principia considerantur. Quod autem legem et prophetas elementa mundi interpretatis sumus, mundus pro his qui in mundo sunt, accipit solet, eodem Paulo dicente : *Deus erat in Christo, mundum reconcilians sibi* (*II Cor. v.*) Et in Evangelio : *Et mundus per eum factus est, et mundus eum non recepit* (*Joan. i.*). Quare potest, quomodo secundum hanc similitudinem sub elementis hujus mundi fuerint Judæi, cum illis per legem quam acceperat unus Deus, qui fecit cœlum et terram colendus commendaretur. Sed potest esse alias exitus capituli hujus : ut cum superius legem pædagogum fecerit, sub quo erat ille populus Iudeorum, nunc procuratores et actores dicat elementa mundi, sub quibus serviebant : ut filius ille parvulus, id est populus propter unam fidem ad divinum semen Abrahæ pertinens, quoniam et de Judæis et de gentibus congregatus est, partim fuerit sub pædagogo legis tempore pueritiae suæ, id est, ex ea parte, qua de Judæis congregatus est, partim sub elementis hujus mundi, quibus tanquam procuratoribus et actoribus serviebat, ex ea parte qua de gentibus congregatus est, ut quod miscet Apostolus personam suam. Non dicens, Cum essetis parvuli sub elementis hujus mundi eratis, sed dicens, *Cum essemus parvuli sub elementis mundi hujus eramus servientes*, non pertineat ad significationem Iudeorum ex quibus Paulus originem dicit, sed magis ad gentium, hoc duntaxat loco : quoniam et eorum personæ decenter se potest adnoscere, quibus ad evangelizandum missus est. Potest et in elementis mundi neomenias significare et sabbatum. Neomeniae enim dies sunt lunares, quos observant Judæi : sabbatum vero dies requietionis. Antequam veniret ergo promissio, id est, donum gratiæ Dei, et purificans justificaret credentes, quasi imperfecti et parvuli per legem Dei subjecti eramus conservis, quasi pædagogis. Libertas enim nostra obnoxia erat causa peccati. Nihil tamen de elementis sperabant Judæi, sicut et pagani : sed creatorem Deum venerabantur in creatura. Deinde jam dicit : *Veniente plenitudine temporis, Deum misisse Filium*

A suum, ad liberandum parvum hæredem servientem ex parte legi, tanquam pædagogo : ex parte elementis hujus mundi, tanquam procuratoribus et actoribus.

At ubi venit plenitudo temporis, misit Deus, inquit, Filium suum factum ex muliere, factum sub lege, ut eos, qui sub lege erant, redimeret. Plenitudo temporis, est completum tempus, quod præsinitum fuerat a Deo Patre, quando mitteret Filium suum, ut ex virginine factus quasi homo nasceretur, subjiciens se legi usque ad tempus baptismi, ut formani daret quomodo peccatores abluti, et a jugo legis erepti, dignatione Dei essent filii, et adoptarentur, sicut promiserat, redempti sanguine Filii ejus. Mulierem pro femina posuit, more locutionis Hebreorum. Non enim quia de Eva dictum est, *Formavit eam in mulierem*, jam passa erat concubitum viri, quod non scribitur passa, nisi cum dimissi essent de paradiso. Factum autem dixit, propter susceptionem creaturæ, quia qui nascuntur ex feminis, non tunc ex Deo nascuntur, sed tamen Deus illos fecit, ut sic nasci possent, ut omnem creaturam. Factum autem sub lege dixit, quia et circumcisus est, et hostia pro illo legitima oblata est. Nec mirum si et ille legis opera sustinuit, ex quibus eos liberaret, qui eis serviliter tenebantur. Qui etiam mortem sustinuit, ut ex ea liberaret eos, qui mortalitate tenebantur.

Ut adoptionem, inquit, filiorum recipiamus. Adoptionem propterea dixit, ut distincke intelligamus unicum Dei Filium : nos enim beneficio et dignatione misericordiae ejus filii Dei sumus. Ille natura est filius, qui hoc est quod pater. Nec dicit accipiamus, sed recipiamus, ut significaret hoc nos admisisse in Adam, ex quo mortales sumus. Hoc ergo quod ait, *ut eos, qui sub lege erant, redimeret*, et ad liberandum eum populum pertinet, qui parvulus sub pædagogo serviebat. Et refertur ad id quod dixit, *factum sub lege*. Illud autem quod ait, *ut adoptionem filiorum recipiamus*, refertur ad id quod dixit, *factum ex muliere*; hinc enim adoptionem recipimus, quod ille unicus non dignatus est participationem naturæ nostræ factus ex muliere : ut non solum unigenitus esset, ubi fratres non habet, sed etiam primogenitus ex multis fratribus fieret : duo enim proposuit, *factum ex muliere, factum sub lege*. Sed mutato ordine respondit, jam illum populum adjungens, qui parvulus sub procuratoribus et actoribus serviebat, id est elementis hujus mundi, ne reputarent se non esse filios, quia non erant sub pædagogo.

Quoniam autem filii Dei estis, inquit, misit Deus spiritum Filii sui in corda vestra clamantem, Abba pater. Duo sunt verba, quæ posuit, ut posteriore interpretaretur primum. Nam hoc est abba, quod pater. Eleganter autem intelligitur, non frustra duarum linguarum verba posuisse idem significantia propter universum populum, qui de Judæis et gentibus in unitatem fidei vocatus est, ut Hebreum verbum ad Iudeos, Græcum ad gentes : utriusque tamen verbi eadem significatio ad ejusdem fidei spiritusque uni-

tatem pertineat. Nam et ad Romanos, ubi similis quæstio de pace in Christo Judæorum gentiumque tractatur, hoc dicit: *Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus, Abba pater* (*Rom. viii*). Cum ergo dixisset Apostolus, *Misit Deus Filium suum factum ex muliere, factum sub lege, ut eos qui sub lege erant redimeret, ut adoptionem filiorum recipiamus*, restabat, ut etiam gentes, quæ non erant sub lege, ad eamdem tamen adoptionem aliorum pertinere ostenderet, quod de sancti Spiritus dono, qui omnibus datus est, docet. Unde se etiam Petrus de baptizato incircumcisso centurione Cornelio defendit apud Judæos, qui crediderant, dicentes: *Non se potuisse aquam negare illis* (*Act. ix*). Quoniam Spiritum sanctum accepisse claruerat. Sic et hic, quoniam, inquit, *fili Dei estis, misit Deus spiritum Filii sui in corda vestra, clamantem, Abba pater*. Deinde manifestissime ostendit de his etiam se dicere, qui ex gentibus ad fidem venerant ad quos etiam epistolam scribit.

Itaque jam non est servus, sed filius. Habentes, inquit, spiritum Filii Dei, clamantem in vobis, Abba pater, non servi coepistis esse, sed filii qui ante nihil differebatis a servo, cum essetis natura quidem Domini, sed sub tutoribus et actoribus parvuli degebatis. Non est servus, quia sublatus de potestate legis socius factus est benedictionis proprii filii Dei. Hoc totum agit, propter id quod dixerat, *quandiu haeres parvulus est, nihil differt a servo*.

Quod si filius, et haeres per Deum. Id est, per misericordiam Dei, non per promissionem patrum, de quibus carnaliter, sicut Judæi, natus non esset, tamen filius Abrahæ secundum imitationem fidei. Cujus fidei gratiam per misericordiam Domini meruitis.

Sed tunc quidem nescientes Deum, servistis iis, qui natura non erant dii. Nunc vero cognoscentes Deum, magis autem cogniti ab eo, quomodo convertimini iterum ad infirma, et egena elementa, quibus rursum scribere vultis? Quoniam prius per ignorantiam pecabant servientes idolis, facile illis remissum significat, sicut dicit in Genesi Abimelech ad Deum: *Domine, num, inquit, gentem ignorantem perdes* (*Gen. xx*)? Galatas quoque, quos ab idolorum cultu ad fidem Dei veri transtulerat, arguit quomodo idolis derelictis, qui natura non erant dii: *Et cognoscentes Deum, magis autem cogniti ab eo, spiritu quoque adoptionis accepto, rursum quasi parvuli, et sub tutoribus et pedagogo esse cupientes, ad infirma et pauperrima revertantur elementa, quæ propterea infirmo et pauperi sensu populo data sunt in deserto, quia non poterant accipere et sustinere majora.* Eadem autem elementa, quæ nunc infirma et egena appellavit, superius tantum mundi elementa posuit. Et ubi elementa mundi dicta sunt, ibi non est additum infirma et egena. Hic rursum, ubi infirma vocata sunt mundi, ut supra diximus, nomen est tacitum. Puto itaque quia quandiu quis parvulus est,

A nec statum a patre tempus implevit, ut filius et haeres appellari queat, sub elementis eum mundi, lege videlicet esse Moysi. Cum autem post libertatem et adoptionem, et haereditatem filio debitam rursum reversus fuerit ad legem, circumcidi volens, et totam Judaicæ superstitionis litteram sequi, tunc quæ prius ei mundi tantum fuerant elementa, infirma quoque et egena dieuntur exordia. In tantum enim nihil prosunt cultoribus suis, ut ne hoc quidem eis exhibere valeant quod ante præstiterant, Hierosolyma, templo, altarique destructis. Illud vero quod ait, *cognoscentes Deum, magis autem cogniti ab eo, nihil nos movere debet.* Manifestum est enim quandiu per fidem ambulamus, non per speciem, nondum nos cognovisse Deum; sed ea fide purgari, ut opportuno tempore cognoscere valeamus; sed si in ipsa correptione, imo autem cogniti a Deo, proprie accipitur, putabitur Deus quasi ex tempore aliquid cognoscere, quod ante non noverat. Translate ergo dictum est, ut oculos Dei accipiamus ipsam dilectionem ejus, quam commendavat mittendo pro impiis occidendum unicum Filium. Sic enim de his qui diliguntur dicere solemus quod ante oculos habentur, hoc est ergo cognoscentes, imo cogniti a Deo. Quod et Joannes dicit: *Non quod nos dilexerimus Deum, sed quoniam ipse prior dilexit nos.*

Dies observatis, menses, annos, et tempora. Judæi enim serviliter observant dies, et menses, et annos, et tempora in carnali observatione sabbati, et neomeniæ, et mense novorum, et septimi cujusque anni, quem vocant sabbatum sabbatorum. Quæ, quoniam erant umbræ futurorum, jam adveniente Christo in superstitione remanserunt: cum tanquam salutaria observarentur a nescientibus quo referenda sint, ut tanquam hoc dixerit Apostolus gentibus: *Quid prodest vos evasisse servitutem qua tenebamini, cum serviretis elementis mundi, quando rursus ad talia rediitis, seducti ab eis qui nondum cognoscentes libertatis suæ tempus inter cætera opera legis quæ carnaliter sapiunt, etiam temporibus serviantur: quibus et vos rursus, ut antea, servire vultis, et observare cum eis dies, et menses, et annos, et tempora, quibus et serviebatis antequam Christo crederetis?*

B *Timeo vos, ne forte sine causa laboraverim in vobis.* Satis vero caute inter auctoritatem Apostoli et sancti hominis lenitatem verba moderatus est, inferens: *Timeo vos, ne forte sine causa laboraverim in vobis.* Nunc autem videns eos zelum Dei habere, sed non secundum scientiam, nec penitus eorum desperavit salutem, qui pio fuerant errore decepti, nec rursum irreprehensos reliquit, ne et ipsis perseverandi in errore, et ceteris occasionem similiiter tribueret enarrandi. *Timeo autem vos* posuit pro eo quod est, timeo de vobis. Sine causa laborat magister, cum ipse provocat ad majora discipulos, et illi retro lapsi ad minora et humiliora revolvuntur.

Estate sicut et ego, quia et ego sicut vos. Id est

obsecro vos, fratres, ut Iudaicas observationes contemnatis dierum, mensium, temporum, atque annorum, quae sunt umbræ futurorum; me imitemini, qui sine querela in lege versatus omnia arbitratus sum quasi purgamenta, atque quisquiliis, ut Christum lucifacerem. Fui quippe et ego sicut vos nunc estis, cum eisdem observationibus strictus tenebar, et Ecclesiam Christi, quia ista non ficeret, persequens devastabam. Qui utique cum Iudeus natus sim jam ista carnalia spiritali de dijudicatione respuo. Deinde opportune ac decenter facit eos recolere charitatem suam, ne tanquam inimicum illum deputent. Hoc dicit, dent operam corrigendi sc, quia non est impossibile, ut sint sicut ipse, quia et ipse hoc erat, id est, homo, quod et illi : et cum suisset in errore persequens Ecclesiam, correptus convertit se, et dicit :

Fratres, obsecro vos, nihil me læsistis. Scitis autem quia per infirmitatem carnis evangelizavi vobis jampridem, et temptationem vestram, quæ erat in carne mea, non sprevistis, neque respuitis : sed sicut angelum Dei exceperitis me, sicut Christum Jesum. Nunc mitius agit cum eis, et bona eorum incipit memorare, ut post magnas correptiones bona opera sua audientes recrearentur, et data opera reformarentur, ne objurgationibus diutius pressi asperiores fierent exacerbati. Et est sensus : Quando vobis primum evangelium annuntiavi, et propter infirmitatem carnis vestræ, quia non poteratis sacramenta suscipere majora, prædicavi vobis quasi parvulis, et meipsum infirmum esse simulavi, ut vos infirmos lucrifacrem : Nonne quasi angelum Dei suscepistis me, quasi Christum Jesum ? Cum igitur in nullo me illo tempore læseritis, et me vestri causa humilem atque dejectum similem Dei Filio putaveritis, quomodo ad majora vos provocans laetor a vobis perdendo laborem meum, et dispensationem illam, qua me parvulum esse simulaveram ? In eo enim laedit discipulus magistrum, si per negligentiam suam præcepta laboreque ejus spernit.

Et temptationem vestram in carne mea non sprevistis, neque respuitis. Tentati sunt enim cum persecutionem pateretur Apostolus, utrum timore deserenter eum, an charitate amplectenter. Et neque sprevistis, inquit, tanquam inutilem istam temptationem, neque respuitis, ut non susciperetis communionem periculi mei. Potest locus iste et ita edisseri : Quando veni ad vos, non veni in sermone sapientiae, sed homo humili atque contemptus, nihil magnum deferens nisi crucifixum. Cum igitur me videretis in corpore infirmitibus obnoxio constitutum regna cœlestia pollicentem, non irrisistis, nec æstimastis dignum esse contemptu. Intelligebatis quippe humilitatem carnis meæ, et ipsius habitus vilitatem, ad vestram temptationem fieri. An videlicet contemneretis eum, qui ab incredulis miserabilis putabatur ? Sed e contra illum humilem, vilem, atque contemptum, ita ut angelum, et plus quam angelum suscepistis. Quod autem ait : Sed sicut an-

A gelum Dei exceperitis me, sicut Christum Jesum, hoc magis laudat in eis quia pressuris non deformatus est apud eos, sed commendatus. Scientibus pro his credunt pati illum exitia. Sicut ergo angelum Dei exceperunt Apostolum, credentes Dei donum esse quod predicat, sic ei deferentes quasi auctori Dominu Jesu Christo. Ostendit et angelo Christum esse majorem, quem secundum dispensationem corporis miuorem Psalmista cantaverat dicens : Minorasti eum paulo minus ab angelis ; et tantum sua verba in principio valuisse demonstrat ut angeli putarentur et Christi. In memoriam revocat illis tempus quando primum prædicavit illis Evangelium Dei. Ipso enim tempore injuriis agebatur Apostolus, et cædibus infirmabatur : infirmus enim videtur, qui humiliatur,

B et non resistit propter evangelium Dei. Et in hoc laudat conscientiam eorum, quia non sunt abstracti a fide. Injuria enim Apostoli tentatio erat Galatarum, in qua firmi inventi sunt, non dubitantes de fide, possent enim scandalum passi dicere : Quæ est virtus, aut spes in hac fide, quando minister ejus sic humiliatur ? Sed quia jam animum futuris spebus inficerant præsentes exitus pro Christi nomine non pertimescebant, certi fidem nostram non in terris, sed in cœlis habere dignitatem, et pro his tribulationibus magna rependi præmia. Sic ruborem illis incutit, quia post hæc laudabilia circumventi fuerant, ut vituperabiles viderentur.

Ubi est ergo beatitudo vestra ? Testimonium enim perhibeo vobis, quia si fieri posset, oculos vestros eruissetis, et dedissetis mihi. Ostendit quanta eum

C charitate suscepint, et quomodo tolos se ejus doctrinæ tradiderint : ut quæ charissima sunt corporis sui membra eidem dare cuperent : quod vel sic evangelico lunini vicem redderent, si sua lumina tradidissent. Quamvis, inquit, vos eo tempore, quo evangelium juxta carnem suscepératis beatos dicere, quod in initiis servebatis; tamen nunc quia non video ædificio culmen impositum, et pene nequidquam jacta fundamina, cogor dicere : Ubi est ergo beatitudo vestra, qua vos beatos arbitrans ante laudabam ? Vere enim et ipse fateor, quia sic me vobis humilia prædicantem, vel persecutionibus afflatum in principio dilexistis, ut si fieri posset (hyperbolice autem sunt accipienda quæ loquitur) eruissetis vobis oculos, et mihi, ut omnium vestrum luminibus plus cernerem, dedissetis. Optabatis quippe vos cæcos esse per ineffabilem in me charitatem, ut plus in meo corde evangelii lumen oriretur. Emolumentum meum vestris damnis crescere solebat, et hoc illo tempore, quo vobis quasi parvulis atque lactentibus, sive propter infirmitatem carnis vestræ, parva et humilia annuntiabam, sive propter meæ carnis injurias indignus videbar fide. Nunc vero quia ab elementis et syllabis, et lectione puerili cœpi vos ad majora studia provocare, ut libros tenetis in manibus, et ut plena eruditio et sensum verba discatis, recalcaratis, irascimini, gravis vobis videtur esse perfectio doctrinarum, et in tantum in

alios mutati estis affectus, ut me, quem quasi angelum et Christum suscepératis, cui volebatis oculos tradere, nunc habeatis inimicum, quia vobis plenam annuntio veritatem. Eleganter autem sententiam terminavit, dicens :

Ergo inimicus vobis factus sum veritatem dicens vobis? Hæc est natura veritatis, ut eam inimicitæ prosequantur, sicut per adulatioñem perniciose amictizæ consequuntur; libenter enim quod delectat audiatur : offendit omne quod nolumus. Sicut et hi diligere cœperant sabbati otium, et dies festorum, epulas prædicantes contra Apostolum, qui omnem continentiam suo docebat exemplo.

Emulantur vos non bene. Id est invident vobis, qui vos carnales de spiritualibus volunt facere. Hoc est æmulantur non bene, iævicia Judeorum subversos eos significat. Videntes enim sic illos proficere in Evangelio, et tantam habere charitatem in Apostolum id egerunt, quatenus illos deciperent. Erant enim legis causa Apostolo inimici, ut manente nomine Salvatoris, facerent eos Judæos, gaudentes in eversione eorum. Non enim patiebantur, ut gratiam promissam audirent incircumcisim gentibus datam. Ille imitatores suos illos voluerunt fieri ut more eorum circumcidarentur.

Sed excludere, inquit, vos volunt : ut illos æmulemini. Hoc est, imitemini. Quomodo, nisi ut servitutis jugo detineamini, sicut ipsi detinentur? Loquitur itaque Galatis, qui ab assertoribus legis inducti fuerant, ut eos imitarentur, cum illi potius Galatas dehuerint imitari : quia naturale est, majorem de minori, non minorem fieri de majore.

Bonum æmulemini in bono semper. Id est nolite assertores Judaicæ observationis imitari, sed ea quæ bona sunt imitemini. Quomodo enim qui divitias, potentiam, dignitatem, alicujus imitatur, non tam bona, quam ea quæ fugienda sunt, æmulatur: ita et vos e contrario bonum æmulemini in bono, magis quærentes spiritualia, quam carnalia : ut non illi vos Judæos, sed vos illos Christianos esse doceatis. Hoc autem facite semper, ut perseveranti gradu ad finem boni operis pervenire possitis. *Æmulemini* siquidem bonum in bono, ut prius cum apud vos essem, qui postquam a vobis recessi, omnia quæ credideram perdidistis, de statione certa et fido portursum in altum unda relabente subtracti. Nec mirum, si recedente Apostolo, vase electionis, et in quo Christus Dominus loquebatur, Galatae sunt mutati cum etiam nunc cernamus in Ecclesiis id ipsum fieri. Volens igitur Paulus ostendere magistrorum pro discipulis sollicitudinem, quos patientur affectus, ne sectatores sui excidant a salute, ait :

Filioli mei, quos iterum parturio. Per Evangelium in lucem producti, et per doctrinam geniti, iterum me dolorem sustinere fecisti, ostendit per pœnitentiam eos posse renasci. Qui enim in alio loco, quasi pater dixerat : *Si decem millia pædagogorum babeatis in Christo, sed non multos patres* (*I Cor. iv*), jam non quasi pater, sed ut mater loquitur in Christo,

A ut utriusque anxietatem et pietatem in se parentis agnoscant.

Donec formetur Christus in vobis. Formatur enim Christus in eo, qui formam accepit Christi. Formam autem accipit Christi, qui adhæret Christo, dilectione spiritali. Ex hoc enim fit, ut ejus imitatione sit quod ille, quantum gradu suo sinitur. Qui enim dicit se in Christo (ait Joannes) manere, debet quomodo ille ambulavit, et ipse ambulare. Sed cum homines a matribus concipientur, ut formentur, jam formati autem parturiantur, ut nascantur, potest moveare quod dictum est, quos iterum parturio donec Christus formetur in vobis, nisi parturitionem hanc pro curarum angoribus positam intelligamus, quibus eos parturivit, ut nascerentur in Christo.

B Et iterum parturit propter pericula seductionis quibus eos conturbari videt, sollicitudo autem illa, et cura de illis, quia se quodammodo parturire dicit, tam diu esse poterit, donec perveniant in mensuram ætatis plenitudinis Christi, ut jam non moveantur omni vento doctrinæ. Non ergo propter initium fideli, quoniam nati erant, sed propter robur, et perfectionem dictum est, donec formetur Christus in vobis. Sive aliter, formatur Christus in corde credentium, cum omnia illis sacramenta panduntur, et ea quæ obscura videbantur, perspicua fiunt.

C *Vellem autem esse apud vos, et mutare vocem meam, quoniam confundor in vobis.* Quid aliud intelligatur, nisi quia filiolos suos esse dixerat, parcens eis, fortasse ne severiore objurgatione commoti facile in eis odium traduceretur a deceptoribus illis, quibus absens non posset resistere, non video. *Vellem ergo, nunc adesse apud vos, et mutare vocem meam,* id est, negare vos filios, quia confundor in vobis. Malos enim filios, ne de his erubescant, etiam parentes abdicare solent, quia scribere tanta non possum, quanta vos audire merentur; quoniam epistola non potest vocem objurgantis exprimere. Non valet irascentis resonare clamorem, et dolorem pectoris apicibus explicare : quia detrimentum discipulorum confusio et opprobrium est magistri, sicut profectus eorum gloria est preceptoris. Confunditur ergo in eis, quia jam filii facti, servi esse desierant.

D *Dicite mihi, qui sub lege vultis esse, legem non audistis?* Notandum legem hic dictam esse Geneseos historiam, non ut vulgo testimont quæ facienda sint, queve vitanda, sed totum quod de Abraham et ejus uxoris liberisque contextur, legem appellatam. Legimus et in alio loco prophetas quoque legem vocari. Audit ergo legem, qui juxta Paulum non superficiem, sed in medullam ejus introspicit. Non audit legem, qui similis G. atis exteriorem tantum corticem sequitur.

Scriptum est enim, quoniam Abraham duos filios habuit : unum de ancilla, et unum de libera. De duabus filiis Abraham quod dicit, facile intelligitur. Nam et ipse Apostolus interpretatur hanc allegoriam. Per hos enim duos filios Abraham duo testa-

menta significata sunt. Post mortem autem Saræ, quos de alia uxore genuit, non pertinent ad hanc significationem. Et ideo multi legentes Apostolum, librum autem Geneseos ignorantibus, putant solos duos filios habuisse Abraham. Hos ergo solos commemorat Apostolus, quia solos adhuc habebat, cum haec significarentur, quæ consequenter exponit. Quod ille de ancilla, quæ Agar vocabatur, vetus testamentum significat, id est populum veteris testamenti, propter jugum servile carnalium observationum, et promissa terrena, quibus irretiti, et quæ tantummodo sperantes de Deo, non admittuntur ad hereditatem spiritalem cœlestis patrimonii. Non autem sufficit quod de libera uxore natus est Isaac ad significandum populum heredem novi testamenti: sed plus hic valet quod secundum promissionem natus est. Ille autem et de ancilla, et secundum carnem: Sicut et Cethura, quam postea duxit Abraham, non secundum promissionem, sed secundum carnem suscepit filios. Isaac enim mirabiliter natus est per reprobationem, cum ambo parentes senuissent. Quod si data per Apostolum fiducia, qua duos illos allegorice accipiendos aperiissime ostendit, voluerit aliquis etiam Cethuræ filios in aliqua rerum figura futurarum inspicere (Non frustra de talibus personis, administratione Spiritus sancti, haec gesta conscripta sunt) inventiet fortasse hereses et schismata significari: quia ii filii de libera quidem, sicut isti de Ecclesia sed tamen secundum carnem nati sunt.

C *Sed qui de ancilla, secundum carnem natus est: Qui autem de libera per reprobationem.* Nimiè difficultatis est demonstrare Isaac tantum, qui de Sara natus est, fuisse de reprobatione generatum: et non etiam Ismael, qui de Agar ancilla est ortus Ægyptia. Scriptura quippe resert, quod cum persequente Sara, Agar feta fugisset, et venisset ad eam angelus in deserto, moneretque ut subjeceretur dominæ potestati, idem ipse angelus etiam haec locutus sit: *Multiplicans multiplicabo semen tuum, et non numerabitur præ multitudine.* Et postea de Ismaeli (quæ utique reprobationis verba nemo dubitaret): *Iste erit rusticus homo: manus ejus super omnes, et manus omnium super eum et contra faciem omnium fratrum suorum habitabit.* Sed et hoc dici potest, de Ismaele post conceptum ejus vel angelum, vel Deum locutum. De Isaac vero antequam in Saræ utero conciperetur, Deum fuisse pollicitum. Ismael, carnis filius: Isaac fidei fuit. Illum enim Abraham secundum carnalem consuetudinem genuit: istam contra naturam senilem, per reprobationem credendo suscepit. Qui sunt secundum carnem nati, nisi dilectores mundi? Qui sunt per reprobationem nati, nisi amatores regni cœlorum, quia et ipsis promissum est, desiderantes vitam æternam, gratis colentes Deum? Nunc interim breviter ad altiora tendendum est, ut dicamus unumquemque nostrum primum non juxta reprobationem nasci, quam Scripturarum verbis simplicibus instruitur, adhuc

A expositionibus delectatur. Quando vero ad sublimiora transcenderit, et legem intellexerit spiritalem, tunc eum de reprobatione generari: et ut aportius loquar, quotidie eos, qui faciunt opera Abraham, de Abraham nasci: verum illos qui habent spiritum servitutis iterum in timore, ex ancilla generari Ægyptia.

B *Quæ sunt per allegoriam dicta.* Allegoria proprie de arte grammatica est, hoc est aliud ex alio figuratum. Dedit regulam Apostolus quomodo allegorizare debemus. Scilicet ut manente veritate historiæ, figuræ intelligamus. Nam cum dixisset Abram vere duas uxores habuisse, postea quid haec ipsæ figurarent ostendit. Et hoc ipsum facit, ubi aliqua sanctorum honesta facta referuntur, non ubi peccata damnantur. Cæterum derelicta mysteria dicere, Deum aut impossibilitatis aut ignoranciæ notare est, quia aut aliter sacramenta sua monstrare non potuerit, aut nesciens sibi necessaria, peccata quorundam antea generaliter coadmnauerit. Deinde vel postea ea non reprehendisset, et vindicasset, si illa propter mysteria sua fieri ipse voluisset. Praecepta vero difficile invenies ita interpretata, ne eorum virtutem evanescere videretur.

C *Hæc enim sunt duo testamenta. Unum quidem in monte Sina, in servitutem generans, quæ est Agar. Sina enim mons est in Arabia, qui conterminus est ei, quæ nunc est Jerusalem, et servit cum filiis suis. Pene cunctorum super hoc loco ista est explanatio, ut Agar ancillam interpretentur in lege et in populo Iudeorum: Saram autem liberam in Ecclesia quæ de gentibus congregata est, quæ mater sanctorum sit, Paulo dicente, Quæ est mater omnium nostrum. Haec diu non peperit, antequam Christus de virginе nasceretur et sterilis fuit, necdum risus mundi Isaac de electo patre cum voce sublimium dogmatum agnitus erat. Resonare si quidem Abraham in nostra lingua pater electus cum sonitu resertur. Agar autem quæ interpretatur incolatus, sive peregrinatio, sive mora, generat Ismaelem, qui tantum audiat præcepta, nec faciat: hominem rusticum, sanguinarium, deserta sectantem, quæ universis fratribus suis de libera procreatis inimicus sit, et adversa eis fronte consistat. Nec mirum vetus testamentum quod in monte Sina, qui est in Arabia, et confinis est ei quæ nunc est Jerusalem, constitutum est atque conscriptum, non esse perpetuum, cum et incolatus a perpetua possessione diversus sit, et Sinai montis nomen tentationem sonet, et Arabia significet occasum.*

Illa autem, quæ sursum est libera est, quæ est mater nostra. Ideo cœlestem Jerusalem Sara significat, quæ diu deserta est a concubitu viri propter cogitationem sterilitatem, quoniam novi testamenti populus, quamvis sit novus, prædestinatio tamen ejus apud Deum, et ipsa Jerusalem cœlestis antiqua est. Hanc terrenam Jerusalem virum habere dicit, quia secundum carnem generat. Illam autem cœlestem Jerusalem, quam dicit matrem nostram, sterilem ap-

pelat, quia non parit secundum carnem, nec dolores patitur, hoc est non parturit: generat autem sine passione spiritualiter exclamans in lætitiam. Hæc autem Jerusalem, quæ in presenti est, deorsum et humili, insimoque loco dimersa est.

Scriptum est autem: Lætare, sterilis, quæ non paris; erumpe et clama quæ non parturis, quia multi filii desertæ magis quam ejus quæ habet virum. Virum habuit synagoga legem, et juxta Annæ quoque prophetiam, fetosa quondam in liberis fuit: sterilis vero Ecclesia sine viro Christo, sine ullo sponsi sermonis alloquio diu jacuit in deserto. Sed postquam accepit illa librum repudii in manus suas, et omnia ornamenta viri in idoli vertit ornatum: tunc maritus priori singulo putrescente, alium lumbis suis balteum, aliud de gentibus lumbare contexit.

Unde hæc statim ut viro juncta concepit et peperit; et in Isaia exclamat Dominus per prophetam: *si est gens nata simul*, quando una die in Actibus apostolorum, tria millia et quinque millia hominum crediderunt (*Act. vi*). Nec puto necesse esse, de multitidine Christiana, et de Judæorum paucitate dicamus, cum in toto mundo crucis vexilla resplendent, et vix ratus atque notabilis in urbibus Judæus apparet.

Nos autem fratres secundum Isaac promissionis filii sumus. Dicimus itaque Apostolum ideo eos appellare secundum Isaac filios promissionis, quia non penitus eorum desperet salutem; et rursum eos ad spiritum, quo cooperant æstimet reversuros. Fiant que filii liberæ, qui si carne fuerint consummati filii sint ancillæ.

*Sed quomodo tunc, qui secundum carnem natus fuerat persecutus eum, qui secundum spiritum: ita et nunc. Sed quid dicit Scriptura? Ejice ancillam et filium ejus. Non enim hæres erit filius ancillæ cum filio meo Isaac. Itaque fratres non sumus ancillæ filii, sed libere: qua libertate nos Christus liberavit. Non puto invenire nos posse ubi Ismael persecutus fuerit Isaac: sed tantum illud, quod cum filius Ægyptiæ, qui major natu erat, luderet cum Isaac, indignata sit Sara, et dixerit Abraham: Ejice ancillam, et filium ejus, non enim hæreditabit filius ancillæ cum filio meo Isaac (*Gen. xxi*). Et utique simplex lusus inter infantes expulsione et abdicatione indignus est. Verum Apostolus quasi Hebreus ex Hebreis, et ad pedes magistri Gamalielis edocetus, qui quondam furentes adversus Dominum Pharisæos consilio refrenaret ex verbis Saræ dicentis: *Non enim hæreditabit filius ancillæ cum filio meo Isaac*, intellexit lusum illum simplicem non fuisse: qui persecutio rominatur. Sed quia forsitan Ismael quasi major natu, et eo tempore circumcisus, quo jam poterat intelligere, et sentire quod passus est, sibi primogenita vendicabat, Scriptura jurgium parvolorum lusum vocavit. Unde et Sara hæc verba non sustinens, et consuetudine sibi primogenita vendicantis ancillæ filii a parva ætate non patiens, erupit in vocem: *Ejice ancillam cum filio suo. Non enim hære-**

*A ditabit filius ancillæ cum filio meo Isaac. Quod cum durum visum fuisset Abrahæ (semper enim primogenitis majora dabantur) non solum Ismaelem priorem esse desinere, sed ne aqualem quidem cum minore fratre accipere portionem: Deus qui libera-ram intus esse et foris expelli volebat ancillam, Saræ verba confirmat, et loquitur ad Abraham (*Gen. xxii*): Non durum sit coram te, de puero et ancilla: *Omnia quæ dixerit tibi Sara, audi vocem ejus, quoniam in Isaac vocabitur tibi semen*. Sicut ergo tunc major frater Ismael lactantem adhuc et parvulum persecuebatur Isaac, circumcisionis prærogativa sibi primogenita vendicans: ita et nunc secundum carnem Ismael adversum minorem fratrem de gentibus populum Christianum sustollitur, B inflatur, erigitur.*

Itaque fratres non sumus ancillæ filii, sed libere Quantumvis se iniquitas extollat, ancilla est, et subiicienda est sanctis, quantumvis se extollant, et filios Abrahæ esse se jactent, quandiu ancille filii fuerint et carnaliter legem intellexerint, et sub ejus terrore redacti serviliter vixerint, vobiscum hæreditatem habere non poterunt. Non ergo debetis derelicta matre nostra ancillam sequi, quæ licet ejusdem viri fuerit uxor, tamen ad tempus, quia nondum poterat Sara generare: id est nondum testamentum novum revelatum erat.

Qua libertate Christus nos liberavit. Ea enim libertas nunc maxime apponenda est servitutis jugo, quo in operibus legis tenebantur, qui ad circumcitionem istos trahebant.

IN CAPUT V.

State, et nolite iterum jugo servitutis contineri. Quando dicit state significat eos nondum funditus cecidisse: alioqui commodius diceret, surgite. Quod vero ait, nolite iterum jugo servitutis detineri, nullum aliud hic jugum rectius possimus intelligere, quo eos detineri non vult, nisi circumcisio nem, et cæteras observationes Judaicas. Galate enim, qui ad Pauli apostoli prædicationem idolis derelictis statim ad Evangelii transcenderant gratiam, non revertebantur ad legis Judaicæ servitutem, quam nunquam prius cognoverant; sed volentes observare tempora, circumcidì carne, et hostias D offerre corporeas, quodammodo in eosdem revertabantur cultus quibus in idololatria ante servierant.

Ecce ego Paulus dico vobis. Ego Paulus audenter vobis dico, neminem pertimescens, non occultans nomen meum, ut audientes non tam missi quam militantis auctoritate moveantur. Tanquam si diceret, Ecce me imitemini, ut non timeatis; aut in me cau sam refundite, si timetis.

Quoniam si circumcidamini, Christus vobis nihil prodest. Quomodo accepturi sumus quod ait, ne iterum servitutis jugo detineamini, cum ad eos scribat, qui Judæi nunquam fuerant? Nam hoc agit utique, ne circumcidantur, sed nimis hic declaratur et confirmatur sententia illa, de qua superius disputavimus. Quid enim aliud hoc loco gentibus dicat,

non invenio, nisi ut pro sit illis quod a servitute superstitionis suæ per fidem Christi liberati sunt : ne iterum servi esse velint sub jugo observationum carnalium, quamvis sub lege Dei, tamen carnalem populum serviliter alligantium. Christum autem nihil eis profuturum esse dicit si circumcidantur : sed illo modo, quo eos isti volebant circumcidere, id est, ut in carnis circumcisione ponerent spem salutis. Non enim Timotheo non profuit Christus, quia Paulus ipse illum jam Christianum juvenem circumcidit. Fecit autem hoc propter scandalum suorum, nihil simulans omnino, sed ex illa indifferentia, qua dicit circumcisione nihil est, et præputium nihil est (*I Cor. vii*). Nihil enim obest ista circumcisione ei qui salutem in illa non esse credit. Tunc siquidem non prodest circumcisione, cum aliquid per semetipsam putatur utilitatis asserre. Sed illos solos ab hujusmodi observationibus non fuisse prohibendos, quos fides, quæ revelata est, iis jam imbutos invenerat : ut in eis jam consummaretur ipsa actio prophetica, quos ante ad impletionem prophetæ jam tenuerat, ne si et ab ipsis removeretur, improbata potius quam terminata videretur. Si autem et gentibus imponeatur, aut non Christi promittendi causa instituta esse, aut adhuc Christum promittere putaretur. Prius itaque populus Dei, antequam Christus veniret, legem prophetasque adimplere, illa omnia, quæ hinc promitebant, observare jubebantur : liber in eis, qui haec quo pertinenter intelligebant ; servus autem in eis, qui non intelligebant. Posterior ergo populus accedens ad fidem, quia jam Christus venisse, passus esse, ac resurrexisse prædicabatur, in his quidem hominibus, quos jam talibus sacramentis institutos eadem fides invenerat nec cogebatur ista observare, nec prohibebatur. In his autem qui talibus vacui, nulla generis, nulla consuetudinis, vel congruenti necessitate retenti crediderant, etiam prohibebatur, ut super eos jam inciperet apparere. Illa omnia propter promittendum Christum fuisse instituta : quo veniente atque haec promissa adimplente, jam oportet cessare.

Contester autem omnem hominem circumcidentem se, quoniam debitor est universæ legis facienda. Deus qui circumcisionem primo ad Abraham, deinde ad Moysen in lege præcepit non solum circumcisionem, sed et alia multa observanda constituit : dies festos Iherosolymis frequentandos, hostiarum holocausta mane semper et vespere, immolationem in uno tantum loco, quinquagesimum remissionis annum, et cætera, quæ facile est de Scripturis excerpere sibi unumquemque lectorem. Itaque cohortabimur Ebionem, et sectatores ejus, qui post Evangelium credentes in Christo circumcidendos putant, ut aut circumcisionem faciant, et cætera quæ præcipiuntur in lege ; aut si impossibile est cuncta fieri, cesseret et circumcisione, quæ cæteris quasi inutilis præmissa est. Quod si responderint possibilia tantum debere se facere (non enim Deum ea a nobis exigere quæ non possumus, sed quæ possumus implere), dicemus eis

A non ejusdem esse Dei custodire velle legem, et eos qui legem custodiant, derelinquere. Aut quomodo propter intermissam legem reos eos faciet qui, etiam si velint, universa complere non possint ? Nos vero legem sequi spiritalem, quæ dicat, *Non infrenabis os bovi tritauranti* (*Deut. xxv*) ; et cum Apostolo intelligere, *Nunquid de bobus cura est Deo ? sed propter nos utique dicit* (*Rom. ix*) ; et observare sabbata delicata ; non ut bos et asinus noster et vilia pecora de quibus scriptum est : *Homines et jumenta salvo facies, Domine* (*Psal. xxxv*). Homines rationales quoque, et spirituales viros. Animalia vero eos qui tardioris ingenii sunt, et a spiritualibus ad agenda Domini sabbata erudiuntur. Nec contrarium esse id quo supra scriptum est, si *circumcidamini, Christus vobis nihil predest*. Et uod sequitur, *Testificor omnem hominem circumcidentem se, quoniam debitor est universæ legis facienda*. Quod ideo ait, ut vel terret innumerabilium observationum, quæ in legis operibus scriptæ sunt, ne omnes implere cogerentur, quod nec ipsi Judæi nec parentes eorum implere poterunt, sicut Petrus in Actibus apostolorum dicit, *Abstineant se ab his quibus eos isti subjugare cupiebant.*

C *Evacuati estis a Christo, qui in lege justificamini, a gratia excidisti.* Quomodo nemo potest duobus dominis servire, sic umbram pariter et veritatem legis implere difficile est. Umbra in lege veteri est donec spiret dies, et amoveantur umbræ. Veritas in Evangelio Christi. *Gratia enim et veritas per Jesum Christum factæ sunt* (*Joan. i*). Perdit ergo gratiam Christi, et Evangelium quod tenuerat amittit qui in aliqua observatione legis se justificari putat, et cum gratiam amiserit, a Christi fide destruitur, et in eius opere conquiescit. Magis autem intelligitur, ut id quod supra specialiter de circumcisione præceperat dicens : *Si circumcidamini, Christus vobis nihil prodest*, nunc tota lege generaliter comprehendat, nihil eos in Christi opere proficere, qui in quacunque observatione se crediderint justificandos diceundo : *Si ergo in lege spem ponitis, infirmam Christi gratiam judicatis, et quod gratis jam accepistis, tanquam non habentes, propriis vultis laboribus adipisci.* Nondum autem erat factum, sed quia voluntas moveri cooperat, ita plerisque locis loquitur quasi jam factum sit.

D *Nos enim spiritu ex fide spem justitiae expectamus.* Spiritum ad distinctionem litteræ posuit. Spes justitiae Christus intelligendus ; quia ipse est veritas, patientia, spes, justitia, omnes virtutes : cuius nos secundum exspectamus adventum quo judicaturus est omnia, et jam non patientia, sed justitia adfuturus ut reddat unicuique secundum opera sua. Cuius diei præsentiam Apostolus, et qui ei sunt similes exspectantes aiunt, *Adveniat regnum tuum* (*Matth. ix*) Ut cum Filius Deo et Patri tradiderit regnum, et in subjectis omnibus fuerit et ipse subjectus. Tunc caput subjiciatur quodammodo et corpori, et sit Deus

omnia in omnibus. Quia qui nunc est ex parte per singulos, tunc incipiet totus esse per cunetos :

Nam in Christo Jesu neque circumcisio aliquid vallet, neque præputium, sed fides, quæ per charitatem operatur. His qui in Christo Jesu volunt vivere, virtutes appetendæ sunt, vitia fugienda. Media vero quæ inter virtutes et vitia sunt, nec fugienda sunt nec appetenda, ut circumcisio, et præputium, et cætera his similia. *Circumcisio quidem prodest, si legem custodias;* quæ idcirco utilis fuit his qui in lege vixerunt, non quia circumcisio erant, sed quia credita sunt illis eloquia Dei, quæ in opera vertentes a salute extranei non fuerunt. Ex eo siquidem tempore, quo Evangelium in toto orbe radiavit, superflua est circumcisionis injuria, quæ tunc, ut cætera quoque legis, valuit, quando et benedictiones carnales legem servantibus spondebantur. Quod scilicet si impleserint eam, benedicti essent in civitate, benedicti in agro, plena haberent horrea, et multa alia quæ in re-promissionibus continentur (*Deut.*, xxviii). Nos autem in Christo Jesu valere volumus, et confortari, id est, in vera circumcisione, et non circumcisione Judaica. *Neque enim qui in aperto Judæus est, neque manifesta in carne circumcisio, sed in abseondito Judæus, et circumcisio cordis in spiritu, non littera.* Nihil itaque prodest in Christo carnis circumcisionis, sed cordis et aurium quæ aufert illud opprobrium Judæorum.

Currebatis bene, quis vos impedivit veritati non obediens? Sensus iste est. Cum igitur curreretis, veritati magis quam imaginibus servientes a quo præpediti doctore perverso umbram legis sequimini, et Evangelii relinquitis veritatem ?

Persuasio hæc non est ex eo qui vocavit vos. Persuasionem istam non dicit Dei esse, sed eorum qui talia asserebant. Hæc enim suasio carnalis est, ille autem in libertatem vocavit. Hortatur ergo eos nullum eorum audire debere, qui ad illos veniebant ut ista suaderent. *Modicum fermentum totam massam corrumpit* (*I Cor.* v). Ne quis diceret, Cur omnes corripis, dum non omnes erraverint ? prædicti quod modicum malitiae fermentum totam possit Ecclesiæ massam corrumpere. Nolite putare paucorum hominum, qui de Judæa venientes aliud doceant, insidias contempnendas, quia modicum fermentum totam massam corrumpit. Item aliter hoc dicit, quia licet quipiam legis admiscentes fidei, violent tamen fidem, ne babeat fructum, aut sit acceptabilis, hoc ideo adjectum, ne forte incolumem se putarent habens gratiam fidei, si pauca legis observarent.

Ego confido in vobis in Domino, quia nihil aliud sapientia. Providens igitur spiritu, quia nihil aliud essent credituri, nisi quod per Epistolam docebantur, ait : *Ego confido in vobis in Domino, quod nihil aliud sapientia.* Nam et additio Dominici nominis id ipsum significat. Si enim per conjecturam hoc aestimatbat, potuerat tantum dicere, *Ego confido in robis.* Nunc autem apponens in Domino, divino quodam consilens spiritu quod futurum cognoverat prophetavit.

Qui autem conturbat vos, portabit iudicium, quicunque est ille. Occulte, inquietum, Petrum lacerat, cui supra in facie restitisse se scribit, quod non recto pede incederet ad Evangelii veritatem, sed nec Paulus tam procaci maledicto de Ecclesiæ principe loqueretur, nec Petrus dignus qui conturbatæ Ecclesiæ reus fieret. Ex quo arbitrandum est de alio quodam dici, qui aut cum apostolis fuerat, aut de Judæa venerat, aut ex Pharisæis crediderat, aut certe magnus sit apud Galatas aestimatus, ut portet iudicium Ecclesiæ conturbatæ, quicunque est ille. Turbati ergo fuerant Galatae inter spiritum et litteram, circumcisionem, et concessionem Judaismum occultum et manifestum, quid agerent ignorantes. Brevius autem et sic accipi potest : Quicunque est ille qui vos ad Pharisæorum doctrinam trahit, et desiderat in carne circumcidere, quamvis sit eloquens, et in legis ordinatione se jactet, nihil amplius dico, nisi hoc quod etiam vos abnuere non potestis, quod portabit pro hoc opere iudicium, et consequetur pro suo labore mercedem. Qui dum vellent istam servitutem persuadere et viderent eos Pauli apostoli auctoritate revocari, dicerent etiam ipsum Paulum id sentire, sed non eis facile aperire voluisse, sententiam suam opportune subiecit.

Ego autem, fratres, si circumcisionem adhuc prædico, quid adhuc persecutionem patior ? Legimus in Actibus apostolorum, et ipse quoque apostolus Paulus in Epistolis suis sæpe commemorat se a Judæis persecutione creberimas sustinuisse, propterea quod doceret eos qui de gentibus crediderant in Christo, non debere circumcisioni. Hi itaque (de quibus supra ait, *Qui autem conturbat vos portabit iudicium, quicunque est ille*) ut deciperent Galatas etiam hoc addebant : Non solum Petrus et Jacobus, et Joannes, et cæteri in Judæa apostoli circumcisionem, et alia præcepta legis observant, sed ipse quoque Paulus, qui vos aliter docuit, quam se rei veritas habet. Timotheum circumcidit, et Judæis frequenter Judæus factus est, veritate cogente, quam opinionem de Galatarum mentibus Paulus nunc volens tollere ait : *Ego autem, fratres, si circumcisionem prædico, quid adhuc persecutionem patior ?* Omne, inquit, in me odium Judæorum, et qua adversum me furunt insania, ob nihil aliud est, nisi quod doceo gentes non debere circumcidere, et legis onera superflua, et jam abolita custodiare. Cum autem persecutionem patior, manifestum est me circumcisionem non prædicare quam destruo. Non enim tam persecutionem patior a Judæis quia prædico crucifixum, et Jesum esse deo Christum, quem lex et prophetæ prænuntiavere, quam quia doceo legem esse completam : ac per hoc illi inimici sunt crucis ejus, qui per legem dicunt esse justitiam, non per gratiam fidei.

Utinum et abscondantur, qui vos conturbant. Quæritur, quomodo Paulus discipulus ejus qui dicit, *Benedicite maledicentibus vobis* (*Luc.* vi) ; et ipse loquens, *Benedicite et nolite maledicere* (*Rom.* xii) ; et in alio loco, *Neque maledici regnum Dei possidebunt* (*I Cor.* iii) ; nunc et maledixerit eis qui Ecclesiæ Ga-

latiae conturbabant, et cum optantis voto maledixerit : *Utinam et abscindantur qui vos conturbant.* Tam enim detestanda abscisionis est passio, ut et qui invitus eam intulerit, legibus publicis puniatur : et qui seipsum castraverit insanus habeatur; non tantum, inquit, circumcidantur, sed et abscindantur. Sic enim sicut spadones propter regnum cœlorum, et carnalia seminare cessabunt. Videbat quippe totam provinciam, quam ipse suo sanguine et periculis ab idolatria ad Christi traduxerat fidem, subita persuasione turbatam, et dolore apostolico, dolore patris se tenere non poterat. Mutabat vocem, et quibus blanditiis fuerat irascebatur, ut quos nequiverat lenitate, saltem objurgatione retineret. Quidam dicunt, utinam abscindantur ab errore, et inserantur veritati. Alii dicunt, si putant sibi hoc prodesse, non solum circumcidantur, sed etiam et abscindantur. Quod Paulus non tam maledixerit eis, quam oraverit pro illis, ut eas partes corporis perderent per quas delinquere cogebantur. Et quomodo in Evangelio dictum est, *Melius esse aliquem sine oculo, et sine manu, et sine pede, et qualibet alia parte membrorum intrare in regnum cœlorum, quam totum ire in gehennam :* ita et nunc optare eis magis unam partem corporis perdere, quam per occasionem integri corporis perpetuo igne damnari. Si enim expoliatio membra proficit, multo magis sublato.

Vos autem in libertatem vocati estis, fratres, tan-tum ne libertatem in occasionem carnis detis. Vos, inquit, fratres in libertatem vocati estis, forsitan ideo quia non omnes vocationem capere poterant libertatis. Propter quod nunc auditis tantum ne libertatem in occasionem detis carnis. Per dilectionem enim oportet minores servire majoribus; quia qui vult esse major, erit omnium servus. Neque enim ut spiritales laceret Christi carnes, neque occasionem illis tribuat, ut se remordeant provocantes, ne ab invicem consumantur. Quibus nos possumus addere, ut dicamus de servitute legali ad Evangelii libertatem vocalos, quibus superius dicitur, *State et nolite rursus jugo servitutis hærere, etiam nunc moneri, ut leve Christi jugum et delectabilia Evangelii præcepta sectantes nequaquam sibi putent licere ut hac ipsa libertate vivendi in occasionem carnis utantur.* Scilicet ut juxta carnem vivant, juxta carnem circumcidantur : sed spiritu magis stent, spiritu præputium carnis abscindant, et ad spiritus altiora tendentes humilitatem litteræ derelinquant.

Sed per charitatem servite invicem. Qui enim per charitatem servit, libere servit, et sine miseria obtemperans Deo, cum amore faciendo quod docetur, non cum timore quod cogitur. Tunc enim nos charitas a jugo culpæ liberos reddit, cum vicissim nos nostro per amorem servitio subjicit : cum et aliena bona nostra credimus, et nostra aliis, quasi sua offrentes, exhibemus. Tantum autem bonum est charitas, ut omnis lex in illa recapituletur. Cujus virtus

A tanta est, ut nomen eo usque extollatur ut et ipse Deus charitas appelletur.

Omnis enim lex in uno sermone completetur. Omnem ergo legem nunc dicit ex his operibus quæ ad bonos mores pertinent, quia et illa quæ sunt in sacramentis, cum bene a liberis intelliguntur, nec carnaliter obseruantur a servis, ad illa duo præcepta referantur necesse est, dilectionis Dei et proximi. Recite itaque accipitur ad hoc pertinere, quod etiam Dominus ait : *Non veni legem solvere, sed adimplere* (*Matth. v.*) ; qui erat ablatus timorem carnalem, spiritalem autem charitatem datus, qua sola lex impleri potest. *Plenitudo enim legis charitas* (*Rom. XIII*). Et quoniam fides impetrat Spiritum sanctum, per quem *charitas Dei diffusa est cordibus* operantium justitiam, nullo modo quisquam ante gratiam fidei de bonis operibus gloriatur. Quapropter istos jactantes se de operibus legis ita refellit Apostolus, dum ostendit opera vetusta sacramentorum umbras futurorum fuisse : quas jam post adventum Domini libero hæredi necessarios non esse monstravit; opera vero ad bonos mores pertinentia non impleri, nisi dilectione, per quam fides operatur. Unde si opera legis quædam post fidem superflua, quædam ante finem nulla sunt, vivat justus ex fine, ut et onus grave servitutis ahjiciat, levi sarcina Christi vegetatus : et justitiae metas non transgrediat, levi jugo charitatis obtemperans : legis etiam ipsa opera quæ queruntur, uno possunt sermone concludi et uno præcepto compleri. Non ergo sola ad vitam sufficit fides, ut laciniosa legis præcepta uno dilectionis capite concludantur.

Diligies proximum tuum sicut te ipsum. Quæri autem potest cur Apostolus et hic solam commemoravit proximi dilectionem, quam lege dixit impleri, et ad Romanos, cum in eadem questione versaretur : *Qui enim diligit alterum, inquit, legem implevit. Nam non adulterabis, non homicidium facies, non furaberis, non concupisces, et si quod aliud mandatum in hoc sermone recapitulatur.* *Diligies proximum tuum sicut te ipsum.* *Dilectio proximi malum non operatur.* *Plenitudo autem legis est charitas.* (*Rom. XIII*). Cum ergo in duobus præceptis, dilectionis Dei et proximi, perfecta sit charitas, cur Apostolus et in illa et in hac Epistola solam proxiani dilectionem commemorat, nisi quia de dilectione Dei possunt mentiri homines, quia rariores tentationes eam probant : in dilectione autem proximi facilius convincuntur eam non habere, dum inique cum hominibus agunt ? Consequens est autem ut qui ex toto corde, ex tota anima, ex tota mente Deum diligat, diligat et proximum tanquam seipsum : quia hoc jubet ille quem ex toto corde, ex tota anima, ex tota mente diligat. Item diligere proximum, id est omnem hominem, tanquam seipsum quis potest, nisi Deum diligat, cuius præcepto et dono dilectionem proximi possit implere? Cum ergo utrumque præceptum ita sit ut neutrum sine altero possit teneri, etiam unum horum commemorare plerumque sufficit, cum agitur de operibus justitiae : sed opportunius illud de quo quisque facilius convincitur.

Unde Joannes dicit : *Qui enim non diligit fratrem suum, quem videt, Deum, quem non videt, quomodo potest diligere* (*I Joan. iv.*) ? Mentiebantur enim quidam dilectionem se Dei habere, et de odio fraterno eam non habere convincebantur. De quo judicare in quotidiana vita et moribus facile est. Charitas vel dilectio in quatuor modis completur, hoc est, primo Deus diligendus est ; secundo, nos ipsos diligamus ; tertio, proximos ; quarto, inimicos : Deum plus quam nos, proximum sicut nos, inimicum quasi proximum. Et nisi Deum primum dilexerimus, nos diligere non possumus. Hoc est non peccare : et si nos non diligimus, ad quam formam proximos diligemus ? Si autem proximum non amamus, multo magis inimicum. Si ergo volumus dilectionem habere, primo Deum plus quam nostras animas diligamus. Quod ita probatur, si propter Deum etiam salutem nostram et ipsas animas contemnamus. Non ergo sola ad vitam sufficit fides, nisi quis sicut se diligit, ita et proximum : et non solum ei malum non facit, quod sibi non vult : sed etiam bonum facit, quod sibi vult ab alio fieri : et universam legem implet, quæ habet duo genera mandatorum, hoc est, non faciendum malum, et faciendum bonum.

Quod si invicem mordetis et comeditis, videte ne ab invicem consumamini. Hoc enim maxime vitio contentions et invidiae, perniciose dispensationes inter eos nutriebantur, male de invicem loquendo, et querendo quisque gloriam suam, vanamque victoriā per contentionem, quia vos meliores alterutrum judicatis, quando detrahitis alterum ; quando aliena torquemini felicitate, et ex alterius bono vestrum malum facitis, tunc invicem mordetis, et quando maledicto vos putatis ulcisci : quibus studiis consumitur societas populi, dum in partes scinditur. Quomodo autem ista vitare possint, nisi spiritu ambulant, et concupiscentias carnis non perficiant ? Melius est autem ne contra rationem, et totius Epistolæ consequentiam, subito in extraordinaria precepta Paulus erumpat, hoc ita intelligere, ut ad circummissionem observationemque legis cuncta referamus. Si vos, inquit, conturbant alii, vos autem conturbamini, si totam Scriptoram veterem legentes sic intelligitis, ut scripta est : *Oculum pro oculo, dentem pro dente* (*Deut. xix.*), et ira desiderat ultiō, ultiō vero imponebit dolorem, quod lex non solum non prohibet, verum etiam præcipit, justitiam in talione restituens, sequitur, ut et nudatus nudet, et vulneratus revulneret, et comestus remordeat, et quæ videtur justitia esse, consumptio sit, non unum vindicans, sed utrumque consumens.

Dico autem : Spiritu ambulate, et desideria carnis non perficietis. Si ergo non consentiatur concupiscentiis carnis, quantvis agantur motibus, non tamen perficiantur operibus. Proinde cum caro concupiscit adversum spiritum, et spiritus adversus carnem, ut non ea quæ volumus faciamus, nec carnis perficiuntur concupiscentiae, quamvis faciant, nec nostra perficiuntur opera bona, quamvis siant. Sicut enim tunc

A perficitor carnis concupiscentia, cum consentit ei spiritus ad opera mala, ut non concupiscat adversus illam, sed cum illa : sic et bona opera nostra tunc perficiuntur, quando ita spiritui caro consenserit, ut adversus eum etiam ipsa non concupiscat. Hoc enim volumus cum perfectionem justitiae concupiscimus, hoc intentione non intermissa velle debemus. Sed quia perficere in ista corruptibili carne non possumus, ideo dixit ad Romanos : *Velle adjacet mihi, perficere autem bonum non invenio* (*Rom. vii.*). Vel sicut habent codices Græci : *Velle adjacet mihi, perficere autem bonum non* ; id est non mihi adjacet perficere bonum. Non ait facere, sed perficere bonum. Quia facere bonum, est post concupiscentias non ire. Perficere autem bonum, est non concupiscere. Quod ergo B est ad Galatas, concupiscentias carnis ne perfeceritis, hoc e contrario est ad Romanos : *Perficere autem bonum non invenio*, quia nec illæ perficiuntur in malo, quando eis non accedit nostre voluntatis assensus ; nec nostra voluntas perficitur in bono, quandiu illarum, cui non consentimus, permanet motus. Ipse autem conflictus, in quo etiam baptizati velut in agone decertant, cum caro concupiscit adversum spiritum, et spiritus adversus carnem : ubi et spiritus facit bonum opus non consentiendo concupiscentiæ malæ, non perficit ; quia ipsa mala desideria non absunt : et caro facit malum desiderium, sed nec ipsa perficit, quia non sibi consentiente spiritu et ipsa ad opera damnanda non pervenit. Iste ergo conflictus non Iudaicorum, nec quorumlibet aliorum, sed plene Christianorum, fidelium et bene viventium est.

C *Caro enim concupiscit adversus spiritum, spiritus autem adversus carnem.* Non enim caro sine anima concupiscit, quamvis caro concupiscere dicatur, quia carnaliter anima concupiscit, caro enim nihil nisi per animam concupiscit : sed concupiscere caro adversus spiritum dicitur, quando anima carnali concupiscentia spiritui reluctatur. Tunc enim caro adulterium, spiritus autem desiderat castitatem. Totum hoc nos sumus, et caro ipsa quæ discedente anima moritur, quæ pars nostra infirma est, nec fugienda dimittitur, sed recipienda reponitur. Tunc erit justus sine ullo omnino peccato, quando nulla lex erit in membris ejus repugnans legi iunctus ejus. Nec recepta ulterius relinquetur. Unde dicit, Seminatur corpus animale, surget corpus spiritale. Et quia supra secundum duplē intelligentiam hunc locum cœperamus exponere, reddenda sunt quæ omisimus *Caro concupiscit adversus spiritum*, id est historiæ et Scripturæ carneus intellectus contra allégoriam et spiritalem doctrinam repugnat. *Spiritus autem adversus carnem*, id est sublimiora dejectis, æterna brevibus, umbræ veritas refragatur. Et carneus Scripturæ sensus, quia impleri non potest (nec enim valemus omnia quæ scripta sunt facere), ostendit nos non in nostra positos potestate legis explendæ, cum etiamsi velimus litteram sequi, impossibilitas non admittit.

D *Hac enim invicem adversantur, ut non quæcumque vultis, ista faciat.* Hæc facit ratio ut voluntatem

non sequatur effectus : quia in hac vita pugnat caro A contra spiritum, et spiritus adversus carnem. Fit ergo per sanctificationem perfectam , ut omnis carnalis appetitus spiritui nostro illuminato et vivificato, id est voluntati subjiciatur. Et sicut nunc videamus multis puerilibus delectationibus nos carere quæ nos pueros, si denegarentur, acerrime cruciabant, ita credendum est de omni carnali delectatione futurum esse, cum perfecta sanctitas totum hominem reparaverit ; nunc autem quandiu est in nobis quod resistit bonæ voluntati, auxilio Dei per bonos homines, et bonos angelos indigemus, ut donec sanetur vulnus nostrum, non ita molestetur ut perimat etiam bonam voluntatem: hanc autem mortem peccato meruimus, quod peccatum erat omnino in libero arbitrio : cum in paradiiso nullus dolor denegaret delectationes voluntati bonæ, nec quidquam recte habenti se homini resistebat. Nunc vero paulatim subrepens delectatio mortificat animam, ut si abstinere velit, sine molestia et angore non possit.

Quod si spiritu ducimini, non estis sub lege. Ut intelligamus eos sub lege esse, quorum spiritus ita concupiscit adversus carnem, ut non ea quæ volunt faciant, id est non se teneant conjunctos in charitate justitiae, sed a concupiscente adversum se carne, vincentur. Non solum ea repugnante legi mentis eorum, sed etiam captivante illos sub lege peccati, quæ est in membris mortalibus. Qui enim non ducuntur spiritu, sequitur ut carne ducantur. Non autem pati adversitatem carnis, sed duci a carne damnatio est. Et ideo, *Quod si spiritu ducimini, inquit, non adhuc estis sub lege.* Nam et superius non ait, *spiritu ambulate, et concupiscentias carnis non habueritis, sed ne perfeceritis.* Quippe eas omnino non habere, non jam certamen, sed certaminis præmium est , si obtinuerimus victoriam perseverando sub gratia. Commutatio enim corporis in immortalem statum sola carnis concupiscentias non habebit. Et si vos totos spiritualibus occupetis, non vobis opus est lex, carnalibus data est. Si spiritu, inquit, *ducimini non estis sub lege.* Utique legi, quæ timorem incutit, non tribuit charitatem, quia *charitas Dei diffusa est in cordibus vestris.* Non per legis litteram , sed per spiritum sanctum, qui *datus est nobis* (Rom. v). Hæc est lex libertatis, non servitutis. In quantum quisque spiritu dicitur, non est sub lege : quia quantum condeletatur legi Dei, non est sub legis timore, quia timor tormentum habet, non delectacionem .

Manifesta autem sunt opera carnis quæ sunt, fornicatio, immunditia, impudicitia, idolorum servitus, veneficia, inimicitiæ, contentiones, animositates, æmulationes, iræ, rixæ, dissensiones, hæreses, invidiæ, ebrietates, comessationes. Agunt autem hæc, qui cupiditatibus carnalibus consentientes facienda esse decernunt, etiamsi ad impleendum facultas non datur. Cæterum qui tanguntur hujusmodi motibus, et immobiles in majore charitate consistunt. Non solum non eis exhibentes membra corporis ad male operandum, sed neque nutu consensionis ad exhibendum

consentientes, non hæc agunt et ideo regnum Dei possidebunt. Non enim jam regnat peccatum in eorum mortali corpore ad obediendum desideriis ejus, quamvis habitet in eodem mortali corpore peccatum, nondum extincto impetu consuetudinis naturalis, qua mortaliter nati sumus, et ex propriis vitæ nostræ, cum et nos ipsi peccando auximus quod ab origine peccati humani damnationis trahebamus. Aliud est enim non peccare, aliud non habere peccatum. Nam in quo peccatum non regnat, non peccat, id est qui non obediatur desideriis ejus. In quo autem non existunt omnino ista desideria, non solum non peccat, sed etiam non habet peccatum. Quod etiam si ex multis partibus in ista vita possit effici, ex omni tamen parte non nisi in resurrectione carnis, atque B commutatione peragendum est. Cur ergo hæc omnia et his similia doctor gentium in fide et veritate opera carnis appellat, nisi quia eo locutionis modo, quo totum significatur a parte, ipsum hominem vult nomine carnis intelligi? Quod si quisquam dicit carnem causam esse in malis moribus quorumcunque vitiorum, eo quod anima carne perfecta sic vivit, profecto non universam hominis naturam diligenter advertit. Nam corpus quidem corruptibile aggravat animam. Corruptio autem corporis, quæ aggravat animam, non peccati primi est causa, sed poena. Nec caro corruptibilis animam peccatrixem, sed anima peccatrix fecit esse corruptibilem carnem: ex qua corruptione carnis, licet existant quædam incitationes vitiorum, et ipsa desideria vitiosa, non tamen omnia vita iniquæ vitia tribuenda sunt carni, ne ab his omnibus purgemos diabolum , qui carnem non habet. Quis enim servitatem, quæ idolis exhibetur, veneficia, inimicitiæ, contentiones, æmulationes, animositates, dissensiones, hæreses, invidias, non potius intelligat animi vitia esse quam carnis? Quandoquidem fieri potest ut propter idolatriam vel hæresis alicujus errorem a voluptatibus corporis temperetur : et tamen etiam tunc homo', quamvis carnis libidinem contemnere atque cohibere videatur, secundum carnem vivere hac apostolica auctoritate convincitur, et in eo quod abstinet a voluptatibus carnis, dannabilia opera carnis agere demonstratur, etenim si diabolus ea quæ fornicator agit, vel ebriosus, vel si quid homini mali est quod ad carnis pertinet voluptates, non agit, qui carnem non habet, non potest dici absque culpa, cum sit etiam talium criminum suasor et instigator occultus : est tamen maxime superbus atque invidus, quæ illum vitiositas sic obtinuit, ut propter hoc esset in carcere caliginosi hujus aeris æternō supplicio destinatus. Hæc autem vita, quæ tenet in diabolo principatum, carni tribuit Apostolus, quam certum est diabolum non habere. Dicit enim inimicitiæ, contentiones, æmulationes, animositates, invidias, opera esse carnis. Quorum omnium malorum caput atque origo superbia est, quæ sine carne regnat in diabolo. At hæc omnia cum habeat ille sine carne, quomodo sunt ista opera carnis, nisi quia opera sunt hominis, quem nomine

carnis appellat? Si enim sapientia carnis inimica est Deo, inimica autem sunt omnia dogmata falsitatis Deo repugnantia, consequenter hæreses inimicæ Deo ad carnis opera referuntur. Hæresis autem Graece ab electione dicitur, quod scilicet eam sibi unusquisque eligat disciplinam, quam putat esse meliorem. Quicunque igitur aliter Scripturam intelligit, quam sensus Spiritus sancti flagitat, quo conscripta est, licet de Ecclesia non recesserit, tamen hæreticus appellari potest, et de carnis operibus est eligens quæ pejora sunt.

*Et his similia, quæ prædico vobis, sicut prædixi, quoniam qui talia agunt, regnum Dei non consequentur. Potest autem movere quod ait, quæ dico vobis sicut prædixi, quoniam qui talia agunt, regnum Dei non possidebunt, si queratur ubi ista prædixerit, nam in hac Epistola non invenitur. Ergo aut præsens cum esset, hoc prædixerat; aut cognoverat pervenisse ad illos Epistolam quæ missa est ad Corinthios. Ibi enim sie ait: *Nolite errare, neque fornicatores, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt* (*I Cor. vi*). Hic ergo cum enumerasset opera carnis, quibus clausum est Dei regnum, subiectit etiam opera spiritus, quæ fructum spiritus vocat.*

Fructus autem spiritus est charitas. Omnim virutum prima est charitas, quæ, sicut notavimus, in quatuor dividitur partes: in dilectione Dei, in sua uniuscujusque, in proximi, et inimici.

Gaudium spirituale, pax. Si tranquilla mens nullis passionibus perturbetur.

Longanimitas. Illatas injurias sustinere.

Bonitas. Semper benefacere velle.

Benignitas. Nulli injuriam facit, nec desiderat fieri. Notandum quod et fides a Deo detur, quam inter fructus spiritus septimo loco Apostolus posuit: et hoc notandum quia a Deo est.

Fides. Vel Deo credere, vel hominibus promissa complere.

Modestia. Non irasci.

Continentia. Continentia pro tempore est.

Castitas. Sempiterna: et non solum a fornicatione, sed ab omn i iniquitate continere.

*Adversus hujusmodi non est lex. Non enim ista prohibuit, et qui Novum implet, non est sub Veteri Testamento. Hinc intelligamus illos sub lege positos, in quibus ista non regnat. Nam in quibus hæc regnant ipsi lege legitimate utuntur, quia non est illis lex ad coercendum posita. Major enim et præpollentior delectatio eorum, justitia est. Non enim, ait, adversus hæc non est lex, sed *adversus hujusmodi*, hoc est, sive ista, sive etiam cætera hujusmodi. Sed tamen diligenter considerantibus, non hic omni modo carnalium spiritualiumque operum oppositio inordinata atque confusa est. Ob hoc autem latet, quia pauciora vel singula quibusdam pluribus opponuntur. Nam ex eo quod in capite carnalium vitiorum posuit fornicationes, in capite autem virtutum spiritualium*

A charitatem, quem non divinarum litterarum studiosum faciat intentum ad perscrutanda cætera? Si enim fornicatio est amor a legitimo connubio solitus et vagus explendæ libidinis consecando laetitiam, quid tam legitime ad spiritalem secunditatem conjugitur, quam anima Deo, cui quanto fixius inhæserit, tanto est incorruptior? Inhæreat autem charitate. Recte igitur fornicationi opponitur charitas, in qua sola est custodia castitatis. Immunditiae autem sunt omnes perturbationes de illa fornicatione conceptæ, quibus gaudium tranquillitatis opponitur.

Idolorum autem servitus ultima fornicatio est animæ, propter quam etiam bellum adversus Evangelium reconciliatis Dei furiosissimum gestum est: cujus reliquæ, quamvis pene sopitæ fuerint, adhuc tamen recalent. Huic itaque pax contraria est, qua reconciliamur Deo, eademque pace etiam cum hominibus custodita veneficiorum, inimicitiarum, contentionum, æmulationum, animositatum dissensionumque vitia sanantur in nobis. Ut autem in aliis, inter quos vivimus, justa moderatione versemur, et ad sustinendum longanimitas, et ad curandum benignitas, et ad ignoscendum bonitas militat. Jam vero hæresibus fides, invidiæ mansuetudo, ebrietatibus et commissionibus continentia reluctatur. Ne quis sane arbitretur hoc esse invidia quod est æmulatio. Vicinæ enim sunt, et propter ipsam vicinitatem plerumque utrumlibet horum pro altero, æmulatio pro invidia, vel invidia pro æmulatione ponitur. Sed quia utrumque hic locis suis dictum est, utique distinctionem de nobis flagitant. Nam æmulatio est dolor animi cum aliis pervenit ad rem quam duo pluresve appetebant et nisi ab uno haberri non potest. Istam sanat pax, qua id appetimus quod omnes qui appetunt si assequantur, unum in uno sunt. Invidia vero dolor animi est, cum indignus videtur aliquid assequi, etiam quod tu non appetebas. Inter invidum autem et invidiosum hoc interest quod invidus feliciori invidet, invidiosus autem ipse est qui ab alio patitur invidiam. Hanc sanat mansuetudo. Cum quisque adjudicium Dei revocans non resistit voluntati ejus, et magis ei credit recte factum esse quam sibi quod putabat indignum. Regnant ergo spiritales isti fructus in homine, in quo peccata non regnant. Regnant autem ista bona, si tantum delectant, ut ipsa teneant animum in temptationibus, ne in peccati consensionem ruat.

C *Qui autem sunt Christi, carnem suam crucifixerunt cum vitiis et concupiscentiis. Unde autem crucifixi sunt, nisi timore illo casto permanente in seculum saeculi, quo cavemus offendere illum, quem toto corde, tota anima, tota mente diligimus: et ideo si hoc modo omnia simul crucifixa sunt membra, et destructum est in nobis omne opus peccati, et caro quasi pendens in cruce, saeculi desideriis extincta atque mortificata, nihil adversum Dei præcepta in seculo concupiscit: ut quid eis legem juxta litteram tenere convenit, quæ ad vitia peccatorum coerenda data est? simul illud notandum quod eos*

dixerit Christi esse, qui carnem suam cum vitiis crucifixerunt. Haec sententia illos revincit qui solam fidem ad salutem animarum suarum sufficere arbitrantur.

IN CAPUT VI.

Si vivimus spiritu, spiritu et ambulemus. Nequam per legem, sed per charitatem nobis invicem servientes. Non debemus de Scripturarum interpretatione contendere, et dicere verbi gratia, Circumcisio melior est. Non, sed præputium. Contemnenda historia, et allegoria sequenda. Imo allegoria vana est, et umbratica, et nullis veritatis fulta radicibus: unde evenit ut invicem nascantur invidiae. *Excludere enim*, ait, *vos volunt, ut illos amulemini.* Non tam veritatem legis volentes docere, quam vincere. In eo autem illi fallebantur, quod negare quidem non poterant, sectandum sibi esse Spiritum sanctum, assertorem et ducem libertatis suæ, sed ad opera servilia carnaliter conversi, retrorsum se conari non intelligebant. Propterea non ait, Si spiritu vivimus, spiritum sectemur. Fatebantur enim Spiritui sancto servire oportere, et eum non spiritu suo sed carne volebant sectari: non spiritualiter obtinentes gratiam Dei, sed in circumcisione carnali, et cæteri hujusmodi, spem constituentes salutis. Illis enim dicit, qui mutua concertatione se alterutrum præponere cupiebant, Per spiritum, inquit, vitam habemus, sed si spiritualiter conversemur, et non legi carnaliter serviamus (*Rom. viii.*).

Non efficiamur inanis glorie cupidi, invicem provocantes, invicem inadvertentes. Prorsus magnifice et omnino divino ordine posteaquam eos instruxit adversus illos, a quibus in servitutem legis seducebantur, hoc in eis caute, ne instructiores facti et volentes jam calumniis carnalium respondere, contentiibus studeant et appetitu inanis glorie legis oneribus non servientes, vanis cupiditatibus serviant. Nihil autem sic probat spiritalem virum quam peccati alieni tractatio, cum liberationem ejus potius quam insulationem, potiusque auxilia quam convicia meditatur: et quantum facultas tribuit, suscipit et ideo dicit :

Fratres, et si præoccupatus fuerit homo in aliquo delicto, vos qui spiritales estis hujusmodi instruite in spiritu lenitatis. Eum quoque qui spiritualis est cohortatur, cum sui timore ne casset manum porrigitur corruenti: et pulchre præoccupatum in delicto hominem vocat, qui mori possit, et ipso nomine fragilitatem conditionis ostendens, ut dignus sit venia, qui velut homo errore deceptus, et mersus in voraginem, seipsum sine auxilio et adjuvatore erigere non possit. Spirituali autem non additur homo, sed quasi Deo præcipitur, ut hominem præoccupatum in delicto instruat: sive, ut melius habetur in Graeco, perficiat in spiritu lenitatis. Qui autem perficitur, non ei desunt universa, sed aliqua. Denique si non peccatis pluribus, sed vitio aliquo præoccupatis erravit, lenitatis spiritum, et mansuetudinis in correctione peccantis, spiritualis adhibeat,

A ne rigidus, ne iratus, et tristis corrigeret cupiat errantem, sed provocet eum, spondens salutem, veniam repromittens; Christi testimonium proferat, quod gravi legis et peccatorum onere depresso ad jugum suum suave, leve invitet onus, ut discant quia humilis sit, et mitis, et mansuetus corde, et inventant requiem animabus suis (*Matth. xi.*). Locus iste de Epistola ad Romanos in fine pandendus est. Ibi enim cum similiter de escis et observationibes scriberet Iudaeorum, et eos qui legis juxta litteram præcepta contemnerent, firmos atque perfectos: illos vero, qui adbuc antiqua consuetudine ducebantur, infirmos parvulosque narraret, et videret iugium esse inter spiritales et carneos; admonuit spirituales ne contemnerent carnales, et ait, *Infirmum autem in fide assumite, non in disceptationibus cogitationum: alius enim credit manducare omnia, qui autem infirmus est solus manducet. Is qui manducat, non manducantem non spernat, et qui non manducat, manducantem non judicet. Deus enim illum assumpsit. Tu quis es qui judicas alienum servum? suo domino stat aut cadit. Stabit autem, potens est enim Deus statuere illum (*Rom. xiv.*); et multa in medio super hoc sensu disserens, adjecit in finem: Noli propter escam destruere opus Dei. Et iterum: Debemus autem nos firmiores imbecillitates infirmorum sustinere, et non nobis placere. Unusquisque vestrum proximo suo placeat ad bonam ædificationem (*Rom. xv.*).*

C Considerans te ipsum, ne et tu tenteris. Nihil enim ad misericordiam sic inclinat, quam proprii periculi cogitatio. Considerando temet ipsum, quia et tu homo es, et poteris aliquo præveniri peccato, et ita demum indigere adjutorio Dei, et proximi: quia sani infirmos sustinere debent, et mortuos sepelire, quia procul dubio et infirmari et mori posse se credunt.

D Alter alterius onera portate, et sic adimplebitis legem Christi. Quia Veteris Testamenti custodia timorem habebat, non potuit apertius significare Novi Testamenti donum esse charitatem, quam hoc loco, ubi Apostolus dicit: Invicem onera vestra portate, et sic adimplebitis legem Christi. Hanc enim legem Christi dicere intelligitur, qua ipse Dominus præcepit ut nos invicem diligamus tantum in ea sententia præcepti pondus constituens ut diceret: *In hoc cognoscitur quoniam discipuli mei estis, si vos invicem diligatis (*Joan. xiii.*)*. Hujus autem dilectionis officium est invicem onera vestra portare. Sed hoc officium non est sempiternum, perducit sane ad beatitudinem sempiternam, in qua nulla erunt onera nostra, quæ invicem portare jubeamur. Nunc vero in hac vita, id est dum in hac via sumus, onera nostra portemus, ut ad eam vitam quæ caret omni onere, pervenias. Nihil enim sic probat amicum, quemadmodum oneris amici portatio. Nec tamen invicem portaremus onera nostra, si unum tempus esset infirmitatis amborum, qui onera sua sustinet, aut unum infirmitatis genus; sed diversa

tempora et diversa genera infirmitatis faciunt ut onera nostra invicem portare valeamus. Verbi gratia : Iram fratris tunc portabis, cum tu adversus eum non irasceris, ut rursum eo tempore quo te ira præoccupaverit, ille te lenitate et tranquillitate supportet. Sed et hunc locum cum superioribus copulemus, duplum enim sequitur intelligentiam. Si quis infirmus in fide est, et adhuc lacte nutritus infantiae, nec potest tam cito a legali observatione ad spiritualia sacramenta transire, vos qui robustiores estis, ejus onera portate, ne per scientiam vestram frater pereat, pro quo Christus mortuus est : portat quoque fratris necessitatem qui gravatum pauperem onere egestatis adjuvat.

Nam si quis existimat se esse aliquid, cum nihil sit, seipsum seducit. Non eum seducunt laudatores ejus, sed ipse potius, quia cum sibi sit præsentior quam illi, magis vult se in illis querere quam in seipso. Et ideo ait : Si quis existimat se esse aliquid, in eo quod putat se esse aliquid, et non ex clementia in proximum, sed ex suo opere et labore se judicat, sua tantum virtute contentus : iste ex hac ipsa arrogantia nihil fit, et ipse se decipit. Menter autem decipit, qui se putat esse sapientem. Et secundum Isaiam, *Sapiens in se et in conspectu suo intelligens* (*Isa. v*). Ad circumcisionem et ad legem ita loci hujus connectitur intellectus : Qui spiritualis est, et misericordiam in proximum non habet, contemnens humilem, quia ipse sublimior est, ipse se decipit : nesciens hanc spiritus esse legem, ut nos invicem diligamus.

Opus autem suum probet unusquisque, et sic in seipso tantum gloriam habebit, et non in altero. Unusquisque enim proprium onus portabit. Et non in altero, id est, cum alter eum laudat. Non ergo laudatores nostri minuant onera conscientiae nostræ, atque utinam non etiam accumulent plerumque, ne illis offensis Laus nostra minuatur, cum aut objurgatione illos curare negligimus, aut jactanter eis aliquid nostrum ostentamus, potius quam constanter ostendimus. Omitto ea quæ fingunt et mentiuntur de se homines propter hominum laudes. Quid enim ista cæcitate tenebrosius, ad obtinendam inauissimam gloriam erroremque hominis aucupari, et Deum testem in corde contemnere? quasi vero ullo modo comparandus sit error illius qui te bonum putat, error tuo, qui homini de falso bono placere studes, de malo vero displices Deo.

Unusquisque enim onus suum portabit. Videtur superioribus contraire, ubi ait : *Alter alterius onera portate.* Si enim unusquisque onus suum portabit, alter alterius onera portare non poterit. Sed videntur, quod ibi præceperit ut peccantes in hac vita nos invicem sustentemus, et in præsenti sæculo alterutrum auxilio aimus : hic autem de Domini dicat in resurrectione judicio, quod non ex alterius peccato et comparatione deterioris, sed juxta nostrum opus, aut peccatores ab eo judicemur, aut sancti, recipiente unoquoque secundum opus suum. Obscurè

A licet, docemur per hanc sententiolam novum dogma, quod latitat : dum in præsenti sæculo sumus, sive orationibus, sive consiliis invicem posse nos adjuvari. Cum autem ante tribunal Christi venerimus, nec Job, nec Daniel, nec Noe, rogare posse pro quoquam, sed unumquemque portare onus suum (*Ezech. xiv*).

Communicet autem is qui catechizatur verbo, ei qui se catechizat in omnibus bonis. Sensus itaque iste est, quia superius spiritualibus præceperat, ut eos qui præoccupati fuerant in aliquo delicto, instruerent in spiritu lenitatis, et alter alterius onera portarent, adimplentes legem Christi : nunc e contrario his qui adhuc imbecilliores, et discipuli, et carnales erant imperat ut quomodo ipsi a magistris spiritualia metunt, sic B magistris carnalia præbeant, qui totos se divina eruditioni, et studio tradentes, vitæ hujus necessariis indigent, et fiat illud quod de manna scriptum est, *qui multum, non abundavit ; et qui modicum, non minoravit* (*II Cor. viii*). Bona autem in præsenti loco, juxta vulgi consuetudinem moremque communem, victimum et vestitum, ceteraque quæ homines inter bona numerant, appellavit. *Habentes enim victimum et vestitum, his contenti simus* (*II Tim. x*). Nec mirum si Paulus ea quæ erant corpori necessaria boni appellatione signavit : cum etiam Salvator noster ad eos qui necdum ad virtutum culmen ascenderant, sed adhuc humilius incedebant, et sibi addi poscebant fidem, dixerit. *Si ergo vos, cum mali sitis, scitis bona data dare filiis vestris, quanto magis Pater cœlestis dabit bona potentibus se* (*Matth. vii*) !

Nolite errare, Deus non irridetur : quæ enim seminaverit homo, haec et metet. Prævidens in spiritu, eos qui docentur, et debent magistris sumptus et vitæ necessaria ministrare, posse obtendere paupertatem et dicere : Ager meus hoc anno aruit siccitate, Vineam grando contrivit, Reditus, qui esse poterant, tributa rapuerunt, Non habeo unde tribuam quod jubetur ; adjicit, *Nolite errare, Deus non irridetur.* Scit, inquit, corda vestra ; non ignorat facultates. *Excusatio verisimilis homini potest utcunque placere, Deum non potest fallere.* Et simul cohortatur ad id quod præceptum est exhibendum, semen nominans, ne potet perditum quod multiplicato seniore recepturus est.

Quoniam qui seminat in carne sua, de carne et metet corruptionem. Hoc dicit de amatoribus voluptatum magis quam Dei. In carne enim sua seminat, qui omnia quæ fecit, etiamsi bona videantur, propterea tamen facit ut carnaliter ei bene sit.

Qui autem seminat in spiritu, de spiritu metet vitam æternam. Seminatio in spiritu est ex fide cum charitate servire justitiae, et non obediens desideriis peccati, quamvis de mortali carne existentibus. Messis autem vitæ æternæ cum inimica novissime destruet mors, et absorbebitur mortale a vita, et corruptibile hoc induet incorruptionem. In hoc ergo tertio gradu, quo sub gratia sumus, seminare debemus opera bona quæ supra jam dicta sunt. Alter :

Qui legem carnaliter intelligit, reprimissores quoque carnales, et quæ in præsenti sæculo corrumptur, exspectat. Qui autem spiritualis auditor est, seminat in spiritu, et de spiritu metet vitam æternam. Similiter notandus ordo sermonis, et cum superioribus copulandus, quod homo vocatur in spiritu seminans, qui quando cooperit vitam metere sempiternam homo fortasse esse desistet. Illud etiam pariter observandum quod qui seminat in carne cum additamento suæ carnis ponitur. Qui autem seminat in spiritu non dicitur in spiritu suo, sed simpliciter in spiritu. Qui enim bona seminat non in suo quopiam, sed in Dei spiritu seminat, de quo et vitam est messurus æternam.

Bonum autem facientes, non deficiamus. Indelicitem ergo justitiam indeficiens præmium subsequetur. Cohortatur eos ad studium perseverantia, qui in hac vita mercedem boni operis exspectant, nescientes quia sicut in semine aliud sationis, aliud messis est tempus: sic et in præsenti vita sementis est opera, quæ nunc vel in spiritu vel in carne seruntur. Messis vero operum futurum judicium: et qualitate sementis [sic et in præsenti vita sementem esse opera quæ vel in spiritu vel in carne metantur, messem vero futurum judicium, et pro qualitate vel diversitate sementis, etc.] diversas nos facere mensuras, centesimum, sexagesimum, et tricesimum fructum: quam segetem nemo potest metere deficiens. Qui enim perseveraverit usque in finem, hic salvus erit (Matth. x). Quale est autem, ut cum peccatores quotidie in malis operibus augeantur, nos in bono opere lassemur?

Tempore enim suo metemus, non deficientes. Nunc tempus seminandi est, non metendi. Non ergo hic nostram mercedem quæramus accipere, ne hieme tenera herba dimissa in præsenti, ut acerba non prospicit, et non sit quod in futuro metatur. Dicitur enim nobis, *Recepitis bona vestra in vita vestra.* Et iterum, *recepérunt mercedem suam* (Luc. xvi, Matth. v).

Ergo dum tempus habemus, operemur bonum ad omnes. Tempus sementis, ut diximus, tempus est præsens, et vita quam currimus: in hac licet nobis quod volumus seminare; cum ista vita transierit, operandi tempus auferetur. Unde et Salvator ait: *Operamini dum dies est, veniet nox, quando jam nullus poterit operari* (Joan. xi).

Maxime autem ad domesticos fidei. Quos hic credendum est, nisi Christianos significari? Nam omnibus hominibus et Judæis, et paganis, alique Christianis, et bonis, et malis, misericordia opus impendere debemus: ne eis quod Deus non negat nos negare videamus: maxime tamen his qui peculiarem nobiscum Deo fidem exhibent famulatum. Omnibus cuius pari dilectione vita æterna optanda est, sed non omnibus eadem possunt exhiberi dilectionis officia. Videtur mihi locus iste posse et superioribus cohædere, ut domesticos fidei magistros nominet, quibus supra omnia quæ putantur bona ab auditoribus suis

A jusserset ministrari. Deinde cum docuissent opera ipsa legis, quæ salubria sunt et ad bonos mores pertinent, dilectione fidei posse tantummodo impleri, non timore servili, redit ad illud, unde tota causa agitur.

Videte qualibus litteris scripsi vobis mea manu. Hi qui circumcidì Galatas volebant, disseminaverant alia Paulum facere, alia prædicare, et suo opere destruere sermonem, quod qui legem assereret abolitam, ipse inveniretur in lege. Hanc opinionem quia non poterat Paulus apud omnes præsens ipse subvertere (prohibebatur quippe vinculis, quæ ob Christi martyrium sustinebat), seipsum per litteras representat, et ne aliqua suppositæ Epistole suspicio nasceretur, ab hoc loco usque ad finem manu sua ipse perscripsit, ostendens superiora ab alio exarata. Quod autem sub nomine ejus a falsis doctoribus epistolæ mitterentur, ad Thessalonicenses quoque demonstrat scribens: *Rogamus autem vos, fratres, per adventum Domini nostri Jesu Christi, et nostræ congregations in ipsum ut non cito moveamini a vestro sensu, neque terremini, neque per spiritum, neque per sermonem, neque per Epistolam tanquam per nos missam, quasi instet dies Domini, ne quis vos seducat ullo modo* (II Thes. ii). Et ut totam Epistolam quam mittebat a suspicione erueret falsitatis, manu sua in fine subscripsit dicens: *Salutatio mea manu Pauli, quod est signum in omni Epistola.* Id est, quod apposui *mea manu*, intelligite quam fiducialiter scripserim, et neminem pertinuerim, qui litteras mea manu scripsi. Sive opera intelligamus in manibus, quam ob causam crebro et in prophetis dicitur, *Sermo Domini qui factus est in manu Jeremie, sive Aggœi:* ut ad hanc similitudinem in manu quoque Pauli factum Dei sciamus esse sermonem.

Quicunque enim volunt placere in carne, hi cogant vos circumcidì: tantum ut crucis Christi persecutionem non patientur. Multum persecutabantur Judæi eos qui videbantur deserere traditas homini observationes, quos ipse quam timeat satis ostendit, cum tales litteras etiam sua manu scribere voluit. Docet ergo timorem adhuc in istis operari, tanquam sub lege constitutis, qui ad circumcisionem gentes cogarent. Et ideo superius jam ostendit ex quo loco sua subscripterit manu, et nunc quid subscripterit replicat. Caius Cæsar, et Octavianus Augustus, et Tiberius successor Augusti leges promulgaverunt ut Judæi qui erant in toto Romani imperii orbe dispersi proprio ritu viverent, et Patrum ceremoniis deservirent. Quicunque igitur circumcisionis erat, licet in Christum crederet, quasi Judæus habebatur a gentibus. Qui vero absque circumcisione se non esse Judæum præputio præferebat, persecutionibus tam gentilium quam Judæorum fiebat obnoxius. Has igitur persecutions hi qui Galatas depravarant declinare cupientes, circumcisionem pro defensione disciplis persuadebant, quam nunc Apostolus confidentiam in carne vocat, quod scilicet tam gentibus, quos

timebant, quam Judæis, quibus volebant placere, circumcisionem in persecutione proponerent. Nam nec Judæi prosequi eos poterant, nec gentiles, quos videbant et proselytos circumcidere, et ipsos legis præcepta servare.

Neque enim qui circumciduntur legem custodiunt; sed volunt vos circumcidiri. Vel si circumcisio legem faceret custodiri, aliquid videretur habere rationis ista persuasio, sed propter terrenam felicitatem, vel cupiditate adipiscendi, vel amore amittendi. Et ideo non vere custodiunt: quoniam carnalis cupiditas, qua peccator mutatur potius quam augetur, cupiditate alia non sanatur: quia facit eos carnalis timor et cupiditas servos qui carnaliter cuncta observare se credunt. Unde hoc est omne quod student, quod agunt, quod nituntur, ut apud Judæos de vestra carnis injurya gloriantur et jactent suo gentes magisterio circumcisos. Hoc autem totum faciunt ut Judæis placeant, et expugnante legis invidia conquiescant [et expugnante legis invidia conquiescant]. Sive aliter:

Neque enim qui circumciduntur legem custodiunt. Illam enim dicit custodionem legis, non occidere, non mœchari, non falsum testimonium dicere, et si qua homini ad bonos mores pertinere manifestum est; quia nisi charitate et spe bonorum æternorum quæ per fidem accipiuntur, impleri non posse jam dictum est.

Ut in carne vestra gloriantur. Id est, ut non solum non patientur persecutionem a Judæis, qui nullo modo cerebant incircumcisus legem prodi, sed etiam gloriantur apud eos, quod tam multos proselytos fecerint. Ut enim unus proselytum facerent Judæi, mare et terram eos circuare solere Dominus dixit (*Matth. xxiii.*).

Mihi autem absit gloriari, nisi in cruce Domini nostri Jesu Christi, per quem mihi mundus crucifixus est, et ego mundo. Non in propria justitia, vel doctrina, sed in fide crucis per quam mibi omnia peccata dimissa sunt. Ut ego mundo morerer, ut eum non teneam, id est, ut neque mundus mibi nocere possit, neque ego de mundo aliquid cupiam. Qui autem in cruce Christi gloriatur, non vult placere in carne, quia persecutiones carnalium non timet, quas prior, ut crucifigeretur, ille sustinuit, ut vestigia sua sectantibus præberet exemplum. Sive aliter mundus ei crucifixus fuerat, quia hunc cordi suo jam mortuum non amat: sed et se ipsum mundo crucifixera, quia talem se ei exhibere studuit, ut ab eo quasi mortuus concupisci non possit. Si enim uno in loco sint mortuus et vivens, et si mortuus vivum non videt, vivus tamen mortuum videt. Si vero utrique sunt mortui, alter alterum nequaquam videt. Ita qui jam mundum non amat, sed tamen ab illo non videns amat, et ipse velut mortuus mundum non videt: hunc tamen mundus adhuc mortuus videt. Si vero nec ipse in amore mundum retinet, nec rursus a mundi amore retinetur, vicissim sibi eterque extincti sunt, quia dum alterum

A non appetit, quasi mortuus mortuum non attenit. Quia igitur nec Paulus mundi gloriam quærebatur, nec a mundi gloria ipse quærebatur, et se mundo et mundum sibi crucifixum esse gloriatur. Quod quia multi appetunt, sed tamen usque ad culmen extinctionis omnimodæ non assurgunt, ideo ait :

In Christo enim Jesu neque circumcisione aliquid valet, neque præputium. Hoc tempore neque circumcisione prodest, neque præputium nocet, sed hoc solum prodest: Si quis renatus nova circumcisione utatur. Servat hoc loco Apostolus usque in finem illam indifferentiam, ne quis eum putaret vel in Timothei circumcisione simulate aliquid egisse, vel in cuiusquam agere, si forte aliqua talis causa exstitisset. Ostendit enim non ipsam circumcisionem obesse aliquid creditibus, sed spem salutis in talibus observationibus constituta. Nam et Actibus apostolorum hoc modo inveniuntur illi circumcisionem persuadere, ut aliter eos qui ex gentibus crediderant, salvos fieri negent posse. Non ergo ipsius operis, sed hujus erroris perniciem refellit Apostolus, cum dicit: *Neque circumcisione aliquid est, neque præputium.*

Sed nova creatura. Novam creaturam dicit vitam novam per fidem Jesu Christi, in qua nova creatura transfigurabitur corpus humilitatis nostræ configuratum corpori claritatis Christi, cum vetera transierint, et facta fuerint omnia nova.

C Et quicunque hanc regulam sequuntur, pax super illos, et misericordia, et super Israel Dei. Id est, eos qui vero ad visionem Dei præparantur, non qui vocantur hoc nomine et carnali cæcitate videre Deum nolunt, quando gratiam ejus responentes, servi esse temporum cupiunt. Dei vero Israel dictus est ad distinctionem ejus qui Dei Israel esse cessavit. Dicunt enim se esse Judeos, et non sunt: sed mentiuntur, cum sint de synagoga Satanae. Nec mirandum est si ad distinctionem spiritalis Israel carnalis Israel dicitur, qui nec pacem habeat, nec misericordiam, de quo et ad Corinthios scribitur: *Videte Israel secundum carnem* (*I Cor. x.*).

D De cætero nemo mihi molestus sit. Nemo me amplius interroget, quasi dubitans: omnem enim jam exposui veritatem. Idecirco hoc dicit quia non vult per turbulentas contentiones tedium sibi fieri debere quantum satis erat exposita materia cum iam in Epistola quam ad Romanos scripsit, tum in hac ipsa.

Ego enim stigmata Jesu in corpore meo porto. Id est, ego signa et characteres, non circumcisionis, sed crucis per passionem in corpore meo circumfero, et plagas vel flagella, quæ propter Christum sustineo, et habeo alias conflictus, et certamina cum carne mea, quæ in persecutionibus quas patior mecum dimicant. Stigmata enim dicuntur note quædam paenarum servilium, ut si quis verbi gratia servus in compediibus fuerit propter noxam, id est, propter culpam, vel hujusmodi aliquid passus fuerit,

stigmata habere dicatur. Et ideo in jure manumis-
sionis inferioris est ordinis. Nunc ergo Apostolus
stigmata voluit appellare, quasi notas pœnarum
de persecutionibus quas patiebatur. Propter culpam
enim persecutionis qua persecutus erat Ecclesias
Christi, haec sibi retribui cognoverat, sicut ab ipso
Domino dictum est Ananias, cum idem illum Ananias
tanquam persecutorem Christianorum formidaret.
Ego illi ostendam, inquit, *qua oporteat eum pati pro
nomine meo.* Verumtamen propter remissionem pec-
catorum, in qua baptizatus erat, omnes illæ tribu-

A lationes non ei valebant ad perniciem, sed ad coro-
nam victoriarum proficiebant. Conclusio Epistolæ tan-
quam subscriptio manifesta est. Nam et in nonnullis
aliis Epistolis hac ita utitur :

*Gratia Domini nostri Iesu Christi cum spiritu ve-
stro, Amen.* Subscriptio Pauli talis est. Optat au-
tem ut gratia cum eis Domini, non legis opera,
comitetur. Cum spiritu, inquit, non cum carne :
in cuius circumcisione gloriantur carnales. Vos au-
tem spiritualiter circumcisi estis, et spiritualiter con-
versamini.

CLAUDII EPISCOPI EXPOSITIO EPISTOLE AD PHILEMONEM.

(Ex Maii Spicil. tom. IX.)

MONITUM EDITORIS.

Claudi Taurinensis episcopi, qui sub Ludovice
Pio vixit, expositiones Epistolarum Pauli apostoli,
cum alibi tum in antiquis etiam Vaticanae bibliothecæ codicibus jacent. Has divulgare olim cogita-
bam, quo tempore prologum in priorem ad Corinthios edidi Script. vet. T. VII, p. 274. Verumtamen
lectis postea studiosius his Claudi scriptis, mihi demum innotuit, nihil fere ibi esse (exceptis prologis)
nisi ex cognitis aliorum Patrum commentariis bre-
viata excerpta ; quod alioqui Claudi vitium Simo-
nius atque Trembellius jamdiu persenserant. Igitur
delegi unicum Claudi commentarium super brevis-
simam ad Philemonem Epistolam, quem hoc loco lecto-
ribus reperire, ut mecum videant nihil Clau-
dium habere quod uberioris atque splendidius in
divi Hieronymi ad eamdem Epistolam commentario
non legatur.

INCIPIT EXPOSITIO.

Philemoni familiares litteras facit pro Onesimo
servo ejus. Scripsit autem ei ab urbe Roma de car-
cere, et hoc ejus principium est : *Paulus vincitus
Jesu Christi.* In nulla Epistola hoc cognomine usus
est, licet in corpore epistolarum, ad Ephesios vide-
licet et Philippenses et Colossenses, esse se in vin-
culis pro confessione testetur. Majoris autem mihi
videtur supercilii, vincitum Jesu Christi se dicere
quam apostolum : gloriabantur quippe apostoli quod
digni habili sunt pro nomine Jesu contumeliam pati.
Sed necessaria est auctoritas vinculorum. Rogaturus
pro Onesimo, talis rogare debuit qui posset impetrare
quod posceret. Felix nimurum, qui non in sapientia,
non in divitiis, non in eloquentia et potentia sœcu-
lari, sed in Christi passionibus gloriatur ! Non omnis
autem qui vincitus est, vincitus est Christi ; sed qui-
cunque pro Christi nomine, et pro ipsius confessione
vincitur, ille vere vincitus dicitur Jesu Christi ; ut
sanguis effusus ille tantum martyrem facit, qui pro
Christi nomine funditur. *Et Timotheus frater.* Hoc
ideo ut sciamus, hanc quoque de carcere et inter
vincula suis dictatam, ubi semper Timotheus cum

B illo perseveravit : quo tempore videntur ad Phi-
lippenses, Colossenses et ad Ephesios Epistolæ esse
dictatæ. (Vers. 2.) *Philemoni dilecto et adjutori no-
stro, et Appiæ sorori charissimæ.* Scribunt igitur
Paulus et Timotheus Philemoni charissimo et coope-
ratori, qui ideo charissimus dictus est, quod in eo-
dem Christi opere versetur. Appiæ quoque sorori,
quæ vel soror vel conjux ejus creditur esse. Inter
duos quippe viros et apostolicos, inter cooperato-
rem Pauli et commilitonem ejus, medium Appiæ
nomen inseritur, ut tali ex utroque latere fulta
comitatu, non videatur ordinem sexus habere, sed
meriti. *Et Archippo commilitoni nostro.* Hunc Archip-
pum arbitrandum est cum Paulo et Timotheo contra
adversarios pro Christi nomine dimicantem exstitisse
C victorem, et propterea nunc commilitonem dici,
quod in eodem certamine belloque superaverit. *Et
ecclesiæ quæ est in domo tua.* Scribitur ecclesiæ
quæ in domo ejus est. Verum hoc ambiguum est,
utrum ecclesiæ quæ in domo Archippi sit, an ei
quæ in domo Philemonis ; sed ut certius putatur,
non ad Archippi, sed ad Philemonis referendum est
personam, cui ipsa quoque epistola deputatur.

(Vers. 3.) *Gratia vobis et pax a Deo Patre nostro
et Domino Jesu Christo.* Adhuc a duabus ad plures
scribitur, et in omnibus pene Epistolis æquale prin-
cipium est, ut gratiani et pacem a Deo Patre, et a
Christo Domino imprecetur. Ex quo ostenditur unam
Filii Patrisque esse naturam, cum idem potest Filius
præstare quod Pater, et id dicitur Pater præstare
quod Filius. Gratia autem est, quia nullo merito, nec
opere salvamur. Pax, qua reconciliatur Deo per
Christum suum. Licit Paulus et Timotheus pariter
scribant, et ad Philemonem, et Appiam, et Archip-
pum, tamen in sequentibus approbatur Paulus tan-
tantummodo ad Philemonem scribere, et unum cum
uno sermocinari. (Vers. 4.) *Gratias ago Deo meo, sem-
per memoriam tui faciens in orationibus meis.* Hæc jam
non ut Paulus, et Timotheus Philemoni, et ceteris,